

1936

年

第

12

期

版出日三十月十歲子丙年五十二國民

船山學報

中華郵政特准掛號認爲新聞紙類

湖南船山學社印行

期二十第

湖南船山學社學報章程

一 本學報繼續本社民國六年以前學報辦理仍名曰船山學報

二 本學報暫定每季出版一次按年編號

三 學報內容分類如左

1 圖畫 2 特刊 3 師說 4 講演 5 專著 6 文苑 7 劄記 8 說苑

9 課藝 10 叢錄 11 本社紀事

四 本社徵文酬例另定之遺稿專著斟酌酬贈詩詞雜文等不給酬但酌贈書報

五 給酬以登出學報者為限

六 凡來稿本社得斟酌修改之無論已否登出概不退還惟遺著專著詩詞文集成冊者

不在此限

七 本報價目另定之

湖南船山學報第十二期目錄

圖 畫

船山先師遺像

木崖紀勝圖

特 刊

船山遺書目錄序

師 說

船山思問錄內篇

講 演

學而時習之章義

歲星辨正

孔壁藏書為聖道存亡關鍵論

論三仁去就生死之道

目 錄

鄧湘皋

周 逸

黃 翬

前 人

前 人

前 人

25x17

目 錄

專 著

船山先生年譜.....王之春

船山師友記第七.....羅正鈞

湘綺樓詩經評點.....周 逸

雁影齋題跋卷四.....李希聖

中國名山彙考卷一.....周 逸

律音彙考卷之一.....邱之穉

文 苑

文 錄

題薑齋手稿禮記檀弓兩葉跋.....王闓運

題許篤齋答問三卷.....前 人

清故高平令龍君之碑.....前 人

何秀才性存墓志銘.....李可宗

祭何秀才性存文.....秦炳直

孝廉方正鄧君墓誌銘.....李澄宇

陳節母周夫人傳.....陳繼訓

周畏三家傳.....顏昌曉

千草亭記.....前人

說文演例敘.....羅傑

讀湘綺樓全書.....李肖聃

題胡節母夜紡課經圖贊 並序.....盧質

詩 錄.....

船山先師誕日釋菜詩.....蕭昌世

前題.....廖名縉

前題.....吳光瑚

驛柳四首用船山先生韵.....張銑

目 錄

25 X 10

目 錄

書劉孝女事略後	孫 傲
陳杏聽農部以其祖慈松貞竹孝圖徵題	黃昌年
杏驥農部宗兄屬題松貞竹孝圖	陳三立
夜紡課經圖題詞	彭清藜
前題	蕭仲祁
前題	陳繼訓
前題	胡子清
楊生浩存輓歌	周 逸
鈴說四首示昭潭書院諸生	吳 熙
攜幼子堅同黃丙齋茂孝廉登萬樓	前 人
題賓小航冊頁	王闓運
羅時雲參事碧血禪並序	劉人熙
前題	王芝祥

題覺非寺落成寄祐初……………趙啓霖

趙芷蓀侍御於覺非寺落成後八年補寄楹聯並繫以絕句二首次韻

奉和……………廖樹勳

昭山……………前人

題陳王林夢榴堂詩集……………前人

題自畫山水雜詩錄白燕齋詩集……………陳嘉會

木崖並序……………周逸

次前韵一首……………蕭仲祁

自題木崖紀勝圖有序……………周逸

題花鳥圖……………浣霞閣主

次酬穉盒二首……………李澄宇

讀夢遶詩漫書三首錄二並序……………前人

登金山寺浮圖……………王剡

目 錄

五

孤松.....	前人
古石.....	前人
寄酬吳悔晦.....	顏昌曉
丙子上巳南社同人定王臺雅集拈得並字.....	前人
禹碑.....	盧質
湘江泛舟.....	前人
擬杜甫詠懷古跡五首即用其韻.....	前人
次韵答天津楊味雲京卿同部見懷.....	陳繼訓
丙子重九邑中名流招飲壺山詩社以屠喪謝不往.....	
感而作此.....	劉揆一
和秋日壺山臨眺原韻.....	釋慧朗
劉 記	
恆心堂讀書答問.....	周 逸

25 x □

說苑

疊字男名錄.....葛鼎甫

課藝

經義 足食足兵民信之矣義.....正取第一名許鴻飛

治事 申包胥復楚留侯報韓厥功不殊史公傳伍員而不傳包胥試

論之.....前人

詞章 擬船山春山漫興四首.....前人

經義 足食足兵民信之矣義.....正取第二名郭虛中

治事 申包胥復楚留侯報韓厥功不殊史公傳伍員而不傳包胥試

論之.....前人

詞章 擬船山春山漫興四首.....前人

經義 足食足兵民信之矣義.....正取第三名易家鉉

治事 申包胥復楚留侯報韓厥功不殊史公傳伍員而不傳包胥試

目錄

25x10

第 十 二 期

目 錄

八

論之.....	前 人
詞章 擬船山春山漫興四首.....	前 人
選錄詞章四十八首.....	
擬船山春山漫興四首.....	廖悅盒
前題.....	漆新晉
前題.....	許先文
前題.....	李省三
前題.....	李 治
前題.....	歐陽瑛
前題.....	毛兆麟
前題.....	周源遠
前題.....	李安庭
前題.....	廖 曄

前題.....周祝封

前題.....侯瀛

叢 錄

通 訊

本社董事會致黃社長籽輿先生書

王佩初周木崖致黃籽輿先生書

本社全體社員致黃社長書

黃社長致黃子固周木崖兩先生書

社長黃籽輿先生來書

周董事覆黃社長書

黃社長復各董事書

廖兆熊先生致周編輯主任書

劉龍澤先生來書

目 錄

25X10

第 十 二 卷

目 錄

阮宗權先生來書

浙江省立圖書館來書一

浙江省立圖書館來書二

浙江省立圖書館來書三

江西省立圖書館來書一

本社覆江西省立圖書館函

江西省立圖書館來書二

北平燕京大學圖書館來書一

北平燕京大學圖書館來書二

國立北平師範大學圖書館來書

天津私立南開大學木齋圖書館來書一

天津私立南開大學木齋圖書館來書二

河北省立保定民衆教育館來書

安徽省立圖書館來書

江蘇私立東吳大學圖書館來書一

江蘇私立東吳大學圖書館來書二

上海時代通訊社湘省分社社長張翌舒先生來書

濟南私立齊魯大學圖書館來書

山東省立圖書館來書

甘肅省立圖書館來書

福建省立圖書館來書

國立中山大學圖書館來書

廣西省立第二圖書館來書

綏遠省立圖書館來書

南京國立中央圖書館來書

南京市政府圖書室來書

目 錄

公 牘

致南寧李德鄰白健生兩先生快電

長沙綏靖主任公署來函

致湖南省教育廳省黨部省政府三處公函

長沙綏靖公署何主任復本社陶副社長電

致長沙綏靖主任公署函

上廣州蔣委員長電一

致長沙綏靖主任公署函

長沙綏靖主任公署復本社函

軍事委員會委員長行轅總務處來函

上廣州蔣委員長電二

長沙綏靖主任公署第二處來函

復長沙綏靖主任公署第二處函

長沙綏靖主任公署第二處復函

上廣州蔣委員長電三

覆長沙綏靖主任公署函

電南京憲兵司令部谷司令官

致長沙綏靖主任公署函

長沙綏靖主任公署副官處來函

復長沙綏靖主任公署函

致湖南省會軍事應接處函

致長沙綏靖主任公署函

祝蔣委員長五旬儉電

致綏遠傅主席暨全體將士慰勞電

本社紀事

湖南船山學社民國二十五年五月至十月新入社員一覽表

目錄

三

25x11

期 目 錄

第一	第二	第三	第四	第五	第六	第七	第八	第九	第十
...

目 錄

四

王船山先生像



把鏡相看認不來問人云此是薑齋龜於朽後從人
卜夢未圓時莫浪猜誰筆仗此形骸間愁輸汝兩
眉開鉛華未落君還在我自從天乞活埋
先師自題小影詞也清光緒初元張文心大令從
先師祠堂摹得遺像蓋猶襲明行人司章服先
師以永曆四年任行人司年三十二後又四十一年
乃自題小影今摹刻之祠堂者是也湘陰郭筠仙侍
郎奉以祀之思賢講舍而為之贊曰
濂溪混然其道莫窺惟於先生望見端崖約禮明性
守道持危闡揚文令是曰先知二百餘年星日昭垂
私心之契曠世之師

木崖紀勝圖



丙子四月朔於南湖船山學社攝影

特刊

船山先師詩錄

洞庭秋三十首

周逸敬選

瀟湘北下巴江東。上蟠下際搏青空。天地忘憂消偏側。淒清作意掠鴻濛。
夔子孤城懸太白。三苗餘壘挂殘虹。古今無那此俄頃。欹危歛爾生蘋風。

其二

月似蘆花煙似水。似如不似勞形容。歎雪凝寒猶清適。涵暉冷燄飛輕鬆。
星漢相看交不昧。心魂欲之亦奚從。但覺晃熠透圓碧。不辨愁來忽已逢。

其三

大儀懸張覆釜幢。誰其至者弗心降。長天纖忽隨泯泯。商飈騷屑入淙淙。
浩瀚無餘一絲挂。清微欲將九鼎扛。安得沐日仍浴月。東越西皎晶瑩雙。

特 刊

船山遺書目錄序

鄧湘皋 遺稿

周易內傳十二卷。發例一卷。周易大象解一卷。周易稗疏二卷。舊本三卷。四卷。周易考異一卷。附稗疏後。周易外傳七卷。書經稗疏四卷。尙書考異。有目。未見書。尙書引義六卷。詩經稗疏五卷。舊本二卷。四卷。詩經考異一卷。附協韻辨。詩廣傳五卷。禮記章句四十九卷。春秋稗疏二卷。春秋家說七卷。春秋世論五卷。舊本二卷。讀春秋左氏傳博議二卷。四書訓義三十八卷。又名授諸生詩義。四書稗疏二卷。故本一卷。四書考異一卷。讀四書大全說十卷。四書詳解。說文廣義三卷。凡經類二十二部。已見二十部。都一百六十四卷。未見二部。無卷數。

讀通鑑論三十卷。宋論十五卷。大行錄。未見。凡史類三部。已見二部。都四十五卷。未見一部。無卷數。

張子正蒙注九卷。近思錄釋。未見。思問錄內篇一卷。外篇一卷。俟解一卷。噩夢一卷。呂

特 刊 船山遺書目錄序

第 十 二 期

覽釋。未淮南子注。未黃書一卷。識小錄一卷。搔首問。未龍源夜話。老子衍一卷。莊子解三十三卷。莊子通。未愚鼓歌一卷。相宗絡索一卷。三藏法師八十規矩論贊。

凡子類十七部。已見十二部。都五十一卷。未見五部。無卷數。

楚辭通釋十四卷。薑齋文集十卷。卷一論三首。傲符命一首。連珠二十五首。卷二傳書後二首。跋一首。卷四啓一首。尺牘十首。卷五九昭卷六九綱卷七賦五首。卷八賦三首。卷九像贊一首。雜物贊十六首。銘十一首。卷十家世節錄八則。薑齋詩集十卷。卷一五十一自定稿。卷二六十自定稿。卷三七十自定稿。卷四柳岸吟。薑齋詩餘三卷。卷一船山鼓棹初集卷二。船山薑齋詩話三卷。卷一詩評。元附詩經稗疏後。密漫憶得。未薑齋外集四卷。卷一船山制義卷二。船山經義卷三。夕堂永日內編卷三。南

也。附識其名於此。夕堂永日八代文選十九卷。八代詩選。未四唐詩選。見凡集類十部。已見六部。都六十三卷。未見四部。無卷數。

右衡陽王先生著書五十二種。已見三十八種。都三百二十三卷。著錄於四庫者。曰周易稗疏四卷。考異一卷。曰尙書稗疏四卷。曰詩稗疏四卷。考異一卷。曰春秋稗疏

二卷。凡六種。存目於清四庫者。曰尙書引義六卷。曰春秋家說三卷。凡二種。舊已刊

25 X 10

者。曰周易大象解一卷。曰春秋世論二卷。曰四書稗疏一卷。考異一卷。曰老子衍一卷。曰莊子解三十三卷。曰楚辭通釋十四卷。曰正蒙註四卷。曰思問錄二卷。曰俟解一卷。凡十種。外文集詩集詩餘詩話。復有數卷。皆奇零不成部帙。餘俱鈔本。其未見者存佚不可知。舊刊之本。類坊刻。且日久漫漶。顯鶴病之。嘗慨然發憤。思購求先生全書。精審鈔本。嘉惠來學。以是強聒於人無應者。道光己亥寓長沙時。方輯沅湘耆舊集。徵求先生遺詩。一日先生族裔有居湘潭名世全者。介其友歐陽君兆熊。訪余於城南旅寓。以先生詩集來。且具道先生六世孫承佺。具藏先生各種遺書於家。世佺將謀壽諸梨棗。余大喜過望。次年春。遂開雕於長沙。以校讎之役。屬吾邑人鄒漢勛。其後二年。次第刊成。周易內傳十二卷。周易大象解一卷。周易稗疏二卷。考異一卷。周易外傳七卷。書經稗疏四卷。尚書引義六卷。詩經稗疏五卷。考異一卷。詩廣傳五卷。禮記章句四十九卷。春秋稗疏二卷。春秋家說七卷。春秋世論五卷。讀春秋左氏傳博議二卷。四書授義三十八卷。四書稗疏二卷。考異一卷。大凡十八種。都百五十卷。書成。以全書目錄寄示。顯鶴乃僭書其後曰。班史有言。古之儒者。博學廣六藝。

第十期

之文。六藝者。王教之典籍。先聖所以明天道。正人倫。致至治之成法。自孔子歿而大道微。七十子之徒。遺言墜緒。不絕如縷。遭秦燔滅。蕩然無存。漢興。收拾餘燼。始立專門。各抱一經。私相授受。亦互相嫉妒。馬鄭諸儒。始貫穿羣籍。鑽研訓詁。迄其蔽也。難於讖緯。墮於支離破碎。魏晉以後。崇尚虛無。流爲佛老。學術紛歧。世運榛塞。聖人之道晦矣。唐代義疏之作。具有端緒。而是非得失。未有折衷。宋世真儒出。羣經乃有定論。至於近代學者。疾陋儒空談心性。逸於考古。遂至厭薄程朱。專考求古人制度名物以爲博。甚則刺取先儒刪落。踳駁謬悠之論以爲異。而一二天資高曠之士。又往往誤於良知之說。敢爲高論。狂瞽一世。著書愈多。聖道愈蔽。先生不然。生平論學。以漢儒爲門戶。以宋五子爲堂奧。而學道淵源。尤在正蒙一書。以爲張子之學。上承孔孟之志。下採來茲之失。如皎日麗天。無幽不燭。聖人復起。未之能易。惟其門人未有殆庶者。而當時鉅公如富文可馬諸公。張子皆以素位隱居。末由相爲羽翼。其道之行。曾不得比於邵康節之數學。而世之信從者寡。道之誠然者不著。是以不百年而異說興。又不二百年而邪說熾。其推本陰陽法象之狀。往來原反之故。反復辨論。累

千百言。所以歸咎上蔡象山姚江者甚峻。或疑其言太過。要其議論精卓。踐履篤實。粹然一軌於正。固無以易也。先生生當鼎革。自以先世爲明世臣。存亡與共。甲申後。崎嶇嶺表。備嘗險阻。既知事之不可爲。乃退而著書。竄伏祁永漣邵山中。流離困苦。一歲數徙其處。最後乃定居湘西蒸左之石船山。築觀生居以終。故國之戚。生死不忘。其志潔而芳。其言哀以思。百世下猶將聞風興起。况生同里閭。親讀其書者乎。當是時。海內儒碩。北有容城。西有整屋。東南則崑山餘姚。而亭林先生爲之魁。先生刻苦似二曲。貞晦過夏峯。多聞博學。志節皎然。不愧顧黃兩先生。顧諸君子肥遯自甘。聲名益炳。羔幣充庭。干旌在野。雖隱逸之薦。鴻博之徵。皆以死拒。而公卿交口。天子動容。其志易白。其書易行。先生竄身。猶峒絕迹人間。席棘飴荼。聲影不出林莽。門人故舊。又無一有氣力者。爲之推挽。歿後四十年。遺書散佚。其子啟始爲之收輯。推闡上之督學。宜興潘先生。因緣得上史館。立傳儒林。而其書仍湮滅不傳。後生小子。至不能舉其名姓。可哀也已。當代經師。後先生而起者。無慮百家。所言皆有根柢。不爲空談。蓋經學至清朝爲極盛矣。然諸家所著。有據爲新義。輒爲先生所已言者。

四庫總目。於春秋裨疏曾及之。以余所見。尤非一事。蓋未見其書也。近時儀徵相國。裒輯清朝經解。刻於廣南。所收甚廣。獨不及先生。其他更何論已。先生出處本末。略見潘宜輿儲六雅全謝山余存吾諸文集。中顯鶴增輯楚寶文苑。亦有傳。不具述。獨詳述先生學業之大者著於篇。使世之讀先生書者有所考焉。

111786

師
說

錄詩師先山船

洞庭秋 其四

周逸敬選

洞辭虛無淨一規。驚濤相卽不相疑。精金大冶鍊幽蟹。俊鷗老鼉愁傾危。炎心已改何洗滌。高旻受盪還清熈。妙香浮動非蘋芷。水霧上攝開輕吹。

其五

乾坤倦遊行將歸。損山容益水光肥。片雲帆側不能影。木葉天際知已飛。游子去裏百交感。戰伐漁樵雙息機。驅除姝暖返肅爽。禁愁爲惜素心違。

其六

羈心劈破芥浮居。色色消沈遠近如。險目不平夾韻度。涼魂小住姑安舒。孫劉戰爭問漚沫。懷葛徂伏留蕭疎。情知涕泗無棲泊。放浪磊砢任太虛。

師 說

思問錄內篇 續第十一期

衡陽王夫之撰

後學周 逸箋

良其背、不獲其身。行其庭、不見其人。无咎之道焉耳。觀盥而不薦。非薦之時。然而必盥也。觀我生。君子而後可无咎。觀其生。君子而後可无咎。不然咎矣。內不見己。外不見人。而後得所止焉。其為天理也。孤矣。憂世之將剝。而不與嘗試。非與臣言忠。與子言孝。居處恭。執事敬。與人忠。以為德。則且與之為嬰兒。知之。益明。而益困矣。良觀同道。故君子尤難言之。

按良觀同道。君子之行止。在乎心之一動一靜。而為行為止。但心之一動一靜。必先觀我生。以為進退。辨其當然之宜。庶幾得知止之道。

履德之基也。集義素履也。宜兄弟樂妻子。而一以戒慎不覩。恐懼不聞之德行之所

師 說

LI 25 X 52

25x10

謂和而至也。九卦以處憂患。而此為基。君子坦蕩蕩。修此故也。

按履踐履也。人之於禮。是踐行其天理。故履為禮也。夫抵人之涉世。多是危機。不為所傷。乃見所履。所謂踐履卑遜。何往而不亨乎。

見道義之重。則外物為輕。故銖視軒冕。塵視金玉。純乎其體。道義者。天下莫匪道義之府。物不輕矣。一介不以與人。一介不以取諸人。非泛然而以銖塵揮斥之也。處貧賤患難。而不易其官。天地府萬物之心。則道義不息于己。而已常重矣。

君子所貴。世俗所羞。世俗所貴。君子所賤。故君子與世俗之所以異者。道義也。學者能識道義為重。則外物雖重亦輕。外物輕而已常重矣。

獨知炯于衆知。晝氣清于夜氣。而後可與好仁。惡不仁。

人欲求好惡當於理。必先審己有無私心。故曰。惟仁者能好人。能惡人。

知地之在天中。而不知天之在地中。惑也。山川金石。堅確渾淪。而其中之天常流行焉。故濁者不足以為清者病也。以濁者為病。則無往而不窒。無往而不疑。無往而不憂。安汝止。惟幾惟康。被袵衣鼓琴。二女果。若固有之。簞食瓢飲。不改其樂。無所窒也。

奚憂疑之有哉。

凡天理充滿於心者。則無往而不適。故清者自清。而濁者不見為濁。此其胸懷超曠。獨往獨來。物安能窒。更何憂疑之有。

言幽明而不言有無。張至矣。謂有生於無。無生於有。皆戲論不得謂幽生于明。明生于

幽也。戲論絕幽明者。闔闢之影也。故曰。是故知幽明之故。原始反終。故知生死之說。

所謂大易不言有無。言有無。諸子之陋也。按不言有無者。以一陰一陽之謂道。蓋

陰陽之運。其所以然者。即道也。體用相因。精粗罔間。不可以有無分。後世異端見

之不明。始以道為無。以器為有。有者為幻妄。為土苴。無者為玄妙。為真空。析有無

而二之。皆諸子之陋見也。故張子言幽明而不言有無。至矣。惡乎辯。

天尊地卑。乾坤定矣。卑高以陳。貴賤位矣。動靜有常。剛柔斷矣。此分而為二。倍而為

四。參而為六。剖而為八。參乘四而為十二。五乘六而為三十。十二三十相乘而為三

百六十。皆加一倍之定體也。邵知其說者。知天地之自然而已。若夫鼓之以雷霆。震

潤之以風雨。巽日月運行。一寒一暑。坎乾道成男。長坤道成女。兌交相摩盪。而可大

師 說

可久之業著焉。則未可以破作四片。破作八片之例矣。以例例神化。因其自然而喪其匕鬯。天下之理奚以得。而人惡足以成位于中乎。

按易有乾坤。有貴賤。有剛柔。有吉凶。有變化。要皆非聖人鑿空所爲。不過據六合中所自有者。而偶爲寫出耳。由是以知天下之理。於一動一靜。不外天地自然之道而已。

吉凶得失生死。知爲天地之常然。而無足用其憂疑。亦可以釋然矣。釋然之餘。何以繼之。繼之以惡。而爲餘食贅行。繼之以善。而亦爲餘食贅行。憂疑自此積矣。知者不惑。仁者不憂。惟其不于吉凶生死而謀道矣。

人能慎言慎行。則凶轉乎吉。吉純乎善。自無憂疑存於心。心既釋然。物來順受。則視得失生死爲自然之常道。不以介懷。故曰。智者不惑。仁者不憂。

言無者。激于言有者而破除之也。就言有者之所謂有。而謂無其有也。天下果何者。而可謂之無哉。言龜無毛。言犬也。非言龜也。言兔無角。言麋也。非言兔也。言者必有所立。而後其說成。今使言者立一無于前。博求之上下四維。古今存亡。而不可得窮。

矣。

此節言無言有。藉龜兔為寓言之意。凡天下之理與事。言有固易明。言無則天下之理與事。皆無所立。由是以推。言有者有窮。言無者無窮矣。

尋求而不得。則將應之曰無。姚江之徒以之。天下之尋求而不得者衆矣。宜其樂從之也。

尋求而不得。是反其性。而不知本然之理。早備於我。能自尋求。未有不得者也。不略于明。不昧于幽。善學思者也。

此言入至於微妙處。是學既得於思。故行事無差。思又由於學。故見理無惑也。畫前有易。無非易也。無非易。而舍畫以求之于畫前。不已愚乎。畫前有易。故畫生焉。畫者。畫其畫前之易也。

按畫前之易。天地未闢之時。而易理存焉。故伏羲畫卦。專以明此。然畫前象數俱隱。奚以求之。

兩端者。虛實也。動靜也。聚散也。清濁也。其究一也。張實不窒虛。知虛之皆實。靜者靜。

師說

二二

動非不動也。聚于此者散于彼。散于此者聚于彼。濁入清而體清。清入濁而妙濁。而後知其一也。非兩合而以一爲之紐也。

按兩端之義。不外形名之殊。如莊子齊物論。謂大小壽夭可齊。此言虛實動靜。聚散清濁爲一。故謂之兩端。則可。紐兩合而一之。則非也。

節者中之顯者也。喜怒哀樂之未發。而未有節者存。則發而中者誰之節乎。豈天下之有節乎。是從其白于外之說矣。故周子曰。中也者。和也。張子曰。大和所謂道卓矣。雖喜怒哀樂之未發。而參前倚衡。莫非節也。充氣以從志。凝志以居德。庶幾遇之。闕寂空寂者。失之遠矣。迨發而始慎之。必有不審不及之憂。

宋儒謂靜時存養。動時省察。存養必先有存養之功。其功卽節也。發時失其省察之功。則非中節矣。彼世之謝絕人事。空閒自居者。平時自覺優乎有餘。一旦臨事。未有不失其所守者。蓋非充氣凝志。存養之功不足也。

【未完】

講

演

船山先師詩錄

洞庭秋 其七

周逸敬選

儻然容與清冷都。何求不得須黃壚。函蓋雙樞合驗容。明暗半絲分有無。潛蛟旅鴈忘興廢。疎雲片月矜昭蘇。縮爲椰子沁心腎。幻計無忝移山愚。

其八

空有無垠剗徑蹊。分明至極翻淒迷。遠視不正非野馬。客心已窺聊木鷄。帆蝶竇眼驚天末。檣鳥亡賴啼日西。陰光夕灼動綠氣。懔然鬼臂相牽攜。

其九

碧落無疑鵬背措。入寥天一絕安排。邂逅不停增塞產。虛空未破猶沈埋。略遣水光存芥蒂。想知天骨正厓柴。鯨鯉可騎終未稱。吾生箬笠雙青鞵。

學而時習之章義

講 演

黃 鞏

學不切於躬行。則順之無以導天機之和。逆之無以消氣質之戾。聖人脩道之教。所以致中和之化也。凡示人學詩學禮學文。皆舉一端爲言。其總論學。則成己成人。爲人道之大。躬行實踐。推諸天下。以化無形之大亂。何者。惟孝弟忠信。則實踐於躬。而得諸心。徵諸人。此說樂之所由生。而乖戾之所以平也。論語開端。子曰學而時習之。不亦說乎。朱註學之爲言。效也。猶泛也。繼之曰。人性皆善。而覺有先後。後覺者必效先覺之所爲。乃可以明善而復初也。切矣。猶未實指其事也。實指其事云何。則孝弟忠信而已。此有子曾子所以引伸於後也。何則。凡效先覺之所爲。或詩或禮或文藝。肄業所及。功成則已。無所謂時習也。日知月亡忘而已。無所謂生於心之說也。惟孝弟忠信。無時可離於躬。無事不見其心之利。何也。事易事之父母。固時得其歡愉。事難事之父母。亦時形其底豫。以忠信與君子。固可以證同道。以忠信與小人。亦可以

格豚魚。此說之所以生於心也。時習之習。註如鳥數飛也。鳥數飛可以諭習。不可以諭習之而生說。蓋如雛鳥之學飛也。雛鳥學飛。時拂其羽。而日喜其有進步。是以說也。觀不亦乎三字。有歡忻鼓舞自得之神。其次節曰。有朋自遠方來。不亦樂乎。註朋同類也。益者三友。損者三友。益者與益者同類。損者與損者亦同類也。同類之樂亦泛也。說文朋大鵬也。大鵬飛而羣鳥從。諭聖人作而萬物睹。三千七十子之來。無遠弗屆。此非交遊徵逐之朋。而皆遜志時敏之朋也。是以可樂也。樂其我能成己以成人也。否則飲食之招徠。標榜之結納。值黨營私之計畫。非聖賢之所樂也。聖人之樂。樂其與聞吾道之多徒耳。其三節曰。人不知而不慍。不亦君子乎。程子曰。必於不慍然後得成爲君子。何以必於不慍然後得成爲君子也。君子者尊賢而容衆。嘉善而矜不能。其於知我者而來願聞其道也。吾固嘉而樂之。其於不知我者而不能聞道也。方且哀矜之不暇。而何至含慍乎。如其慍也。是小人之順我則喜。逆我則怒者耳。其於道與學全未之聞也。其有中和之致。說樂之心乎。君子雖遇梗頑不化之徒。其視以斯人吾與之心一也。故其始也。則侃侃示以共由之大路。其不知也。則又旁徵

曲引而諭之。其再不知也。則或舒與委蛇。以待其徐悟。而不遽爲絕之。其終不知也。卽示以不屑教誨之教誨。而要無非曲成不已之心。豈若悻悻然之小人哉。蓋於不愠愈以見其說樂之真耳。此章之義。與孟子君子有三樂章。可以參看。彼所謂父母俱存兄弟無故之樂。卽時習之說也。得其說。然後知其樂耳。彼所謂得天下英才而教育之樂。卽朋來之樂也。彼所謂仰不愧於天俯不忤於人之樂。卽不知而不愠也。我無愧忤於天人。何愠之有。唯是孟子俱以樂言。此則揭明說與不愠。尤爲親切。觀於此。而後知孔顏之樂真也。而後知孔顏之樂大也。疏水曲肱樂也。簞瓢陋巷亦樂也。其大行無所加也。其窮居無所損也。其毀譽無動於中也。其得失無介於懷也。其刪定纂修之功在萬世。而不自有也。其稽覈名實。辨論天人。上自義文。下至無盡。莫之能違。而不與人爭也。故當時之毀者。謗者。沮者。皆直謂之不知其量也。其何傷於君子乎。而何愠之有乎。程子曰。於不愠。然後見君子。以其別於小人之喜怒也。何者。天機太和。與氣質乖戾。天壤之判。君子小人之分。不較然可觀乎。

25 X 10

第十二期

歲星辨正

講 演 歲心辨正

前 人

漢至於今以析木為歲星。無有異說。析木者歲臨一辰。十二歲而週。與天一會。子嘗疑其名實不類。然未得其據也。及讀管子四時五行篇。乃豁然與尚書洪範有觸焉。管子云。東方曰星。其時曰春。其氣曰風。風生木與骨。其德善贏。而發出節。其事號令。修陰陽神位。謹禱。宗正陽。治隄防。耕芸樹藝。正津梁。修溝瀆。發屋行水。解怨赦罪。通四方弊梗。然則柔風甘雨乃至。百姓乃壽。百蟲乃蕃。此謂星德。星者掌發為風。是以星者五行之精。掌發為風。化生萬物。是合金木水火土為德。而其生氣之用。尤先徵於木。故以東方為位也。南方曰日。其時曰夏。其氣曰陽。陽生火與氣。其德施舍修樂。其事號令賞賜賦爵。受祿順鄉。謹修神祀。量功賞賢。以動陽氣。九暑乃至。時雨乃降。五穀百果乃登。此謂日德。是以日為眾陽之宗。在易乾之象。時乘六龍。紀日之御天也。此乾之所以位於南方也。中央曰土。土德實輔四時出入。以風雨節土益力。土生皮膚。其德和平用均。中正無私。實輔四時。春贏育。夏養長。秋聚收。冬閉藏。太和乃極。國家乃昌。四方乃服。此謂歲德。日掌賞。賞為暑。歲掌和。和為雨。是以地承天時行。

居日月星辰之中。功輔四序以成歲。故土德位於中央也。西方曰辰。其時曰秋。其氣曰陰。陰生金與甲。其德憂哀靜正嚴順。居不敢淫佚。其事號令。毋使民淫暴。順旅聚。收量民資以蓄積。賞彼羣幹。聚彼羣材。百物乃收。使民毋息。所惡與察。所欲必得。我信則克。此謂辰德。辰掌收。收爲陰。是以辰者三垣二十八宿之次。辰虛其次。故其用掌收。物生於東。而成於西。故辰主西方也。北方曰月。其時曰冬。其氣曰寒。寒生水與血。其德清越。溫怒周密。其事號令。修禁徙民。令靜止。地乃不泄。斷刑致罰。無赦有罪。以符陰氣。大寒乃至。甲兵乃強。五穀乃熟。國家乃昌。四時乃備。此謂月德。月掌罰。罰爲寒。是以坤六繫象。紀月之朔望晦弦。此坤爲月。所以位於北方也。觀管子紀日月星辰歲之時位。昭然朗列。然後知歲主中央。如王者之建中立極也。書洪範王省惟歲。卿士惟月。司尹惟日。庶民惟星。歲月日時無易。百穀用成。又用明。俊民用章。家用平康。日月歲時既易。百穀用不成。又用昏不明。俊民用微。家用不寧。此即今人占步輕重之法也。無易既易。謂其輕重失次與否也。何以重歲而輕月與日也。古以地輪爲歲。故歲主中央。於文歲从步从戌。戌中央土也。步者象人所步也。人步於地。地與

人最近。故歲德爲至尊。月繞地而行。去人稍遠。故月德次之。日繞月之外。去人最遠。故日更次之。今以析木爲歲。是以庶民之職。居王者之位也。昏明之義。豈不倒置。何以能望平康哉。但推步家。猶襲洪範之法。而名實混指。終非對越至誠。後世之不如三代。聖人之道不明。是以天人不能一貫也。地每歲與天一會。故歲星之爲地輪。稿不可易。莊子昔者十日並出。萬物皆照。而况德之進於日者乎。日爲衆陽之宗。天地間豈有德進於日者乎。推此寓言。卽洪範之義也。進於日者。卽歲德也。十日並出。卽七曜與歲星而八。加以今日所謂天王海王者是也。羿射九日。羿者真日也。射謂光射此九行星也。九行星皆借日之光爲光也。蓋十曜之廻旋。皆不外於五行。而五行之精。每一氣而二質。日與熒惑爲火。月與辰星爲水。歲與鎮星爲土。太白爲金。析木爲木。蓋與天王海王。亦一氣二質也。古以羅浮爲金。計孛爲木。是古人之占步已至也。至誤以析木爲歲星。不獨名實不副。而古義概爲之蔽暗。此書所謂汨陳其五行也。茲將六書製字之義。與洪範之法。推步之次。以證管子之分位。莊子之寓言。照然一貫。爲今日天文科學參一解焉。並可以兼通乎易義中。天數五。地數五。一章之微

義也夫。

孔壁藏書爲聖道存亡關鍵論

前人

自祖龍焚書。而古籍幾不能存於後世。其幸而獲存者。則以有孔壁之藏故也。然則是藏也。豈非天人相感。聖道存亡一大關鍵哉。何以不藏易也。知其以爲卜筮之書。與醫藥之書。所必不焚也。何以不藏詩也。知其爲民間歌謠所習。而無庸藏也。且三十六郡之分。獨留衛輝不與。衛爲天下之中。而國風獨多於衛。人尙中聲。而傳習之徒獨衆。是以三百篇之言。早留於天下。其在百家之言存於私室。焚之或有不能盡。其爲天下公言。煌煌如尙書春秋禮樂論語孝經者。概爲灰燼矣。尙書春秋禮記論語孝經之晚出。則全以藏於孔壁故也。知孔壁一藏。爲存六經特典。而其不焚者。則亦不藏。此問天人相感之故。匪易易也。而後世之陋儒。猶欲破壞孔壁中書。噫。其逆天道也。其拂人性也。觀伏生所傳二十五篇。詰屈聱牙。非以壁中書出互證。幾於不可卒讀。何也。伏生傳書之時。目不能見。手不能畫。口授其女。而傳諸人。其間點畫之譌。洛誦之變。伏生皆不可知。而况非由伏生所傳者。其得以存於世乎。故知凡非出

報 學 山 船

於孔壁所藏。伏生所傳。而文從字順者。皆非聖人所言也。竹書讖緯官禮諸篇。何以不聞於春秋戰國之前。而留於焚坑禁挾以後。此不待智者而知其爲僞讓也。知其爲僞。而矜重於世。甚矣人之好怪也。然則諸篇何以出也。當漢氏挾書之禁初釋。而徵求遺書之詔日頒。天下之稍通文字者。紛紛趨爲利藪。是以獻書者衆也。迨至真價莫分。而注箋家擇不精。而語不詳。動援引之爲詁訓。遂使詩書易禮春秋之言。多爲胼肢眩惑。此漢唐宋元明清之儒。分受其累也。故僞書不削。則正經不興。楊墨之言不息。則聖人之道不著。有同然者。夫楊墨以偏陂之言亂道。猶是抵觸於宮門之外。至僞書之亂經。則晦蒙於蕭牆之內。其爲禮樂刑政人心風俗之害。更深且大也。何也。凡破壞壁中藏書者。始於古文尙書。次及禮記。夫尙書可破壞。是舜禹伊傳周召之政治道德。皆破壞矣。禮記可破壞。是子臣弟友晨昏趨承交際之服務。皆破壞矣。而何論語春秋之不皆可破壞乎。夫禮之爲記者。文武之政。布在方策。其禮樂亦布在方策也。儒者服習。舉以爲雅言之教。名之曰記。卽夫子述而不作之義。今誦其書。其在曲禮也。晨昏定省之情。拱立趨承之讓。對越駿奔之敬。常變交際之權。致曲

以至誠明動化。莫不在是也。夫子所以有執禮之教也。其在經禮也。郊社禘嘗之義。冠昏食喪之紀。家國天下之經。四時五方之宜。自修身以至齊治平。成己所以成人也。夫子所以經綸大經也。而論者以爲漢儒之僞譏。夫漢儒能譏禮。則不得讓叔孫通定朝儀矣。不過漢儒承喪亡之後。擇不精語不詳耳。乃後儒未察。取筮日戒賓陳設虛儀。以爲禮經。豈不聞夫子之言。禮云禮云。玉帛云乎哉。樂云樂云。鐘鼓云乎哉。又不聞曾子之言。君子所貴乎道者三。動容貌斯遠暴慢矣。正顏色斯近信矣。出辭氣斯遠鄙倍矣。籩豆之事。則有司存。孟子之言曰。不能三年之喪。而總小功之祭。放飯流歎。而問無齒決。是之謂不知務。夫舍倫紀內外當務之重。而兢兢於玉帛籩豆之末。此後世之士。所以無實行也。而論者又曰。有關雎麟趾之精意。而後可以行周官之法度。夫關雎之精意者。以后夫人之德。莫大乎能奉祭祀。故誦其芣羹苕菜之求。極其輾轉反側之誠。此卽禮記所謂內則盡志。外則盡物。不得其物。不敢以祭之意也。而解之者。以爲淑女君子之相相思。致爲今日戀愛性交者藉口。所謂雎麟之精意安在乎。經不正。民不興。不可勝言矣。爲反經之君子計。其先以孔壁之藏書爲

主其庶幾可以掃除支蔓而漸反於正乎。

論三仁去就生死之道

前人

第 十 二 期

昔孔子稱殷有三仁。一去一奴一死。異哉仁之無定也。聖人之稱仁。無端倪。無方物也。子曰智士仁人。無求生以害仁。有殺身以成仁。信斯言也。比干之諫而死也。是殺身以成仁也。比干仁。而奴者非仁矣。去者更非仁矣。何也。箕子之佯狂。畏其死也。微子之去之。避其死也。夫畏其死避其死。豈非求生以害仁乎。而聖人如此。皆謂之仁者。論其心事之仁與不仁。而不於去與奴與死言仁也。何也。當日鼎革之交。其億萬人蹈死者。無一人可稱其仁也。如費仲蜚廉惡來之輩。且謂之不仁也。是知不仁之人。不擇地而蹈死。不死非仁。死亦非仁也。比干之以諫而死也。非欲以死殉也。其諫也。冀其君之一悟也。君一悟而社稷可以存矣。如之何不諫也。君不悟而致之於死。其死也。非比干之所避也。亦非比干之所故蹈也。其一心以爲存社稷天下耳。此所以成其仁也。後世之焚諫草者。不能無愧於比干矣。箕子之佯狂也。非愛其死也。爲其死之無益而不敢蹈也。使無比干之死。而箕子寧知其不蹈於死乎。知其死之無

益。則不如忍死須臾。以冀其君他日之一悟。此箕子之志。亦無非爲存天下社稷而爲之也。此箕子之所以不失其仁也。然則後世之知其無益。而故蹈死以假名者。其又去箕子遠矣。無濟於世。猶徒假名。則生非仁也。死亦非仁也。何也。殉利者私。假名者亦私也。私意榮懷。惡得仁也。彼微子之去也。何以成其仁也。微子固早知其君之不能悟也。不去則非死即奴也。非死即奴。而無益於宗廟社稷。則我不如留其身。以有待也。觀其訪於父師少師之言曰。今爾無指告。予顛躋若之何其。惇惇以宗社爲憂也。父師告之曰。商今其有災。我與受其敗。商其淪喪。我罔爲臣僕。詔王子出迪。父師固以微子之去爲道也。何以言乎商今其有災也。謂紂之無道。若不至於喪天下。則僅爲今日商家之災。我之去者。可以興復於敗亡之後。如使商之天下必淪喪也。則我之去者。亦不至爲他人之臣虜也。此皆俟天命以冀存其宗廟社稷之心也。迨至獨夫終不悛。龍戰玄黃。而殷社淪喪。天命有歸。人事無濟。此微箕之無可如何也。無可如何。而安之若命。此微箕之仁也。後世之強逆天命。必爲興復之圖。使斯民共蹈於水火而不能安。此又武庚祿父之所爲。而非微箕之所爲也。觀於此。而仁與不

第 十 二 期

仁大有辨矣。箕子之陳洪範也。箕子固審慮之矣。我不能有濟於商之天下。則思有以濟乎萬世之天下。則陳之仁也。不陳非仁也。微子之受封於宋。而修其禮物。以保永世。亦然也。我不能存商之天下。而能存商先王之禮物。以保其宗廟子孫於無窮。則承之仁也。不承非仁也。是則微箕之不死。能受天命也。武庚之死也。不受天命也。不受天命。而妄冀遂其私心。使生民之禍流毒於無窮。此心尚可問乎。孔子何以不責管仲之不死也。以其有安天下之心。負安天下之才。更際安天下之時。是以忍須臾之死。出而一匡天下也。使不能一匡天下。則管仲失其仁矣。管仲之一匡天下也。不在霸齊與楚爭強弱也。而在救邢衛以攘夷狄也。當日狄人滅邢滅衛。而宗周有汲汲乎不可終日之勢矣。宗周亡而天下皆淪於狄。此披髮左衽。早已無春秋之天下矣。管仲相桓公。一出而救邢衛。使戎狄不敢逞志於中原。以盟會尊攘。開二百年之霸周。承以晉宋秦楚。而天下無敢裂冠毀冕之爲。此管仲之力也。或曰伯何益於周之王乎。曰聖人之安天下。亦相時勢而爲之耳。伯之不能如三王。亦猶三王之不能如三帝。然較之七雄與秦項之亂。後世之三國六朝唐之藩鎮五季。宋之遼金元不猶愈乎。

25x10

專

著

船山先師詩錄

洞庭秋 其十

周逸敬選

回頭搖落悲羣動。廣大昌明亦自猜。無觸之聲消夢晷。不寒而慄貯駭才。藏舟後夜同歸壑。張楚初心冀緩哀。馳騫清狂何所吝。寒潭降潦畏相催。

十一

瀾瀾盈盈不借春。千蕭萬瑟屯嶙峋。水力未至溢浩淼。雄心僅可吞清貧。張樂鼓瑟憑慰藉。巫娥湘后憫逡巡。自然難釋虛無恨。斜月流霜非有因。

十二

目窳差別耳非聞。逼塞諸根但有云。觸法大都無輒美。寬饒何處著殷勤。如浮今古誰爲紐。儘費煙霄不受熏。一笑中流誇定力。那知悽惻破三分。

專 著

船山先生年譜後編 續第十一期

八世從孫之春輯

與唐先生端笏同遊馭閣巖。因留巖中。爲之剖示學術源流。

同唐須竹遊馭閣巖詩起云。昨日初收梅雨天。又有同須竹晏坐馭閣巖詩。

沅湘耆舊集。唐端笏傳。引徐令素唐躬園墓誌。躬園嘗得白沙集。定山集傳習

錄諸書讀之而嗜。迎船山先生住馭閣巖。爲剖示源流。因知有朱陸異同。及後

來心學之誤。馭閣巖爲庚戌懷入山以來所棲伏林谷二十九首之一。注右

湘西。

秋與唐先生端笏同遊昭陽菴。

有昭陽菴同須竹夜話云。乘木葉秋波。探五老之勝。因便送之詩。

至桃塢訪李公國相不遇。

專 著 船山先生年譜後編

過芋巖不值。詩有云。晴稻收雲白。秋瓜切粉黃。

客朱王孫翠濤聽月樓已而歸山。

聽月樓倦客歸山。留別翠濤王孫詩。有樓前湘水膩碧玉。細細波紋送遠秋。及黃菊將開酒將熟之句。

丙辰有中秋同聖功庶先翠濤須竹飲聽月樓。諸公將送余下湘詩。

九月初一日。公五十齒滿。劉公懿菴李公國相來祝。

有不揆五十齒滿懿菴見過留同芋巖小飲詩。

和郭公都賢補山堂洞庭秋詩。並爲之記。

洞庭秋詩題注遙和補山堂作序已酉秋杪記。

和八閩曉堂上人蘆雁絕句。

雁字詩後。記題此經一年矣。又庚戌秋冬之際。敗葉蘆記。

冬構草菴開南窗。題曰觀生居。石崖公來過。

有因林塘小曲。築草庵開南窗。不知復幾年。晏坐漫成六首。呈桃塢老人。石崖

先生同作詩。其一云。暄風凌小雪。當砌炫冬榮。其五云。病畏朔風寒。南窗背嶺安。畫齋文集。有南窗銘。觀生居銘。湘西草堂虎止公記。次築觀生居。在茱萸塘上。易以茅堵窗楹。少容几杖。

編春秋左氏博議

因林塘小曲。築草菴。開南窗。不知復幾年。晏坐漫成六首。其三有家學志春秋句。

詩有過芋巖不值五律一首。深秋望子直五律一首。因林塘小曲。築草庵。開南窗。不知復幾年。晏坐漫成。呈桃塢老人。暨家兄石崖先生。同作五律六首。家兄觀夫之抄稿云。墨跡似先徵君。垂示以詩。哀定後敬和四韻五律一首。同唐須竹遊馱閣巖七律一首。昭陽菴同須竹夜話云。乘木葉秋波。探五老之勝。因便送之七律一首。不揆五十齒滿。懿菴見過。留同芋巖小酌七律一首。寄和些翁補山堂詩已就。聞翁返石門。復次原韻。寄意歌行一首。粵奴初識雪歌歌行一首。孤雁行和李雨蒼歌行一首。讀涇陽先生虞山書院語錄示唐須竹歌行一首。聽月樓倦客歸

專 著 船山先生年譜後編

三

專 著 船山先生年譜後編

四

山留別翠濤王孫歌行一首。效柏梁體。壽王愷六歌行一首。六十自定稿。大統歷閏臘

七絕一首。分體詩。洞庭秋七律三十首。洞庭秋詩。題蘆鴈絕句七言十八首。雁字詩。

九年庚戌 公五十二歲

居觀生居。夏秋仍居敗葉廬。歲以為常。

鴈字詩。庚戌秋冬之際。敗葉廬記。王子有家兄期以中秋過敗葉廬。會恙不

果。吟見懷念。逾月小愈。袖詩下訪。適當閏望。是夕人間謂為中秋夜坐。不復對

月。敬和來篇奉酬詩。

三女生。適文學李報瓊子嚮明。

三月孫夏塲。

哭塲孫用羅文毅慰彭敷五喪子韻詩。有兩日朱明留不得句。

秋齒始落。

齒落示致子詩。有云梧桐一葉已知秋。塞角催霜幾耐愁。

唐先生端笏從其兄端典。以母氏蘇太君六十壽。請侑辭。公為作孝壽說。

蘇太君孝壽說。庚戌之秋。兩唐子爲其母氏六秩壽。徵侑辭焉。又非直以須竹之數與相遊也。

有疾作前後鴈字詩。附以舊作蘆鴈絕句並記。

鴈字詩。前鴈字詩十九首序。不期病中忽有陽鳥筆陣。如鳩摩羅什兩肩童子出現。因吟十九首。後鴈字詩十九首詩序。嗣吟十九首。首四十字。

懷入山以來。所棲伏林谷三百里中。小有邱壑。各述以詩。得二十九首。

公自注。排子嶺。獅子峯。黑沙潭。續夢菴。雙髻峯。黃沙潭。溪波巖。妙高峯。車轍亭。方廣路。嘯臺。補衲臺。洗衲池。右嶽後。青谿石門西。石門松。紋石亭。塢雲菴。右祁邵之間。釣竹源。雲臺山。注右零陵北洞。西莊源。小祇園。右宜江。小雲山。昭陽菴。駁閣巖。桃塢。雪竹山。茱萸塘。敗葉廬。觀生居。右湘西。

作廣明大師小傳。

蘆齋文集梳銘跋。新安黃將軍金臺披緇。稱廣明大師。請余爲小傳。

銘筆硯墨祕閣硯蓋杖拂子圍棋梳南窗觀生居。

專 著 船山先生年譜後編

六

薑齋文集硯銘跋。庚寅冬。桂林覆敗。硯為叛吏挾家人奪去。既還山。無以和墨。劉平思界一石子。外璞中膩。參差類小龜。即非至者。亦頗受墨。相隨二十年矣。

詩有擬古五言十九首。懷入山以來所棲伏林谷。三百里中。小有邱壑。輒暢然興感。各述以小詩。得二十九首五絕。六十自定稿擬阮步兵詠懷八十二首。六十自定稿收二十四首。

編年稿收五十八首哭殤孫用羅文毅慰彭敷五喪子韻七律二首。齒落示敬子七絕一首。漢宮人五律一首。編年稿前鴈字詩五律十九首。後鴈字詩五律十九首。雅字稿

十年辛亥 公五十三歲

居觀生居。夏秋仍居敗葉廬。

復用瞿辛原體。唵瀟湘夜雨。洞庭秋月。平沙落鴈。遠浦歸帆。漁村夕照。山市晴嵐。煙寺晚鐘。江天暮雪。大八景詞。論瀟湘八景。因作瀟湘怨一卷。

瀟湘八景詞序。余歌小八景來十六年矣。又重唵大八景詞。復用瞿辛原體。旌初志也。瀟湘怨詞。後附十景詞跋。有云瀟湘八景。不知始誰惟洞庭月瀟湘雨耳。他皆江南五千里所普攝也。又瀟水出自營浦西北。流五百里。而得湘水

合與安之海陽山與灘背流。既合於瀟。北流千二百里至巴陵。大江自西來注之。瀟湘之名。釋而從江。此千五百里間。穀波繡壁。楓岸荻洲。清絕之名於斯。躋矣。蹟不勝探。其尤者得十景焉。曰舜嶺雲峯。曰香潭綠水。曰朝陽旭影。曰澹溪蒼壁。曰石鼓危崖。曰嶽峯遠碧。曰昭山孤翠。曰銅官戍火。曰湘灣曲岸。曰君山浮翠。各題一詞。均寄調蝶戀花。又情物各有因緣。歸宿不迷於萬古。視諸帆鷹嵐雪。悠悠無擇地者。不猶賢乎。僕欲爲此詞。不知何以未暇歌入景後。驅筆獵之。舜嶺雲峯注。瀟水自江華西北流。至甯遠九疑山北疑峯。恆有雲藏其半嶺。飛雨流淙。入瀟水中。香潭綠水注。湘水經東安縣東。有沈香塘。石壁罅插一株。云是沈水香。澄潭清冷。綠蘿倒影。朝陽旭影注。在零陵縣瀟水側。去鉅澗潭愚溪不遠。北十里爲湘口。是瀟湘合處。澹溪蒼壁注。在祁陽縣。元次山勒顏魯公中興頌於崖壁。苔光水影。靜目愉心。石鼓危崖注。衡陽縣北二水匯流。潭空崖古。嶽峯遠碧注。自衡陽北三十里。至湘潭六十里。嶽峯淺碧。宛轉入望。昭山孤翠注。一峯矗立江次。北去湘潭三十里。下爲暮雲灘。銅官

專 著 船山先生年譜後編

八

成火注。銅官浦在長沙北六十里。有刻本。蘆汀遠岸。水香生於始夜。漁鏡成火。依微暮色間。如寒星映水。湖灣曲岸注。湘陰北三十六灣。云是馬殷所開。縈回清澈。出此即漸入青草湖。李賓之詩。三十六灣灣對灣是也。君山浮黛注。湖光極目。至君山。始見一片青芙蓉。浮玻璃影上。自此出洞庭。與江水合。謝眺所云。大江流日夜。客心悲未火者。於是始矣。湖南清絕。亦於此竟焉。

李公占解以王文恪公所撰其大父大崖先生墓誌銘見寄。讀竟書後返寄。

薑齋文集讀李大崖先生墓誌銘書後。先生裔孫孫雨蒼占解。年七十三矣。以王文恪公所撰墓誌銘。寄唐生謹笏。使與夫之共讀。謹誌其後。以訊雨蒼。當如面談矣。李雨蒼占解。年七十三矣。書至期游南嶽。若必果者。返寄遲望信宿。詩有瀾瀾洞庭水。迢迢諸葛臺。及盈盈秋波生之句。

方公以智屢勸逃禪。公不應。冬書所示劉安禮詩見寄。

極丸老人書所示劉安禮詩垂寄。情見乎詞。愚一往吃吶無以奉答。聊次其韻。述懷詩有云。舊識五湖風月好。寒梅春在野塘邊。南窗漫記。方密之閣學。逃

禪潔已授覺浪記。菊主青原。屢招余。將有所授。誦人各有心之語以答之。意乃愈迫。書示吉水劉安禮詩。以寓從臾之至。余終不能從。劉安禮名仲錚。吉水舉人。隱於梅川。附永曆實錄劉季鏞傳。

十二月敏公子生蕃生。字懷姓。行三邑文庠生。

薑齋贖稿有示姪孫生蕃五古。

過雪竹山。訪茹蕺大師留宿夜話。

宿雪竹山。同茹蕺大師夜話。有煙籠雪壓一枝輕之句。辛酉廣哀詩。雪竹山

道者智霈注字茹蕺。昆明人。本姓張。以鄉舉任衡山令。己未沒於嘉興之楊墳。

詩有偶望七律一首。極丸老人書所示劉安禮詩垂寄。情見乎詞。愚一往吃啲無

以奉答。聊次其韻述懷七律一首。宿雪竹山同茹蕺師夜話七律一首。六十自三

月十一夜。夢登天壽山五律一首。月坐懷須竹南嶽五古一首。李兩蒼年七十三

矣。嘗至期遊南嶽。若必果者。返寄遲望信宿五古一首。編年稿

十一年壬子 公五十四歲

專 著 船山先生年譜後編

居觀生居。夏秋居敗葉廬。

春同唐先生端笏往祝劉公近魯五十初度。即席賦詩。

劉庶僊五十初度。即席同唐須竹詩有云於君燒燭耐春寒。

三月郭公都賢以文字坐繫沒於江陵。公聞遙哭。

補山翁坐繫沒於江陵。遙哭詩。其二有幾問落花津之句。南窗漫記。丙戌屯

師湖上。未能前進一咫。而賦歛之重十倍。少司馬天門郭公都賢咏雪詩云。四

望郊寒連島瘦。一天白起奈蕭何。督使聞之怒甚。喉悍帥害之。會潰敗不果。公

卒以文字取禍。卒於江陵。

游二中園。

二中園紀事。為懿菴作詩。其一有云。穿花分柳徑。隨蘚度蘭風。

四女生。字唐端笏。子常適。字無適。戊午夭。

薑齋文集。唐子無適墓表。湘西學者唐常適。字無適。年十八歿。其父躬園子悼

之不欲生。又無適凡兩納采。皆未成禮。其一先者。余少女也。亦謹慧。七歲而夭。

七月十六日長孫生若生。字以似。號竹溪。府學歲貢生。候選訓導。

八月石崖公將來敗葉廬。有疾不果。逾月小愈。始來。

有家兄期以中秋過敗葉廬。會恙不果。吟見懷念。逾月小愈。袖詩下訪。適當閏望。是夕人間謂爲中秋。夜坐不復對月。敬和來篇奉酬詩。

方公以智卒於泰和蕭氏。公聞哭之。

聞極丸老人凶問。不禁狂哭。痛定輒吟二章詩。其一云。敗葉雲中哭杜鵑。其二云。五湖烟水一霜林。注傳聞薨於泰和蕭氏浮春園。廣哀詩青原極丸老人。前大學士方公以智。注字密之。桐城人。國亡披緇稱愚者。智字無可。一號墨歷。王子。卒於泰和。

得唐先生端笏鄂中書。知李公占解卒於魚山。遙哭之。得須竹鄂渚信。知李兩蒼長逝。遙望魚山哭之詩。其二有剛遣西風吹片葉。其三有柳岸霜風月已殘之句。南窗漫記。嘉魚李兩蒼占解。已西寄余此詩云。欲涉湖相訪。時年七十矣。閱兩歲。遂長逝。不果所至。

詩有二中國紀事為懿菴作五律二首。劉庶僊五十初度。卽席同唐須竹七律二首。聞極丸翁凶問。不禁狂哭。痛定輒吟七律二章。冬夕七律二首。蚤春七絕二首。得須竹鄂渚信。知李雨蒼長逝。遙望魚山哭之。七絕二首。六十自定稿。上已五古一首。春晴七律二首。家兄期以中秋過敗葉廬。會恙不果。吟見懷念。逾月小愈。袖詩下訪。適當閏望。是夕人間謂爲中秋。夜坐不復對月。敬和來篇。奉酬七古一首。補山翁坐繫。沒於江陵。遙哭五律一首。編年稿。

(未完)

船山師友記第七 續第十一期

湘潭羅正鈞遺稿

朱王孫禮黎

朱禮黎，號紹南。藩支定灼曾孫也。少補州學弟子員。能詩。書法宗二王。武岡碑碣多出其手。性耽禪悅。建一庵。終日坐其中。有不滓軒詩草。與州人劉春萊齊名。鄭親王之取寶慶也。隆回未圻。禮黎依之。以遙應滇黔之師。桂王沒。禮黎以郡王冊寶卒于隆回。寶慶府志良縣傳

病枕憶得甲申年。有逢明王孫邀同洽。仲小飲觀伎即席賦。王孫名禮黎。書法妙絕。精禪理。比以請兵平亂。幾死於賊。七律二首。

正鈞按：是年春。先生出蓮花峯。蓮峯志序云：甲申春始出自峯下道過武岡。因至永州。東安。

武岡也。又按寶慶府志明代藩支表。禮黎為南安王彥泥六世孫。始封岷。莊王

梗太祖弟十八子十世裔孫。

李徵君繼體

專 著 船山師友記第七

李繼體、字震隅。永興人。性穎異。博通書史。篤孝友。天啓辛酉副榜。應就銓選。以母老不仕。撫兄遺孤如己子。有盜入其室。繼體與語曰。衣物任取。幸勿毀我書籍。盜慚而退。郴州總志清品

正鈞按。薑齋詩分體稿。丙寅年。寄訊李爾雅詩。題云爾雅尊人震隅先生。先君同譜執友。乙酉。夫之侍先君。避兵于便館。其宅上詩。末二句云。當日中原雙轡縮。夢中還似憶瑤京。自注。先君與震隅先生。兩次連轡赴都。詳五十自定稿。戊子歲。永興廖鄧二君。邀宿石角山僧閣。是侍先君及仲兄鏗齋遊處。五律二首。起二句云。十月寒潭改。三年客艇過。末二句。郴江隨逝水。不與挽流波。按戊子前三年。正是乙酉。與寄爾雅詩。可以互證。蓋震隅以年誼。素相親善。時值避寇館。其宅上也。爾雅名樸大。詳第十二卷。

洪文學業嘉

洪業嘉。字伯修。湘鄉人。補文學。喜交遊吟咏。與同邑龍孔蒸。歐陽淑稱湘三詩人。永歷丁亥春。降將王進才之兵。潰掠而走湘西。業嘉死於亂兵。著有懶吟隨草。薑齋文集孝烈

25X10

傳沅湘者
舊集小傳

南窗漫記云。上湘洪伯修業嘉。與同邑龍季霞孔蒸。以吟咏相尚。擺脫凡近。往往得霜鶴唳空之致。丙戌開楚園于衡陽。伯修落第。歸經嶽後。賦詩六首。寄意宏遠。此豈經生心腎中所能有此種性者。未幾。為亂兵所害。何從更得斯人與遊大雅哉。

梅花百咏自序云。上湘馮子振。當蒙古時。以掉闔游燕中。頗以文字自緣飾。亦或與釋中峯相往還。曾和其梅花百咏。隆武丙戌。湘詩人洪業嘉伯修。龍孔蒸季霞。歐陽淑子私。和馮作各百首。余薄遊上湘。邀余共綴其詞。既已薄其所出。戲作桃花絕句數十首抵之。以示鄭重。

漫記又云。丁亥春。余以窮愁客卜湘。日與伯修季霞。歐陽子私淑江陵李廣生芳。先痛飲忘昏曉。一夕渡漣水。就宿僧舍。

正鈞按。丙戌為順治三年。其年唐王聿鍵在閩。稱隆武二年。故梅花詩序中尚稱隆武。先生至湘陰。上書章文毅曠。在是年之夏。詳上卷而秋間伯修亦尙應

鄉試衡陽。以是知先生在湘鄉。與三子相唱和。當是冬初也。攷永歷實錄。王進才兵潰。係丁亥二月。先生病枕憶得。丁亥有元日續夢庵用袁石公韻七律二首。按續夢庵在雙鬢峯先生所營病枕憶得甲申年有將營續夢庵登雙鬢峯訪址一首則丙戌倡和之後。已復返嶽。以丁亥初春復至。相聚未久。而伯修亦遂及於難也。

龍孝廉孔蒸

龍孔蒸。字季霞。湘鄉人。崇禎壬午舉人。流寇破長沙。購捕紳士授僞職。走匿萬山中。或携瓢酒登絕巘。悲歌竟日。與同縣洪伯修業嘉。湘潭王山長岱友善。自號筆樵。作悠悠筆樵夫四首以見志。丁亥潰兵掠湘鄉。携家避石板橋以護母。遂及於難。所著有類吟自刪存草。沅湘著舊集小傳

南窗漫記云。季霞與王山長岱夜語詩云。竊聽誰窗外。琅然動壁琴。蓋季霞欲與湖上作者。矯竟陵纖弱之習。追轍大雅。而有志無時。與伯修同時遇害。悲夫。

正鈞按。南窗漫記。引述疇昔所辱贈示之作。有龍季霞孔蒸。又年譜劉氏毓崧云。蓮峯志卷三稿本。有上湘龍孔蒸季霞訂之語。按蓮峯志當成於丙戌。按志沿革

門稱塔允錫為楚撫總序云甲申出自蓮峯下無歲不至言無歲不至先生時必非作於乙酉若作於丁亥則桂王已加允錫總制不得但稱楚撫

客湘鄉故季霞與於參訂也

歐陽鎮字山公湘鄉人崇禎壬午舉人雄於文湘鄉志文苑傳稱其練博通雅詩篇

雄麗淹洽湘中稱詩者推為老宿兼工行草書子淑按南窗漫記淑字子私亦有才名嘗相海

粟百梅詩一旦夕得二百首戊子春父子俱殉亂死或曰鎮官太僕沅湘耆舊集小傳小腆紀傳

百梅詩序云隆武丙戌湘詩人和馮作各百首歐陽予私淑炫其英多倍之脫稿後一即相示

病枕憶得丁亥年有上湘劇飲陽山公宅上同李廣生洪伯修龍季霞山公耶君

鄭石夜分歸宿齋慶庵月上有作一首律七

正鈞按憶得上湘劇飲一詩與南窗漫記所云日與伯修季霞歐陽子私淑痛飲忘昏曉就宿僧舍正一時事耆舊集鄧氏顯鶴曰檢船山集中有李廣生自黔生還歸闕奉爾吟贈並感洪一龍三陽太僕山公及耶君鄭石諸逝者一首

按自定稿諸遊者下。按洪一名業嘉。字伯修。龍三名孔蒸。字季霞。皆湘鄉名宿。有浮湘亭之遊五字。獨山公以官稱太僕。或當日崎嶇嶺粵所受爵。而方志失攷未之載也。鄭石即予私無疑。

又按劉氏毓崧曰。嶽餘集稿本。有同里夏汝弼。上湘歐陽淑訂之語。今詳先生與夏叔直遊白峯。為丁亥五月。詳上卷則洪龍春間遇害後。先生尚未去湘鄉。予私父子殉亂。尚在次年戊子。以此知先生與叔直遊白石峯時。予私必尚相往還。故得共訂其詩也。

蕭一夔常廢

蕭常廢。字一夔。湘鄉人。仕履無攷。沅湘耆舊集小傳

惜餘鬢賦自跋。逸文云。回憶丁亥夏。做少陵文山作七歌。與夏叔直氏將奔辰沅。至中湘。道阻不能往。重為匪人所困。將斃溝瀆。得上湘人士蕭一夔破壁相容。敗屋荒林。相對哀吟。遺稿已亡。參差憶得者如此。

病枕憶得。丁亥年有蕭一夔邀飲桐陰。聽叔直彈漁樵問答一首。五律

正鈞按耆舊集。鄧氏顯鶴曰。湘鄉流寓志。載蓮冠道人呂士蕭常賡見而識之。邀至家。居月餘乃去。按道人即夏叔直。先生與夕堂老人交篤。其遊車駕山白石峯。常偕常賡邀主其家。居月餘。作兩先生東道主人。談何容易。則常賡非常人哉。今搜得惜餘鬣賦跋。並憶得丁亥一詩。正足與鄧說相發明。惟遊白石峯時。先生年甫三十。夕堂老人係晚年之稱。鄧說如此。稍未致審。

阮參軍志道

阮志道。字路然。別號淡明。常甯人。早歲讀書太學。釋褐。授中城兵馬副指揮。先後以勳蒙溫旨。陞華州同知。攝朝邑興平二縣務。有逆賊猝起。斬關稱號。乘捨磔聞之。以最當殊擢。不致請謁用例。陞江西按察司經歷。攝奉新假歸。逸文阮淡明墓志

阮淡明墓志云。昔歲在癸未。余兄弟隨計吏北上。烽屯陸阻。舟次章江。臘酒春燈。過市問俗。莫不言阮參軍者。攝奉新所治如專吏加虔。顧深惘然。以共嶽雲膚寸。未面交也。戊子夏。芒屨踏暑雨。晤公山中。古貌深情。名言玉屑。聽者莫不神怡。無幾而謝世。卒之四年。嗣君文學鄂以狀請誌。文存常甯縣志

正鈞按、先生與管舍人嗣裘舉義兵應。是戊子秋間。今淡明墓志云。戊子夏。芒
屨晤于山中。始章靈賦注所云。涉歷險阻。消戒同志者歟。

曹明經國光

曹國光字伯實。邑明經。少博學能文。每試輒冠軍。嘗集漢唐宋人語作八股藝。比偶
天成。如出己作。性方介。不妄投分。然通而善諧。郡邑有文譽者。皆爭與之遊。及子鶴
已成明經。諸孫皆成諸生。又弄孫矣。光乃獨築一室。日手一卷。不少釋。率一月置酒。
召子若孫盡歡焉。笑曰。陸賈言數見不鮮。良是也。鄉人有爭。輒往平之。不解。則脫巾
以請。有大不循者。自相戒勿使聞。鄉人皆以方高文通王彥方焉。莊居有櫛數千株。
直可百餘金。比處者誤遺火。燼。願措牛豕粟縷。及身與妻子充居作償之。光乃詭
言野燐。慰遣之。其為長者行率如此。每每鄉飲。邑宰敦迎。終不赴。卒年九十。未陽縣志

病枕憶得。乙酉年有未陽曹伯實翁丈招同陳耳臣廣文訪杜少陵故墓一首。律七
五十自定稿。戊子年有未陽曹氏江樓遲舊遊不至一首。律七


正鈞按。江樓蓋卽伯實所居。稱爲翁丈。其年輩應長於先生。詳行狀云。已而諸公辟檄。兩及府君。臥未陽不往。證以戊子一詩題云。遲舊遊不至。可見曹氏江樓。爲先生所常寓居之所。先生以戊子冬。兵敗走行闕。據章靈賦注云。遂繇郴桂入粵。則未陽爲塗所必經。詩韻聯云。韓城公子椎空折。卽指舉義兵敗。楚國佳人橋過秋。知其作於秋末。末二句云。霜華夜覆荒城月。獨倚吳鈞賦遠游。則爲將度嶺言也。

第七卷完

25x10

期 二 十 第

專 著
船 山 師 友 誌 第 七



10

湘綺樓詩經評點 續第十二期

湘潭玉閣運評點

門人周 逸纂集

詩卷二

邶一之三

柏舟言仁而不遇也。五章章六句。

汎。彼。柏。舟。亦。汎。其。流。耿。耿。不。寐。如。有。隱。憂。微。我。無。酒。以。敖。以。遊。

評、悲深無際。○下必明點。方與起相襯託。

我。心。匪。鑿。不。可。以。茹。亦。有。兄。弟。不。可。以。據。薄。言。往。愬。達。彼。之。怒。

評、連用三我字。如絛弦急管。

我。心。匪。石。不。可。轉。也。我。心。匪。席。不。可。卷。也。威。儀。棣。棣。不。可。選。也。

評、正詞轉應樂府詞云。就我詔我。結我已深相交矣。忽然不惜紅羅裂。小人一驚。

憂。心。悄悄。慄。于。羣。小。親。閱。既。多。受。侮。不。少。靜。言。思。之。寤。辟。有。標。

評、上大振厲。故舒愉其詞。

日。居。月。諸。胡。迭。而。微。心。之。憂。矣。如。匪。澣。衣。靜。言。思。之。不。能。奮。飛。

專 著 湘綺樓詩經評點

第十三期

評亦憂深而詞緩。

綠衣衛莊姜傷已也。四章章四句。

綠兮衣兮。綠衣黃裳。心之憂矣。曷維其已。

綠兮衣兮。綠衣黃裳。心之憂矣。曷維其已。

綠兮絲兮。女所治兮。我思古人。俾無訛兮。

評增入一意。泯然無痕。

絺兮綌兮。淒其以風。我思古人。實獲我心。

評承上只如一事。而意已九轉。

燕燕衛莊姜送歸妾也。四章章六句。

燕燕于飛。差池其羽。之子于歸。遠送于野。瞻望弗及。泣涕如雨。

評明點之子于歸。遠送于野。○疾轉。

燕燕于飛。頡之頡之。之子于歸。遠于將之。瞻望弗及。佇立以泣。

燕燕于飛。下上其音。之子于歸。遠送于南。瞻望弗及。實勞我心。

評補敘以申上意。
仲氏任只。其心塞淵。終溫且惠。淑慎其身。先君之思。以勸寡人。
評坐實。

日月。衛莊姜傷已也。四章章六句。

日居月諸。照臨下土。乃如之人兮。逝不古處。胡能有定。寧不我顧。
日居月諸。下土是冒。乃如之人兮。逝不相好。胡能有定。寧不我報。
日居月諸。出自東方。乃如之人兮。德音無良。胡能有定。俾也可忘。
日居月諸。東方自出。父兮母兮。畜我不卒。胡能有定。報我不述。

終風。衛莊姜傷已也。四章章四句。

終風且暴。願我則笑。謔浪笑敖。中心是悼。
終風且霧。惠然肯來。莫往莫來。悠悠我思。
評入木三分。刻擊之語。

終風且曠。不日有暘。寤言不寐。願言則寔。

晴。隱。其。陰。虺。虺。其。雷。寤。言。不。寐。願。言。則。懷。

評、一層深一層。文亦幽豔動人。

擊鼓、怨州吁也。五章章四句。

擊鼓其鐃。踊躍用兵。土國城漕。我獨南行。

評、開口便如棘門灞上之軍。徒兒戲耳。

從孫子仲。平陳與宋。不我以歸。憂心有忡。

爰居爰處。爰喪其馬。于以求之。于林之下。

死生契闊。與子成說。執子之手。與子偕老。

于嗟闊兮。不我活兮。于嗟洵兮。不我信兮。

凱風、美孝子也。四章章四句。

凱風自南。吹彼棘心。棘心夭夭。母氏劬勞。

評、穆如清風。擗人善以雅語敘醜事。○入題自然神來之筆。但覺其油然仁孝。偶

乎大雅。

期 二 十 集

凱風自南。吹彼棘薪。母氏聖善。我無令人。

評、詩用聖字。唯此處近於譏。蓋恨之深。通篇怨母氏也。爰有寒泉。在浚之下。有子七人。母氏勞苦。

評、復提起。與起處相應。○此處必須明點。不可再含糊矣。睨。黃鳥。載好其音。有子七人。莫慰母心。

評、妍雅和平。○於此始正言母言。則下不可再著語矣。

雄雉刺衛宣公也。四章章四句。

雄雉于飛。泄泄其羽。我之懷矣。自詒伊阻。

評、何其婉媚。

雄雉于飛。下卜其音。展矣君子。實勞我心。瞻彼日月。悠悠我思。道之云遠。曷云能來。

評、提開影照。以解上恥。所謂增美釋回。○反與商量。使人失笑。下遂不能不作正論。使筆如舌。文本天成。儒生那夢見。

百爾君子。不知德行。不忮不求。何用不臧。

匏有苦葉。刺衛宣公也。四章章四句。

匏有苦葉。濟有深涉。深則厲。淺則揭。

有瀾濟盈。有鷺雉鳴。濟盈不濡軌。雉鳴求其牡。

雝雝鳴鴈。旭日始旦。士如歸妻。迨冰未泮。

評、和平吉祥。光采四映。所謂其事愈醜。其文愈美。羯鼓解穢。仍淫聲耳。此如黑暗

地獄。放大光明。

招招舟子。人涉卬否。人涉卬否。卬須我友。

谷風。刺夫婦失道也。六章章八句。

習習谷風。以陰以雨。黽勉同心。不宜有怒。采芣采菲。無以下體。德音莫違。及爾同死。

評、此篇存其義耳。語多質直。不足風刺。

行道遲遲。中心有遠。不遠伊邇。薄送我畿。誰謂荼苦。其甘如薺。宴爾新昏。如兄如弟。

涇以渭濁。滉滉其沚。宴爾新昏。不我屑以。毋逝我梁。毋發我笱。我躬不閱。遑恤我後。

就其深矣。方之舟之。就其淺矣。冰之游之。何有何亡。黜勉求之。凡民有喪。匍匐救之。不我能慙。反以我為讎。既阻我德。賈用不售。昔育恐育鞫。及爾顛覆。既生既育。比于于毒。

我有旨蓄。亦以御冬。宴爾新昏。以我御窮。有洗有潰。既詒我肄。不念昔者。伊余來墜。

式微。黎侯寓于衛。其臣勸以歸也。二章章四句。

式微。式微。胡不歸。微君之躬。胡為乎中。露。

式微。式微。胡不歸。微君之躬。胡為乎泥中。

旌。旌。實衛伯也。四章章四句。

旌。旌之葛兮。何誕之節兮。叔兮伯兮。何多日也。

何其處也。必有與也。何其久也。必有以也。

狐裘蒙戎。匪車不東。叔兮伯兮。靡所與同。

瑣兮尾兮。流離之子。叔兮伯兮。袞如充耳。

簡兮。刺不用賢也。四章三章章四句一章六句。王本作三章章六句。

簡兮簡兮。方將萬舞。日之方中。在前上處。
碩人僕僕。公庭萬舞。有力如虎。執轡如組。
左手執籥。右手秉翟。赫如渥赭。公言錫爵。
山有榛。隰有苓。云誰之思。西方美人。彼美人兮。西方之人兮。

評、難達之意。以微婉之詞寫之。文情繚邈。

泉水、衛女思歸也。四章章六句。

悲、彼、泉、水、亦、流、于、淇、有、懷、于、衛、靡、日、不、思、變、彼、諸、姬、聊、與、之、謀。

評、與柏舟同一用亦字起。文情婉惻。亦正相似。○無限委曲。說者乃以思歸釋之。

出宿于澆。飲餞于禰。女子有行。遠父母兄弟。問我諸姑。遂及伯姊。

出宿于于。飲餞于言。載脂載擘。還車言邁。造臻于衛。不瑕有害。

我、思、肥、泉、茲、之、永、歎、思、須、與、漕、我、心、悠、悠、駕、言、出、遊、以、寫、我、憂。

評、又寫憂思。回腸九轉。○再重兩句。文氣愈曲。

北門刺仕不得志也。三章章七句。

出、自、北、門、憂、心、殷、殷、終、寔、且、貧、莫、知、我、艱、已、焉、哉、天、實、為、之、謂、之、何、哉、

評、邶、詩、每、工、於、發、端、後、來、阮、嗣、宗、亦、然、

王、事、適、我、政、事、一、埤、益、我、我、入、自、外、室、人、交、徧、謫、我、已、焉、哉、天、實、為、之、謂、之、何、哉、

評、寫、出、危、險、

王、事、敦、我、政、事、一、埤、遺、我、我、入、自、外、室、人、交、徧、摧、我、已、焉、哉、天、實、為、之、謂、之、何、哉、

北、風、刺、虐、也、三、章、章、六、句、

北、風、其、涼、雨、雪、其、雱、惠、而、好、我、攜、手、同、行、其、虛、其、邪、既、亟、只、且、

北、風、其、喑、雨、雪、其、霏、惠、而、好、我、攜、手、同、歸、其、虛、其、邪、既、亟、只、且、

莫、赤、匪、狐、莫、黑、匪、烏、惠、而、好、我、攜、手、同、車、其、虛、其、邪、既、亟、只、且、

靜、女、刺、時、也、三、章、章、四、句、

靜、女、其、姝、俟、我、於、城、隅、愛、而、不、見、搔、首、踟、躕、

評、所、謂、周、皇、仲、驚、惕、以、無、意、有、字、為、文、劉、知、幾、等、所、不、能、解、

靜、女、其、變、詒、我、彤、管、彤、管、有、煒、說、釋、女、美、

自、牧、歸、莫、洵、美、且、異、匪、女、之、爲、美、美、人、之、貽。

評、只是用一牧字典故耳。而意之層折乃至此。善於設譬。

新臺、刺衛宣公也。三章章四句。

新臺有泚。河水瀾瀾。燕婉之求。蘊條不鮮。

新臺有洒。河水浼浼。燕婉之求。蘊條不殄。

魚網之設。鴻則離之。燕婉之求。得此戚施。

二子乘舟。思伋壽也。二章章四句。

二子乘舟。汎汎其景。願言思子。中心養養。

評、寫俠勇飄忽之狀。以刺有悲。文亦飄忽。○不著一字。盡得風流。

二子乘舟。汎汎其逝。願言思子。不瑕有害。

評、正意在後。只就勢輕點。

邶國十九篇七十一章三百六十三句。舊本作七十二章。

國風三

詩卷二終

湘綺樓詩經評點

詩卷三

湘潭王闓運評點

門人周逸節編

鄘一之四

柏舟。共姜自誓也。二章章七句

汎彼柏舟。在彼中河。統彼兩髦。實維我儀。之从矢靡他。母也天只。不諒人只。汎彼柏舟。在彼河側。統彼兩髦。實維我特。之死矢靡匿。母也天只。不諒人只。

牆有茨。衛人刺其上。也。三章章六句

牆有茨。不可埽也。中冓之言。不可道也。所可道也。言之醜也。

評。直詞正論。有義形於色之概。

牆有茨。不可襄也。中冓之言。不可詳也。所可詳也。言之長也。

牆有茨。不可束也。中冓之言。不可讀也。所可讀也。言之辱也。

君子偕老。刺衛夫人也。三章一章七句一章九句一章八句

君子偕老。副笄六珈。委委他他。如山如河。象服是宜。子之不淑。云如之何。

專著 湘綺樓詩經評點

一

期 二 十 第

玼兮玼兮。玼又作瑳。其之翟也。鬢髮如雲。不屑髻也。玉之瑱也。象之擘也。揚且之皙也。胡然而天也。胡然而帝也。

玼兮玼兮。周官注引玼作瑳。今本或作瑳。上仍作玼。非。其之展也。蒙彼繡繡。是泄祥也。子之清揚。揚且之

顏也。展如之人兮。邦之媛也。

評。上二句近褻。故以此救之。必褻而情始親。必正而義始立。結我紅羅襦。如見傾

襟。不惜紅羅裂。如聞裂帛也。故結句又搖曳以感之。

桑中。刺奔也。三章章七句

爰采唐矣。沫之鄉矣。云誰之思。美孟姜矣。期我乎桑中。要我乎上宮。送我乎淇之上矣。

評。專以矣字見意。其詞迫切。○必用二句。以舒其氣。否則側調偏聃矣。

爰采麥矣。沫之北矣。云誰之思。美孟弋矣。期我乎桑中。要我乎上宮。送我乎淇之上矣。

爰采葑矣。沫之東矣。云誰之思。美孟庸矣。期我乎桑中。要我乎上宮。送我乎淇之上

矣。

鶉之奔奔。刺衛宣姜也。二章章四句。鶉之奔奔。鶉之疆疆。人之無良。我以為兄。

評。亦直詞與牆有茨同。

鶉之疆疆。鶉之賁賁。人之無良。我以為君。

定之方中。美衛文公也。三章章七句。

定之方中。作于楚宮。揆之以日。作于楚室。樹之榛栗。椅桐梓漆。爰伐琴瑟。

評。以天文叙京都。賦家法門。○與駮牝句。皆以小見大。開後世八家文派。

升彼虛矣。以望楚矣。望楚與堂。景山與京。降觀于桑。卜云其吉。終焉允臧。

靈雨既零。命彼倌人。星言夙駕。說于桑田。匪直也人。秉心塞淵。駮牝三千。

評。又以時景點染。亦文家色澤。

蟋蟀。止奔也。三章章四句。

蟋蟀在東。莫之敢指。女子有行。遠父母兄弟。

專 著 湘綺樓詩經評點

朝躋于西。崇朝其雨。女子有行。遠兄弟父母。乃如之人也。懷婚姻也。大無信也。不知命也。

相鼠刺無禮也。三章章四句

相鼠有皮。人而無儀。人而無儀。不死何爲。

相鼠有齒。人而無止。人而無止。不死何俟。

相鼠有體。人而無禮。人而無禮。胡不遘死。

于旄美好善也。三章章六句

子子于旄。在浚之郊。素絲紕之。良馬四之。彼姝者子。何以畀之。

子子于旃。在浚之都。素絲組之。良馬五之。彼姝者子。何以予之。

子子于旌。在浚之城。素絲祝之。良馬六之。彼姝者子。何以告之。

載馳。許穆夫人作也。五章一章六句二章章四句一章六句一章八句舊本作

四章二章章六句二章章八句

載馳載驅。歸唁衛侯。驅馬悠悠。言至於漕。大夫跋涉。我心則憂。

既。不。我。嘉。不。能。旋。反。視。爾。不。臧。我。思。不。遠。
既。不。我。嘉。不。能。旋。濟。視。爾。不。臧。我。思。不。闕。
陟。彼。阿。崧。言。采。其。蟲。女。子。善。懷。亦。各。有。行。許。人。尤。之。衆。穉。且。狂。
評。詞。令。妙。品。使。人。意。消。○又。自。責。以。杜。其。口。
我。行。其。野。芄。芃。其。麥。控。於。大。邦。誰。因。誰。極。大。夫。君。子。無。我。有。尤。百。爾。所。思。不。如。我。所。之。

鄘國十篇三十章百七十六句 舊本作二十九章

衛一之五

淇。奧。美。武。公。之。德。也。三。章。章。九。句

瞻。彼。淇。奧。綠。竹。猗。猗。有。匪。君。子。如。切。如。磋。如。琢。如。磨。瑟。兮。僮。兮。赫。兮。暱。兮。有。匪。君。子。終。不。可。緩。兮。
瞻。彼。淇。奧。綠。竹。菁。菁。有。匪。君。子。充。耳。琇。瑩。會。弁。如。星。瑟。兮。僮。兮。赫。兮。暱。兮。有。匪。君。子。終。不。可。緩。兮。

專 著 湘綺樓詩經評點

期 二 十 第

專 著 湘綺樓詩經評點

六

瞻彼淇奧。綠竹如簣。有匪君子。如金如錫。如圭如璧。寬兮綽兮。倚重較兮。善戲謔兮。不為虐兮。

考槃。刺莊公也。三章章四句

考槃在澗。碩人之寬。獨寐寤言。永矢弗諼。

考槃在阿。碩人之藹。獨寐寤歌。永矢弗邁。

考槃在陸。碩人之軸。獨寐寤宿。永矢弗告。

碩人閔莊姜也。四章章七句

碩人其頤。衣錦褰衣。齊侯之子。衛侯之妻。東宮之妹。邢侯之姨。譚公維私。

評入手叙容儀。便點出作意。使人失笑。然用筆不留餘地。頗傷忠厚。蓋衛人之恨

莊姜深矣。司馬云。怨毒之于人甚哉。題云閔之。垂戒深矣。○一口氣說出無數

貴人。愈見其陋。周公曰。我文王之子。武王之弟。今王之叔父。亦是敘述誇張。然

以戒子不嫌也。今莊姜唯以此自貴。宜不答於夫矣。下又自矜其色。益自賤也。

手如柔荑。膚如凝脂。領如蝤蛴。齒如瓠犀。螓首蛾眉。巧笑倩兮。美目盼兮。

評詩有事醜而文美者。雖雖鳴雁是也。有文美而意醜者。此七句是也。碩人敖敖。說于農郊。四牡有驕。朱幘鑣。翟茀以朝。大夫夙退。無使君勞。

評。憎其人者。憎其儲胥。使姜知其必不安也。○出作意明其得禍之由也。注家乃以鄙褻意窺之。豈欲君母以早眠為安乎。

河水洋洋。北流活活。施罟濊濊。鱣鮪發發。葭葦揭揭。庶姜孽孽。庶士有暵。

氓。刺時也。六章章十句。

氓之蚩蚩。抱布貿絲。匪來貿絲。來即我謀。送子涉淇。至于頓丘。匪我愆期。子無良媒。將子無怒。秋以為期。

評。言繇詞複。敘述特詳。抵一篇司馬相如自記。

乘彼墉垣。以望復關。不見復關。泣涕漣漣。既見復關。載笑載言。爾卜爾筮。體無咎言。以爾車來。以我賄遷。

評。必須用典禮明點作意。不然。便作尋常君臣離合看矣。

桑之未落。其葉沃若。吁嗟鳩兮。無食桑椹。吁嗟女兮。無與士耽。士之耽兮。猶可說也。

女之耽兮。不可說也。

評。雖是託詞。而垂戒千古。抵一篇苦相篇。

桑之落矣。其黃而隕。自我徂爾。三歲食貧。淇水湯湯。漸車帷裳。女也不爽。士貳其行。士也罔極。二三其德。

評。寫喪妻失位。微而顯。直而婉。然是陳詩體耳。若五七言亦效此。便成謔語。他文

效此。反是謗書也。○椎心泣血之文。頑不能知。此他人亦不能代作。故決爲頑

子文公。頑女許夫人之作也。

三歲爲婦。靡室勞矣。夙興夜寐。靡有朝矣。言旣遂矣。至于暴矣。兄弟不知。嗟其笑矣。靜言思之。躬自悼矣。

及爾偕老。老使我怨。淇則有岸。隰則有泮。總角之宴。言笑晏晏。信誓旦旦。不思其反。反是不思。亦已焉哉。

評。惜誓回風。有此悲愴。

竹竿。衛女思歸也。四章章四句。

藿糶竹竿。以釣于淇。豈不爾思。遠莫致之。

泉原在左。淇水在右。女子有行。遠父母兄弟。

淇水在右。泉源在左。巧笑之瑳。佩玉之儺。

淇水泱泱。檜楫松舟。駕言出游。以寫我憂。

芄蘭刺惠公也。二章章六句

芄蘭之枝。童子佩觿。雖則佩觿。能不我知。容兮遂兮。垂帶悸兮。

芄蘭之葉。童子佩褫。雖則佩褫。能不我甲。容兮遂兮。垂帶悸兮。

河廣。宋襄公母歸于衛。思而能止。故作是詩也。二章章四句

誰謂河廣。一葦杭之。誰謂宋遠。跂予望之。

誰謂河廣。曾不容刀。誰謂宋遠。曾不崇朝。

伯兮刺時也。四章章四句

伯兮朅兮。邦之桀兮。伯也執殳。為王前驅。

自伯之東。首如飛蓬。豈無膏沐。誰適為容。

專 著 湘綺樓詩經評點

其雨其雨。杲杲出日。願言思伯。甘心首疾。
焉得諼草。言樹之背。願言思伯。使我心痲。

有狐。刺時也。三章章四句

有狐綏綏。在彼淇梁。心之憂矣。之子無裳。

有狐綏綏。在彼淇厲。心之憂矣。之子無帶。

有狐綏綏。在彼淇側。心之憂矣。之子無服。

木瓜。美齊桓公也。三章章四句

投我以木瓜。報之以瓊琚。匪報也。永以為好也。

投我以木桃。報之以瓊瑤。匪報也。永以為好也。

投我以木李。報之以瓊玖。匪報也。永以為好也。

衛國十篇三十四章二百三句

國風
五四

詩卷三終

25 X 10

雁影齋題跋卷第四

續第十一期

湘鄉李希聖亦元 遺稿

袖珍方四卷

前有洪武二十四年八月望日序。又有永樂十三年乙未季秋月序。言數年以來。印板糝糊。今令良醫等復校訂正。刊行於世。蓋洪武先有刊板。至永樂時又重刊也。此本卷尾有皇明弘治壬子仲春楊氏清江書堂重刊。蓋不及百年。已三易板矣。其書計方三千七十又七分八十一門。而不著撰人名字。作序者亦不著名。據序文知其輯於雲南。而洪武永樂二刻。亦均在滇中。蓋邊遠多瘴。故方書盛行也。

元文類七十卷目錄三卷 元本

每半頁十行。行十九字。前有元統二年四月戊午。鄭王理。及五月五日陳旅二序。觀其卷首文移。乃西湖書院刊本。又有中書省移咨一道。云江浙等處行中書省。劄付本司刊板印行。當職近在大都於蘇參議家。獲睹元編集檢草較正。得所刊板本。第四十一卷內缺少下半卷。計一十八板。九千三百九十餘字。不曾刊雕。又於目錄及各卷內較正。得中間九十三板。脫漏差誤計一百三十餘字。蓋是當間

專 著 雁影齋題跋卷第四

較正之際。失於鹵莽。以致如此。宜從本司刊補改正。庶成完書。今將缺少板數。漏誤字樣。錄連在前。關請施行。准此。儒司。今將上項文類板本刊補改正。一切完備。隨此發去。合下仰照驗收管施行。須至指揮。至正二年二月日施淵。此本蓋當時印行之本。紙墨甚精。卷首有張之洞審定。無兢居士等印。後有元統三年三月三日太原王守誠題。即葉盛水東日記。所謂至正初元刻大字本也。四庫著錄者。乃從此本翻雕。

通鑑續編二十四卷元本

陳桎撰。每半頁九行。行二十二字。前有至正二十二年周伯琦。至正十八年陳基諸人序。桎本元人。入明爲翰林編修。以附楊憲遷待制。四庫提要改稱明人。爲得其實。然此書則實在元時所刊。不得以其爲明人而疑之耳。卷首有馬玉堂笏齋印。

朝野僉載十卷

影抄本。其中構字空格注御名。蓋從宋本過錄。有士禮居藏。及黃丕烈復翁等印。

其甲字毛晉私印。汲古主人諸印。則書賈所偽造也。按此書四庫著錄者係六卷。此本分十卷。與唐書宋史藝文志及郡齋讀書志。書錄餘題。文獻通考。所記皆不合。提要謂張鷟為開元時人。而書中有寶歷元年資陽石走事。寶歷乃敬宗年號。與鷟時代不相接。此本亦有石走一條。乃在第八卷。而孟宏微對宣宗事。則此本竟無之。其第九卷宗楚客一條。三行以後所記諸珍物及李可及進百年曲皆誌宗女同昌公主事。前後既不相蒙。時代尤不相及。疑亦僉載補遺中語。而提要未嘗指摘。豈內府本無此一條耶。抑當時秉筆者未嘗細勘耶。考宋人所撰五色線按是書本三卷汲古閣刻者僅二卷引此書共三條。而太歲在午。人馬食土。歲在辰巳。貨妻賣子。歲在申酉。乞漿得酒一條。此本亦無之。則自宋時流傳之本已不一矣。其中如鄭愔。崔湜掌選一條。李靈忠破營府一條。桑條草一條。突厥鹽一條。武媚孃一條。杜曲誅諸韋一條。索元禮一條。喬知之婢碧玉一條。侯思正獬豸豈識字一條。吉頊請蘇來俊臣一條。仙人獻果。玉女登梯一條。侯敏妻董氏一條。高徽妻秦氏一條。天后夢鸚鵡一條。先天二年正月張燈一條。與舊唐書殿張易之母阿藏一條。安樂

專 著 雁影齋與陵卷第四

25 X 10

公主定昆池一條。張昌儀屬天官侍郎一條。朱前疑諂誤一條。常元楷被誅一條。韋后隔簾拜周仁軌一條。周仁軌過秋分一日平曉斬之一條。宋之遜告王同皎一條。白鐵余埋銅佛一條。李日知行杖一條。薛懷義造夾釘大像及明堂火一條。胡超合長生藥一條。武三思謂張易之是王子晉後身一條。突厥破萬榮新城一條。久視二年三月大雪一條。田歸道不屈默啜一條。皆爲通鑑所采。其劉仁願以仁軌檢校帶方州刺史一條。李敬玄爲元帥一條。程務挺平稽胡爲儀鳳中一條。賂賓王爲徐敬業畫策取裴炎同起事一條。魚思暄造魘一條。七寶臺散壞爲姚璿語一條。來俊臣徐有功先進狀一條。王孝傑戰死一條。來俊臣三月三日在龍門題朝士姓名一條。孫彥高頑愚一條。武懿宗射閻知微一條。鳩集鳳池驅驢宰相一條。司刑寺囚作聖人迹一條。宋景畢構見鬼人彭君卿一條。崔湜妻及二女皆幸於太子一條。王琚去官侍母一條。薛訥入萬人沒於契丹一條。姚崇縊殺趙海一條。張說諂事王毛仲一條。皆見於考異中。爲通鑑所不取。合而觀之。其書之疏密均可見矣。然如補闕連車載。拾遺平斗量。權樞侍御史。脫腕校書郎。及沈全

交續之云云一條。通鑑採之。而胡注乃引容齋隨筆以為此語出於張鷟。則梅磻蓋未見此書。故其注引長孫無忌。以烏羊毛為渾脫。及如意初黃鑿歌。皆不知源出此書也。

孫耕開集一卷

宋孫銳撰。銳字穎叔。吳江平望里人。咸淳十年進士。授廬州僉判。值元兵南侵。遂絕意仕進。挂冠東歸。年七十九。卒於德祐初。其集為元至元十八年趙時遠編。前有時遠序。稱其序累若干卷。多散佚不傳。予忝世誼。因搜其遺稿。或扇頭壁上。或蠹簡鼠穴。得數十首云云。此本計詩僅三十五首。即時遠原編之本也。銳生值亂離。鴻冥物外。本不欲以文章自名。故其詩多模山范水之詞。格調不高。而一邱一壑。自得天機。如漁父詞。利玄真子。得家書和陶淵明。又作玄真子吟。至以為仙去。可以知其所尚矣。然其詠鴟夷子皮及孔明八陣石。亦時露英氣。殆與陶淵明刑天舞干戚。不用周必大二老堂詩話說沈麟交翠軒筆記則謂刑天當仍作刑天惟無干戚三字實舞干戚之說其說甚辯猛志故常在者託與相同歟。此書四庫未錄。阮氏經進書亦無之。乃舊帙之僅存者。兩宋名賢

專 著 雁影齋題跋卷四

專 著 雁影齋願跋卷四

六

小集內無銳詩。厲鶚宋詩紀事選銳詩僅三首。吳之振宋詩鈔。曹廷棟宋百家詩存。均未入選。則皆未見矣。此本為知不足齋舊鈔。丹黃燦然。蓋鮑廷博手校本也。
玉雨堂叢書所刻即用鮑氏校本。沈西齋跋云。宋詩紀事曾見此集。任履不全。似未附墓誌也。翁海維跋云。石湖別墅詩。收入願齋。宋人名賢小集。元真釣磯。哥湖說。殊勝寺記。爲重。建。殊。勝。寺。記。爲。湖。說。收。入。平。望。志。

(未完)

25 X 10

中國名山彙考卷一 續第十一期

湘潭周 逸木崖

大房山

金諸陵之大房山

大房山。在今順天府房山縣西十五里。為幽燕之奧室。故曰房。綿亙數十里。為石經山。在房山縣西南四十里。上方山。在房山縣西南八里。紅螺嶼。在上方山雲水洞。在山縣西。昔傳有土人見白龍出。化為魚。又聞樂作聲。孔水洞。在房山縣大房山東北懸崖千尺。石竇如門。源有行時。白龍出遊。往往樵牧聞絲竹聲。昔有人乘桴窮源。有五六日無所抵。但見仙鼠書飛。翫游泳而已。皆因地立名。其下有聖水泉。

碣石山

禹貢之碣石

碣石在今直隸永平府之海中。前代紛紜不一。要以王瓚所言淪入海者為是。今山海關海中有大石橫亙數十里。如柱形。則酈道元之說可據。知此山則九河逆流之說。亦不辨自明矣。

盤山

專 著 中國名山彙考卷一

薊州之盤山

盤山在今順天府薊州城西北二十五里。其山險不可登。必盤而登之。故名。一名盤龍山。

按水經鮑丘水注。洵水。又東左合盤山水。水出山上。其山峻嶮。人跡罕交。去山三十許里。望山上水可高二十餘里。素湍皓然。頽波歷谿。沿流而下。自西北轉注於洵水。竹書紀年梁惠成王十六年。齊師及燕。戰於洵水。齊師遂。即是水也。

燕山

京東之燕山

燕山在今順天府玉田縣西北二十五里。根自太行。連延綿互。在京師之西者為西山。自北而東至薊州之玉田縣則稱燕山。為燕地形勝故名也。或又以為燕然山脈。盡於此故名。今考燕然山。在今宣化府相距不遠。亦連延相屬。則當以在北屬宣化府者為燕然。而在南屬玉田者為燕山。

按圖書編。燕山圖攷。燕山在太行滄海間。形勝雄據天下。即今京師也。以燕然山脈。盡於此。故曰燕山。昔燕昭王築黃金臺以招賢者。故又稱金臺。

長白山

奉天府東北之長白山

長白山。在今奉天府之東北。古名不咸山。又名太白山。又名白山。舊志稱橫亘千里。高二百里。今按此山。東過寧古塔。西趨奉天府。而開運隆業。諸山皆發脈於此。蓋不止千里矣。山巔一潭。五峯環遶。百泉自山麓旁出。分爲鴨綠。圖門。混同。即黑龍江三大江。其體勢高大。支裔綿遠。洵足雄冠五嶽。俯視萬山。
按金史世紀。其在北者有混同江。長白山。混同江。亦號黑龍江所謂白山黑水是也。

醫巫閭山

北鎮醫巫閭山

醫巫閭山。在今盛京錦州府廣寧縣城西十里。高十餘里。周圍二百四十里。舜封十
二山。以此山爲幽州之鎮。唐封爲公。遼金晉封爲王。明太祖定封號爲北鎮醫巫閭
山之神。山上羣雲巖。飛瀑巖。翠雲屏。石門。桃花洞。諸勝。
千山

遼陽之千山

千山、在今遼陽州城南六十里。上有蓮子、彌勒、淨瓶、鉢盂、海螺、臥象、漱瓊、鵝鷓、諸峯。有羅漢洞二。有祖越、龍泉、香崖、中會、大安、五大寺。及仙人臺諸勝境。遼東多山。以此為最。

按全遼志。山川攷。千山在遼陽城南六十里。世傳唐征高麗。駐蹕於此。

祖越寺。在龍泉寺東。龍泉寺。城南六十里。千山上。崇德五年。撥僧人九名。給衣糧。香巖寺。在龍泉寺南。有仙人臺。仙人臺。在香

巖寺。仙人對弈之。中會寺。在祖越寺東。所石椀遺蹟猶存。

十三山

遼西之十三山

十三山、在今錦州府城東七十五里。高一餘里。周圍七十里餘。五代史及遼史所載十三山。即此山也。山上有潭。下有金牛洞。為遼西之名勝。

林慮山

太行山以東之林慮山。一作隆慮山。

林慮山。在今河南彰德府林縣西北二十里。連接衆山。隨地異名。為黃華山。府林縣西二十里。每秋晚。天平山。在黃華谷南二十里。玉泉山。玉泉谷在天平山。倚陽山。黃華滿谷。故名。在林縣西。南五里。紫團山。在林縣西。南五里。炒米嶺。在林縣西。南四十里。王被。因此山無水。炒米而食。因名。礦山。在林縣北四十里。有青鐵鑛。中村。燭山。在林縣西北四十里。無水。炒米而食。因名。礦山。在林縣北六十里。其燭至今。鐵鑛。尚存。有磁石。柏山。在林縣西北四十里。其山產柏。茂盛。因名。礪山。山有礪石。資為世用。等山。各山中。峯崖。澗谷。其名亦不一。而總謂之林慮山。

廣武山

楚漢相拒之廣武山

廣武山。與三皇山相連。在今河南。開封府河陰之北十二里。滎澤縣之西十里。汜水縣之東北二里。其山逶迤曲折。連亘數十里。支脈所分。因地立名不一。在滎澤為三皇山。敖山。五龍頂。在汜水為孤柏嘴。半口峪。在河陰為虎頭飛龍諸項。領軍揚輝諸峪。即其中古蹟亦甚衆。而總謂之廣武山。

按河南通志山川。三皇山、廣武山、俱在河陰縣北十二里。二山相連。其上有東西廣武二城。即楚漢屯兵相拒處。其麓東跨滎澤。南跨汜水。連亘五十里。其傍有小山。名

金山。敖山在河陰縣西二十里。秦時敖氏築倉于上。因以山名。漢酈食其勸高祖據敖氏之粟。又因敖山築道下汴水。卽此。古蹟古戰場在廣武山下。鴻溝一名廣武澗。楚漢割此爲界。

具茨山

山海經之大騫山。水經注之具茨山。

大騫山。一名具茨山。在今河南開封府境內。歷禹州新鄭密縣地。山上有軒轅廟。避暑洞。在大騫山畔。世傳黃帝避暑於此。

伊闕山

左傳之闕塞。水經之伊闕。

伊闕山。一名龍門山。在今河南府洛陽縣南二十五里。兩山相對。崖石壁立。曰龍門。

伊水中出。北入洛河。禹排伊闕。卽此兩山下。

蘇門山

晉孫登隱處之蘇門山

蘇門山。一名蘇嶺。亦作百門。在今河南衛輝府衛輝縣之西北七里。晉孫登隱此。宋邵康節亦于是卜居焉。今其上皆有遺跡。

北邙山

河南府之北邙山

北邙山。一名平逢山。金代更名太平山。在今河南河南府城北一十里。其山西自新安。接洛陽偃師鞏縣一帶。綿亙四百餘里。隨地立名不一。或為翠雲山。在洛陽縣西北十里。或為牛吼山。在洛陽縣西北八里。北邙山上老子跨青牛度函谷關至此而牛鳴故名。或為首陽山。河南府治西北十五里。北邙山最高者日出光照故名。或為磨盤山。在河南府治東北十里。而總謂之北邙山。背河面洛山之陽。有天然風水。歷代陵墓多在焉。

熊耳山

伊洛發源之熊耳山

熊耳山。在今河南陝州盧氏縣之西南五十里。形如熊耳故名。伊洛二水所出。禹貢導河至熊耳。即此。

25 X 0

嵩山按孟子曰益避禹之子於箕山之陰注云嵩高之北

中嶽嵩山

嵩山。在今河南省河南府登封縣北五里。書曰外方。詩曰崧高。爾雅曰中嶽。史記曰太室。漢書曰崧高。要皆一山也。於天地為正中。歷代皆有勅祭。

箕山按許由巢父之事傳記所載不同或曰堯讓天下於許由不受隱居箕山之陽又召為九州長由不欲聞之遂洗耳於潁水濱時巢父牽犢欲飲聞其故以為汙犢口遂牽犢而飲於上流然其犢世遠年湮弗可深考但其隱居之箕山自漢以來凡註經釋史者不曰在嵩山之下則曰在潁水之陽今觀河南登封之箕山正與經史合且故蹟皆確有據故以此山為正而凡他處箕山傳為許由隱處者亦各分考附載於此山之後

登封縣之箕山

許由巢父之行。雖云過高。然亦千載不可泯滅者。故其隱處之箕山。在史氏既未有定論。而後之作志者。亦遂樂攘之以為郡邑。逸今博覽羣書。得所謂箕山為當日隱處者不一。而似可信者有五。一在河南之登封。一在山西之平陸。一在直隸之行唐。一在山西之遼州。一在山東之莒州。其在河南登封者。距縣城之西南三十里。即中嶽嵩山之一支也。有潁水經流其北。晉人曾於此置縣。即取名潁陽。其山一名鄂嶺。

25x10

又名許由山。山上有許由冢。及許由廟。又有巢父冢。棄瓢巖。山之下有牽牛墟。有轎泉。又有洗耳泉。及洗耳池。相傳皆兩人之遺跡云。

平陸縣之箕山

箕山，一在今山西解州平陸縣東北九十里。其形如箕。相傳許由巢父隱此。山上有許由巢父墓。山下有清淵。傳為洗耳處。

行唐縣之箕山

箕山，一在今直隸正定府行唐縣西北五十里。相傳許由隱此。

遼州之箕山

箕山，一在今山西遼州城東南七十里。相傳為許由隱處。其上有許由洞。其下有洗耳泉。

澤州之箕山

箕山，一在今山西澤州府澤州城西北九十里。晉劉澄之以為許由隱處。其山一名箕塚山。一名濰山。一名覆舟山。

緱山

王子晉乘鶴吹笙之緱山

緱山，在今河南偃師縣南四十里。孤峯突出。本嵩山之一支。相傳周靈王太子晉好吹笙，後登緱山駕鶴而去。上有石室飲鶴池。一名覆釜堆

峭山

左傳之殺陵

峭山，本名殺，後作峭，以有夏后皋之墓，故稱陵焉。又名嶽，蓋山。在今河南省河南府永寧縣北六十里。即春秋晉敗秦師處也。山上有古峭縣址。

按輿地廣記：二峭山連入硤石界。其南陵夏后皋之墓。其北陵文王之所辟風雨。春秋晉敗秦師于殺。陝州石壕鎮。本殺縣。後魏置。

律音彙考卷之一

瀏陽邱之桂穀士遺稿

原律呂說

嘗讀邵子皇極經世書。而歎律呂之循生不已。與其往而不返。莫非天地自然之道也。律以黃鍾為本。黃鍾一陽應候。而得天數之始。管長九寸。而備天數之終。故氣應冬至。天開於子是也。是月也復為辟卦。自復一陽歷臨泰大壯夬乾。所謂陽生於子極於巳。而黃鍾、大呂、太簇、夾鍾、姑洗、仲呂應焉。自姤一陰歷遯否觀剝坤。所謂陰生於午極於亥。而蕤賓、林鍾、夷則、南呂、無射、應鍾應焉。此陰陽之一大闢闔也。邵子曰：前陰含陽也。有象之後。陽分陰也。陰為陽之母。陽為陰之父。故母孕長男而為復。父生長女而為姤。是以陽起于復。陰起于姤也。又曰：乾坤為大父母。復姤為小父母。

先儒謂同位娶妻隔八生子。余謂生子固隔八。娶妻非同位。乃對衝之辰。試以陰陽交媾。律呂相生之次言之。黃鍾生林鍾。實由復一陽與姤一陰交。下生遯之二陰。遯六月卦。林鍾六月律也。林鍾生太簇。實由遯二陰與臨二陽交。上生泰之三陽。泰正月卦。太簇正月律也。太簇生南呂。實由泰三陽與否三陰交。下生觀之四陰。觀八月卦。南呂八月律也。南呂生姑洗。實由觀四陰與大壯四陽交。上生夬之五陽。夬三月

卦。姑洗三月律也。姑洗生應鍾。實由夫五陽與剝五陰交。下生坤之六陰。坤十月卦。應鍾十月律也。夫論消息之理。陽極于巳。陰極于亥。幾不可以再生。然相生之數不窮于亥者。乾陽也。生道之始無遠絕之理也。以坤之順交乾之健。則陰陽之氣復息。故應鍾生蕤賓。實由坤之純陰變陽。與乾之純陽變陰交。上生姤之一陰。姤五月卦。蕤賓五月律也。蕤賓生大呂。實由姤一陰與復陽交。上生臨之二陽。臨十二月卦。大呂十二月律也。大呂生夷則。實由臨二陽與遯二陰交。下生否之三陰。否七月卦。夷則七月律也。夷則生夾鍾。實由否三陰與泰三陽交。上生大壯之四陽。大壯二月卦。夾鍾二月律也。夾鍾生無射。實由大壯四陽與觀四陰交。下生剝之五陰。剝九月卦。無射九月律也。無射生仲呂。實由剝五陰與夫五陽交。上生乾之六陽。乾四月卦。仲呂四月律也。此娶妻生子之奧旨。即男女構精。萬物化生之妙義也。至是而仲呂將復生黃鍾乎。曰不能也。生生之數止于此也。如先天卦之序。乾數始於一。坤數終於八也。如先天圖之象。一一始於南。八八終於北也。所以往而不返也。按之律呂相生之數。無不符。推之陰陽消息之機。無不協。則黃鍾爲十一律之本。而不受生于十。

一律尙何疑哉。先儒只知娶妻生子之略。而不明律呂所以配月卦。分陰陽之理。爲天地自然之機。故終不能制器審音也。或曰如子之說。陰陽之理。其終有窮乎。曰否。物窮則變。變則通。通則久。易之義。微矣哉。

按京房因仲呂還生黃鍾不及原數。創立執始等名目。轉生四十八律。杜佑通典本此以仲呂不盡之聲三分損益。再生黃鍾以下十一律。爲變律。蔡西山律呂新書本通典節取之。以黃鍾林鍾太簇南呂姑洗應鍾六律爲能具足。定爲變律。且曰應鍾之實。又不盡一算數。又不可行此變律。所以止于六。又謂變律止于應鍾。雖設而無所用。竊謂設無所用。不如無節。以變言。古來論樂者。祇五正聲。應外有變宮變徵律。至仲呂不能還生黃鍾。實陰陽消息之機。天地自然之理。歷千古而不能變。諸說如此。是爲節外生枝。究于音律毫無所補。備舉於茲。其失自甚。

五聲六律十二管還相爲宮說

昔黃帝使伶倫自大夏之西。昆侖之陰。取竹于解谿之谷。以生而空竅。厚薄均者。斷兩節間而吹之。以爲黃鍾之宮。制十二筩。以聽鳳凰之鳴。其雄鳴爲六。雌鳴亦六。以比黃鍾之宮。而皆可以生之。此聲律之所由始也。虞書曰。同律度量衡。曰聲依永。律和聲。又曰。予欲聞六律五聲八音。周禮太師掌六律六同。以合陰陽之聲。皆文之以五聲。播之以八音。想見虞周盛時。制作大備。秦漢而降。樂經殘缺。聲律之道微矣。其

散見諸書者。莫如戴記禮運篇。五聲六律十二管。還相爲宮之說。爲得古人制律之精意。夫聲有正亦有變。正者何。宮商角徵羽五聲也。變者何。變宮變徵二聲也。言五聲者何。不及二變。二變不可統五聲。五聲可統二變也。羽宮之間收一音曰變宮。角徵之間收一音曰變徵。雖名爲變。近于宮前徵前。故仍不離乎宮徵之名。不離乎宮徵之名。因有以淆乎宮徵之音。故合之雖七。而用之則五也。用之則五。而還之又不。可無其七也。故五聲成調。二變禁用。如黃鍾宮聲。主宮變。宮變徵。當二變之位。不用。大蕤商聲。主宮正。宮正徵。當二變之位。不用。是二變用而五聲中有不用之二變。二變不用而五聲中又有時出變宮變徵而兼用者。此言五聲可以知其統二變也。何曰律。黃鍾太蕤姑洗蕤賓夷則無射也。言六律者何。不及六呂。律陽也。大呂夾鍾仲呂林鍾南呂應鍾陰呂也。陰呂不可統陽律。陽律可統陰呂也。故周禮謂六呂爲六同。國語謂六呂爲六間。呂其體也。間其位也。同其高下之情也。陰助陽而理無成。有終之義也。故天子之樂。黃鍾主宮。而六律從之。諸呂不敢以上僭。諸候之樂。大呂主宮。而六呂從之。諸律不至于下移。無佗。陰陽之道立。君臣之分甚嚴也。此言六律可

以知其統六呂也。合律與呂言之。所謂十二管也。且夫律固可以統呂。而陽終不可
以亡陰。鄭氏康成曰。六律合陽聲。六呂合陰聲是也。然則律有五聲。呂亦有
五聲。有二變。陰陽各備正變。合之凡十四聲。而管僅十二何也。管僅十二。正而外。
蕤賓。林鍾。爲變徵。而變宮之聲。獨缺焉。缺可乎不可也。律呂止于六。損益相生之數。
往而不返。至仲呂而終窮。非可缺也。無其位也。無其位。將求變宮于律呂內乎。抑求
變宮于律呂外乎。求變宮于律呂之內。而無其位。無怪陰陽錯雜。如漢唐以來。律家
以應鍾爲黃鍾。宮變宮。以黃鍾爲大呂。宮變宮。夫應鍾。陰呂。不能變黃鍾之宮。黃鍾
陽律。不能變大呂之宮。不變強以爲變。雖律家變之。而律終不變。律不變。是求變于
律呂之內。而應黃之清濁各判者。兩不與相諧。求變于律呂之外。而仲呂之損益相
生者。不能盡其變。求之不得。意者。其在不內不外之間乎。何謂不內不外。取聲之法。
莫妙于半律三。半呂三。倍律三。倍呂三。三而六之。六而二之。合六律十二管。爲二十
四管。以十二管之律合之。得二十四管之多。由是以一而神體。與本管各殊其長短
以兩而化聲。與本管別具乎高低。長短殊。高低別。而後七聲生。七聲生而後變宮出。

變宮出而後還宮之義。筭還宮之義著。而半倍之體裁仍不出律呂之法度。不出律呂之法度。則二十四管不啻十二管。不啻十二管。故不曰二十四管。祇曰十二管。亦猶言五聲而二變在其中。言六律而六呂在其中也。孰三半。孰三倍。律莫長于黃鍾。太簇姑洗。呂莫長于大呂夾鍾仲呂。半律半呂者。謂折此三律三呂之管而半之也。律莫短於蕤賓夷則無射。呂莫短於林鍾南呂應鍾。倍律倍呂者。謂加此三律三呂之管而倍之也。半管之音。較正管本音低一律。倍管之首。較正管本音高一律。故以正宮清宮言低一律者。半黃鍾半大呂之管。不應黃鍾大呂之宮音。而應倍無射倍應鍾之變宮音。半太簇半夾鍾之管。不應太簇夾鍾之商音。而應黃鍾大呂之宮音。半姑洗半仲呂之管。不應姑洗仲呂之角音。而應太簇夾鍾之商音。按唐宋言樂者謂四半管為四清聲。不審音之協不協。竟以半黃鍾應黃鍾。清聲半大呂應大呂。為大呂清聲。半太簇半夾鍾亦然。至以其音過高。直曰為鄭衛之音。更屬於理無當。夫鄭衛之音。自當以詞之淫靡。不審音之協不協。不與聲之高下別。風時具在。較然不爽。高一律者。倍蕤賓倍林鍾之管。不應蕤賓林鍾之變徵音。而應夷則南呂之徵音。倍夷則倍南呂之管。不應夷則南呂之徵音。而應無射應鍾之羽音。倍無射倍應鍾之管。不應無射應鍾之羽音。而應半黃鍾半

大呂之高變宮音。不應本音何其故。由于管體之半其長。倍其長。而未半其徑。倍其徑所以與正管本音不相應。而七聲之所從生也。故曰七聲生而後變宮出。變宮出而後旋宮之義箸焉。今就陽律十二管以黃鍾主宮言之。倍蕤賓居下徵為弟一位。倍夷則居下羽為弟二位。倍無射居變宮為弟三位。黃鍾居宮為弟四位。太簇居商為弟五位。姑洗居角為弟六位。蕤賓居變徵為弟七位。夷則居徵為弟八位。無射居羽為弟九位。半黃鍾居高變宮為弟十位。半太簇居高宮為弟十一位。半姑洗居高商為弟十二位。正變各備。高下並陳。旋相為宮。循環不已。其于宮為君。商為臣。角為民之義。自然不致陵犯焉。由是黃鍾為宮。與半太簇。則太簇為商。與半姑洗。姑洗為角。蕤賓為變徵。夷則為徵。與倍蕤賓。無射為羽。與倍夷則。倍無射為變宮。與半黃鍾。旋太簇。與半姑洗。則姑洗為商。蕤賓為角。夷則為變徵。與倍蕤賓。無射為徵。與倍夷則。應半黃鍾為羽。與倍無射。黃鍾為變宮。與半太簇。旋姑洗則蕤賓為商。夷則為角。與倍蕤賓。下羽應。半黃鍾為徵。與倍無射。半太簇為羽。與半黃鍾。太簇為變宮。與半姑洗。旋蕤賓則夷則為商。倍蕤賓。下徵應。無射為角。倍夷則。半黃鍾為變徵。與半姑洗。旋蕤賓則夷則為商。倍蕤賓。下徵應。無射為角。倍夷則。半黃鍾為變徵。

專 著 律音考卷之一

第十二期

與倍無射。半太蔟為徵。與黃鍾。半姑洗為羽。與太蔟。姑洗為變宮。旋夷則。與倍蕤賓。下變徵應。倍夷則。下商禁不用。如半黃鍾為角。倍無射。下角禁不用。如半太蔟為徵。與黃鍾。下太蔟為徵。與半姑洗。姑洗為羽。蕤賓為變宮。旋無射。與倍夷則。則半黃鍾為商。倍無射。下商禁不用。如半太蔟為角。倍夷則。下角禁不用。如半姑洗為變徵。與太蔟。姑洗為徵。蕤賓為羽。夷則為變宮。與倍蕤賓。旋倍無射。與半黃鍾。則黃鍾為商。與半太蔟。太蔟為角。與半姑洗。姑洗為變徵。蕤賓為徵。夷則為羽。與倍蕤賓。無射為變宮。與倍夷則。推之陰呂十二管亦然。管子所謂下羽之聲。大于宮。伶州鳩所謂宮。逐羽音。亦即旋宮之義也。由是五聲二變。旋于七均之中。合清濁二均。為一十四均。而九十八聲成矣。此皆天地自然之妙。豈人力所能強為哉。

蕤賓林鍾說

孟子曰。聖人既竭耳力焉。繼之以六律正五音。六律者。黃鍾。太蔟。姑洗。蕤賓。夷則。無射也。五音者。宮。商。角。徵。羽也。正也者。以黃鍾正宮。以太蔟正商。以姑洗正角。以夷則正徵。以無射正羽也。何以不言十二律也。六律陽也。六呂陰也。陽統陰也。陰助陽而

代有終也。然其所以正者，亦若是而歸矣。大呂助黃鍾而正宮也，夾鍾助太簇而正商也，仲呂助姑洗而正角也，南呂助夷則而正徵也，應鍾助無射而正羽也。但呂之音每清于律，陰不敢擬陽也。律呂各六而止用五者，音止于五也。其不用蕤賓林鍾何也？蕤賓中五月律于時卦爲姤，一陰始生于下而遇五陽女德，不貞壯之甚也。由姤而消息，至復卦陽又生矣。陽者君也，復者十一月之卦也。律應黃鍾，黃鍾律呂之本，亦萬事之本也。蕤賓與黃鍾對而不敢自用，臣避君也。故于五音無取也。林鍾亦然。蓋林鍾六月律也，六月于卦爲遯，二陰浸長陽當避遯，故臨之彖曰：至于八月有凶，慎之也。夫臨十二月之卦也，是月也律中大呂，大呂助黃鍾以宣物，猶后之助君以理內政也。故林鍾亦與大呂對而退處不用，猶妾媵不敢抗嫡也。然而蕤賓林鍾非終不用也，音居角徵之間，藉以濟角徵之不及，故二律皆中變徵之音。變徵作則五音聯，五音聯則變而可正，變而可正則律呂諧，律呂諧則陰陽利，而萬事無不得其正矣。其七律何也？變徵之外，又有變宮，變宮在十二律之外也。變宮備而後還宮之義見焉。凡此皆陰陽自然之運，不容少假人爲，愚于蕤賓林鍾略參造化之妙矣。

漢儒誤以林鍾爲徵。應鍾爲變宮。是不製律呂之過。故孟子曰。不以六律。不能正五音也。

聲字配合五聲二變說

古人言樂。但有宮商角徵羽。變宮變徵七音。無以工尺字譜名聲調者。蓋五聲二變。得六律而始正。而六律非五聲二變。亦無以妙其用。此按律可以知音。亦審音可以定律。二者實互相資也。且律之音。每濁于呂。呂之音。恆清于律。律呂二均。一管不容混雜。雜則其聲不相和應。故六律六呂有陰陽之別。而五聲二變有清濁之分。聲字之合。四一上尺工凡六五九音。蓋混律呂而一之。混律呂而一之。則陽律陰呂之聲。其各以類從者。無由辨。律呂之以類從者。無由辨。則五聲二變之清濁不淆者。亦無由明。始猶以聲字代正變爲譜曲之捷法。相沿既久。祇知聲字是依。並不復知有五聲二變矣。此管律之製。所以不傳于後世也。後世失管律之傳。僅以時笛正律呂。細審時笛聲字。合與六四與五同一音而分高下。是聲字之目雖有九。而其音仍不外乎七。七音中一凡禁用。是聲字之音雖有七。而其以正應者。亦不越乎五。以今證古。

以俗證雅。兩相符合。如是溯厥由來。非無明徵。楚詞大招曰。四上競氣。極聲變。只此言聲字之權輿也。何曰四上。就四一上相聯之三聲而取其二也。取何止及四上。蓋四上之間為一之次。一居四上之中。得聲淆雜。兼收其聲。必致變調。所以云然者。謂四與上之氣兩相競而一之聲獨不與相協。故曰極聲變只也。由是推之。則一與四上。非即羽宮之間。取一聲為變宮之義乎。一居四上之中。取為變宮。例諸工凡六相聯三聲。而凡當禁用。非即角徵之間。取一聲為變徵之義乎。變宮變徵之聲。得推之上為宮。尺為商。工為角。六為徵。五為羽。合與六高低相應。為下徵。四與五高低相應。為下羽之義。莫不皆明此聲字。與五聲二變。所以兩相符合也。世之音審者。誠能備製律呂之管。窮求正變之首。庶五聲二變之清濁。不因聲字之便易而全廢。而六律六呂之陰陽。實因正變之清濁而悉昭。每譜一曲。注明某律某呂主宮。某律某呂起調。區別陰陽。分析清濁。絲毫不混。然後以聲字配合正變。以圖易記。或不致得末而忘本。本末兼該。聲調悉著。安見古樂之不可遽復哉。

時笛合字。應雅賓者為律。笛應林鍾者為呂。笛。

五聲配五行說

嘗讀朱子書。有樂聲是土金木火水。洪範是水火木金土之語。竊歎五聲之配五行。與洪範五行。一順一逆。要皆本河圖洛書之數而不可易者也。河圖之數。一變生水。六化成之。居北。二化生火。七變成之。居南。三變生木。八化成之。居東。四化生金。九變成之。居西。五變生土。十化成之。居中。洛書之數。戴九履一。左三右七。二四爲肩。六八爲足。五居中央。虛十四應。洪範五行之始。于水。終于土者。生數始于一。終于五也。五行之生序也。萬物成形。以微箸爲漸。五行先後。亦以微箸爲次。五行之體。水最微爲一。火最箸爲二。木形實爲三。金體固爲四。土質大爲五。周子太極圖曰。陽變陰合而生水火木金土是也。若夫樂聲之宮。在聲。爲天地之中聲。在氣。爲天地之中氣。在性與情。爲喜怒哀樂未發之中。發而中節之和。蓋得天地之中數。爲中央土。而之以之。統乎商金角木徵火羽水者也。數多者聲大而濁。土之生數五。故宮聲最大而沉濁。金之生數四。故商之大次宮。數少者聲細而清。水之生數一。故羽聲最細而清。火之生數二。故徵之細次羽。木之生數三。故角聲居五者之中焉。然世之言中聲者。不以角而以宮何也。朱子嘗論之矣。曰。凡聲陽也。自下而上。未及其半。則屬于陰而未陽。故

不可用。上而及半。然後屬於陽而始和。故即其始而用之以爲宮。因其每變而益上。則爲商。爲角。爲變徵。爲徵。爲羽。爲變宮。而皆以爲宮之用焉。是宮之一聲。在五行爲土。在五常爲信。在五事爲思。蓋以其正當衆聲。和與未和。用與未用。陰陽際會之中。所以爲盛。若角則雖當五聲之中。而非衆聲之會。且以七均論之。又有變徵以居焉。亦非五聲之所取正也。又有爲宮當配仁之說者。朱子抑又論之矣。曰迹其所以。蓋以仁當四德之元。而有包四者之義耳。夫仁木行而角聲者也。以之配宮。則仁既不安。而信亦失據。然以爲可包四者。則不害其有是理也。夫五行之序。木爲之始。水爲之終。而土爲之中。以河圖洛書之數言之。則水一木三而土五。皆陽之生數而不可易者也。故得以更迭爲主。而爲五行之綱。以德言之。則木爲發生之性。水爲貞靜之體。而土又包育之母也。故木之包五行也。以其流通貫徹而無不在也。水之包五行也。以其歸根返本而藏于此也。若夫土則水火之所寄。金木之所資。居中而應四方。一體而載萬物者也。故孔子贊乾之四德。而以貞元舉其終始。孟子論人之四端。而不以信列序其間。蓋以爲無適而非此也。由此觀之。宮之統五聲。其理益著。或曰陽

第 十 二 期

律濁聲一均。陰呂清聲一均。總之有十聲。又何說以處此。曰。生數陽也。成數陰也。河圖洛書之數。五居中。十亦在中。即陰陽二均之中聲所從出也。土五金四木三火二水一。爲生數。陽律之宮商角徵羽也。土十金九木八火七水六。爲成數。陰呂之宮商角徵羽也。大史公曰。音樂者所以動盪血脈。通流精神而和正心也。故宮動脾而和正聖。商動肺而和正義。角動肝而和正仁。徵動心而和正禮。羽動腎而和正智。故聞宮音使人溫舒而廣大。聞商音使人方正而好義。聞角音使人惻隱而愛人。聞徵音使人樂善而好施。聞羽音使人整齊而好禮。是樂之有五聲。猶人性之有五常。人身之有五事。聖人以之致中和之用。贊化育之道。本乎此也。非知天地造化之妙者。孰能契其微哉。


律歷相通說

月令以十二律配十二月。不過言其大概。未嘗析及精微。如孟春之月。律中太族。若雨水未交。雖孟春過半。其律尙是大呂。不可一見孟春。謂已中太族之律。仲春之月。律中夾鍾。若春分未交。雖仲春過半。其律尙是太族。不可一見仲春。謂已中夾鍾之

律。正如正月律寅。寅與亥合。太陽必雨水氣至。其時其刻方入亥宮。雨水未至之前。氣猶大寒。太陽仍在子宮。二月建卯。卯與戌合。太陽必春分氣至。其時其刻方入戌宮。春分未至之前。氣猶雨水。太陽仍在亥宮。推之十二律十二氣皆然。此音律之道。所以與氣候冥合。為天地自然之聲。惟製律候氣心通造化者。始可語于斯。故凡按時用律月建已臨。而中氣未至者。某律即中某月。尚不可用以主宮。其主宮猶用此月以前之律。記曰。當其可之謂時。不陵節而施之謂孫。其斯之謂與。按文獻通考宋真宗咸平四年

太常寺言樂工習藝匪精。每祭享。止奏黃鐘宮一調。未嘗隨月轉律。據此。則隨月轉律自古已然。不可不詳。

卷一完



文

苑

船山先師詩錄

洞庭秋十三

周逸敬選

西清啓寒亦有門。扁魂不局金水魂。方諸津潤遂昌大。青女蛾嬋失恭溫。孤雲峯勢向凌替。海天精彩捐煩寃。空洞雖非萬法侶。臨之未易相貪吞。

十四

遠慮波心著戲竿。剛森簇簇護輕安。充形暗氣存黍米。大冶昭質任烹爨。根株吾豈依墳埴。鬚髮何庸非羽翰。霏蒼颺碧自生意。行與渾儀謀團欒。

十五

遠行之感劇登山。壑斷湍哀夢亦慳。戍火祠煙盪精切。長天白雨怙癡頑。天涯交臂早無紹。去景凝眸暫不閒。難與此懷覓止竟。征鴻一縷空飛還。

文苑

文錄

題薑齋手稿禮記檀弓兩葉跋

湘潭王闈運佚稿

自漢以來。注禮記者。唯有鄭君一家。明專宋學。求宋人註禮記者。無有乃用元陳澧集說。全不成書。卒無以易也。明末王薑齋以開六經生面。自命乃作禮記章句。以配朱子四書。轉徙避兵。鈔本未隕。道光初湘潭歐陽曉岑。因新化鄧湘皋之言。江南商人之資。悉刊王書禮記鈔本始傳。又與鄒叔勸使校改。多以己說攙入。原鈔本盡入鄒氏。旋經寇亂。湘鄉曾沅甫重開局刻之。前後兩刻。余皆與聞。然不見其底本。亦不問其歸宿也。薑齋書經此兩刻而大顯。人爭求其手稿。此檀弓兩葉。未知在兩刻底本之外。抑即兩刻分散而僅存者歟。仲明得而珍之。以示余。因題其軸。

前人

一

題許篤齋答問三卷

孔子言當仁不讓于師。而漢人傳經。必宗師法。無師者不得列儒林。至鄭君注周官

鶴詩皆下己意。下己意者，所謂不讓也。必有師者，所謂儒林也。辯生于未學，而中庸以明辯爲要功。辯在師，則爲當仁。辯在他人，則爲未學。此古今經術之大關。世道人心之所係。國之所由盛衰，非佔畢之功也。自子夏傳諸經，始發何以者，何之例。每送一難，石破天驚。善讀者，知其不難于答，而難于問。問必有據，非好學而深思，不能據也。世有不知元年爲始年，春爲歲首者乎？承其問者，將何以答？故君子有樂乎此。此余生平所致力。而吾縣有隱君子許氏兄弟，閉戶讀書，初未嘗相見，則已能自得師而斐然有述焉。及余自蜀歸，巡撫張公屬評閱校經弟子經卷，得一卷，湛深經籍，亟拔第一。視其銜署童生，心躊躇不樂。校經生舉貢多矣，實有鄉先生老師宿儒爲其弟子假手者。今一舉而以童生冠首，不羞當世士耶？旣而奮然曰：循常而行，何用講學。遂置第一。衆論翕然，詢其故，即許生篤齋。與其兄以經學名久。余在外未聞知耳。即與朱卓夫編修同往訪之，相見甚歡。翰林故事，非前輩不先詣以編修訪童生。自有翰林認啓以來，未之有也。而近代不甚重文學。許氏兄弟，雖有奇材，巡撫學政未遑禮聘，浮沉十餘年，絕不復應試。稍稍以經學教授弟子而已。學不進，則日退。余每

見必昂之。篤齋恂恂不敢著書。乃以其答問三卷寄余。車殆馬煩。時夜披讀之。喜其有佳弟子。尤喜其不守一先生之言。而貫通羣經。為能不讓師也。其所言公羊義為多。傳公羊者前有邵公。後有王氏。皆體大思精。牆壁峻絕。而兩蘇生能以少年游于犁穀。篤齋能以庖丁之刀。割吾全牛。可不謂偉乎。其所問答。或亦不能無失。要之于學術龐雜之時。而炳燭傳薪。枕經薛史。游心皇古。文致太平。歲暮得此。其樂何極。起予起予。余弗如也。文內認啓二字係照傳鈔原本疑為謁故之誤。編者識

前 人未刊稿

清故高平令龍君之碑
君諱汝霖。字晦臣。長沙攸人也。蘭谿令璠之曾孫。泉州府判思見之孫。並有學政。著于縣牒。父諱友夔。縣學廩生。高文隱名。歿祀鄉賢。君少端謹。居貧自厲。舉道光丙午鄉試。公車七試。徧友天下名士。前後直言。蘇陳朱尹。相與砥磨。通博雅儒。魏晉伊何。馮莫孫趙。並研今古。故相肅順請為子師。以謄錄敍知縣。指分山西。尚書手書薦于巡撫。稱其能經天緯地。到轅上謁。巡撫置書坐右。徧示僚屬。欲以侮之。君徐步自如。其容不改。委佐讞局。能名大彰。曲沃劇縣繁富。多汗于賄。檄往署事。試觀其志。君脂

文 苑 文 錄

三

膏不潤。聽斷如神。視事一年。吏民敬愛。郵駟千里。誦誦政聲。院司驚異。將專奏補。恥于推挽。乃辭入京。功令已仕者。不得復試。禮部重名。不從常科。得入春闈。復從黜落。于時大沽戒嚴。肅公柄政。見幾而作。仍還候補。吏治方昏。亦貪賢。令歷試。未久。奏補高平。循聲既流。令如流水。無情大畏。幽枉悉中。在任五年。外艱歸。至今言晉賢吏。以爲稱首。巡撫張公舉任吏館。服除赴選。闈運固諫。以爲盛名難居。宜遂高隱。君素過聽。家事必咨。及樂治民。不從所諫。同治初。選鉛山令。藩司妒其卓異。留省察看。又格部議。委權安遠。小縣偏瘁。衆論屈之。君夷然就官。治如曲沃。巡撫湘人。知其抑志。始聽本任。期月化行。不私公錢。悉用興學。而感受邊瘴。驟嬰末疾。慈母召歸。養疴家塾。遭喪過哀。發病而卒。年六十。舊友殂逝。知君者鮮。晉民阻遠。述德無從。嗣子璋。以爲營道同方。莫如闈運。既美善之難名。遂屈君于循政。其銘曰。

漢有伯高。見敬伏波。攸與之族。兩世賢科。敦厚必大。鄉賢。蟠。三子。同舉。伯也。民儀。頤親。誨弟。頤頤。曾何友善。尚論。靡學。不磨。胡靳其用。百里。馳驅。期月而已。三年。大和。遷地。能良。鉛山。弦誦。朱邑。作公。維尉。是模。胡三。不朽。乾坤。有頤。文翰。非寶。輿誦。弗磨。

何秀才性存墓志銘

湘潭李可宗寅周遺稿

清宣統辛亥歲九月十九日。湘潭烈士何公性存殉難於粵東惠州城。當時革軍感其節義。具棺斂葬於郡城北關豐湖濱。越二年同縣李孝春護公柩還湘。又明年公之出撫子淵文以其行述來請銘於可宗。可宗憶昔自葉溪始得謁見何公。觀其胸次開拓。議論宏偉。謂他日必以節烈死國難名天下也。烈士姓何氏。諱經度。字式如。號蓋臣。册名承鑫。性存其晚號也。世居湘潭。自一世隆盛公至烈士。凡二十傳。世業儒。代有聞人。祖諱中瀚。性剛果。咸豐中髮逆犯潭。執公誘降。公罵曰。某雖諸生。頗知義禮。豈從爾反耶。遂遇害。父諱湘沅。篤友誼。豪詩酒。烈士生而穎異。嗜經史。尚氣義。補郡諸生。有祖父風。晚歲秦公炳直以名宦提督粵東。遂往從焉。迄民軍革命。烈士勸秦同死。秦以母在辭。而公獨死焉。同時殉難者有閩省漳州貢生王公少枚一人。今讀二公絕命詞。何曰。吾子孫能免守世傳忠孝。勿為邪說所移。我死瞑目。王曰。毫髮千鈞重。河山一注孤。勤王心未死。結草赴京都。其孤憤之氣。撲人眉睫。嗟呼。殆所謂疾風勁草。世不多見者歟。烈士德配黃生三男。淵文出後伯兄懋臣公。偉文殤。

文苑文錄

25x17

LIIX56

敷文甫成童。女三。皆未字死。孫緯球降服。烈士生於咸豐丙辰四月辛丑。享年五十五。有六。癸丑歲由粵東遷柩還湘。明年正月戊寅。營葬于邑之十二都五甲。拔茅塘尾山之陽。首乾趾巽。

銘曰。西山。稿餓之風。固不敢議。睢陽。碎齒之節。竊慕其義。孫緇。祖武兮。皆臨死而不避。伊胡。不挹其清風。而為之墮淚。

祭何秀才性存文

湘潭秦炳直遺稿

前清宣統三年歲次辛亥九月十九日廣東革命軍逼惠州府城。我湘潭何君性存。茂才。時為惠軍總稽查。度事無可為。自縊於提署西廂之記室以殉節焉。炳直職為全軍繫。城防劇迫。僅倉皇一臨痛哭。不及為君理後事。翌晨城亡。民軍中有君之門徒。為營殮殮。葬於郡城北關外豐湖之濱。而機槍炸彈。匪提署環之。炳直隔絕於內。自分與君併命。以為死而有知。無幾日即相見於幽冥。無知則同以一瞑謝天地。既無所自謀。亦何用為君謀。故未一伸奠醴。乃求間以死而不得。因念有老母在。展轉由滬旋里。君喪已久。逾卒哭不適行禮之期。悲惋無由以宣。茲屆週期。謹具醴饌。為

文以告於君之神位前曰。

維二儀之普育兮。盈員趾與方顛。或日星而河嶽兮。或朝菌而蟪蛄。君權重、輕於寸臆兮。審名教之難、誣及慷慨而蛻化兮。夷齊仲連與同符。余初識君於成童兮。不辨雕蟲與雕龍。翹神采而奔奔兮。似矯異於凡朋。既品蘊雙金之重兮。亦文探六藝之宗。蜚英聲於鬢序兮。騰茂實於蒿蓬。胡明珠而不見採兮。久溷淪乎泥滓。嘗饑驅而遠就兮。如以石而投水。累篋際而訪余兮。牙琴以鍾期爲知己。余擁篲迎於韓江兮。氣誼特親乎桑梓。乃譖人之太甚兮。余舍垢而忍尤。君相從而不舍兮。譬喻以道曰。無憂。筮副遺於中路兮。護持况瘁於車舟。二子久從而受讀兮。益欽淹雅之寡儔。隆殺熟爛於戴禮兮。貞悔精研乎周易。遠稽百代之史冊兮。近明國朝之典籍。外攷環海之潮流地脈兮。內覈版圖之山川郡邑。兼通醫經命算之雜術兮。旁及野乘稗官之小說。綜生平之博涉兮。皆鈞玄而通津。訓詁參稽於許鄭兮。性理篤守乎濂閩。余利斷金於同心兮。沿討無間乎夕晨。偶忘形而諧謔兮。面爭無害乎斷斷。君每愴悅。懷恨兮。久乃病乎瘳。風輕銖寸積累兮。時苦羽尾之譙儻。余擁專閫之虛尊兮。無

由處君以潤膏。雖假館以相益兮。曾何濟乎清齋。而君幽蘭自芳兮。不易素心。白璧自完兮。不欺寢衾。入斗室而稽古兮。出廣坐而談今。獨憂世變於滄桑兮。亦悲道喪於人禽。陽九會已當厄兮。野有玄黃之龍血。聽風聲而鶴唳兮。數款款而陳策。初主見幾而決行兮。繼議保近邑之城。垓方一戰而振軍聲兮。箠厚犒以與將士結。余從違各有擇兮。君諒我義可成仁。相約我同自裁兮。期免波累此編氓。余謂殉城乃守臣職兮。何牽及於鼻賓。既諄切以相諷止兮。轉付託以家人。願言之相期兮。事乃相反。夜猶與君對話兮。曉已紛呶乎哀輓。余方危坐而運籌兮。廳城兵而守塹。旋及土崩瓦解兮。思飲砒投纆而爲衆捍。已不自戕人又不害兮。欲從君而莫由。念慈閣桑榆之景兮。乃黃冠而歸故邱。曠良朋之邈山河兮。經風雨霜露而心愀。君窺窅於循州湖畔兮。果何時返乎湘州。自宗社之成墟兮。易冠裳而變正朔。公侯捐恩如土芥兮。衰衰安乎長樂。而君乃一命之士兮。臨大節而不奪。中國一人兮。高風誰與埒。余踐宿諾而未能兮。非敢負君之明。曾爲懇恩卹於先朝兮。已革故而鼎新。痛無以恤君之嗣兮。又無以揚君之名。似平昔與君之憂危。一一皆前定兮。又似醉夢而非其

真。乃。復。歌。曰。
君。之。令。祖。森。勁。節。今。君。繩。其。義。尤。烈。些。君。學。有。用。不。遇。時。未。老。遽。喪。文。與。斯。些。堯。舜。
周。孔。道。將。絕。君。死。傳。否。誰。能。決。些。我。能。知。君。猶。負。君。况。不。知。君。混。玉。珉。些。有。清。二。百。
六。八。載。僅。留。一。君。為。士。楷。些。後。恐。剝。果。並。無。存。乾。坤。兩。才。任。且。昏。些。君。如。無。靈。不。欲。
死。誓。與。斯。世。同。譎。詭。些。君。必。有。靈。知。我。悲。不。僅。悲。君。悲。世。夷。些。

孝廉方正鄧君墓誌銘

岳陽李澄字洞庭

君名振岳。字樹峯。岳陽楊林人也。其先江西人。元季有成七者。自南昌遷巴陵長湖。巴陵今岳陽也。孫廷瓚明左都御史。贈太子少保。諡襄敏。建專祠郡城。其裔爰居郡城南。號襄敏里。清三藩之變。吳三桂有兵駐岳。成七之十二代孫瑀始遷楊林栗城。冲四傳至達交。又遷楊林市。達交生德仁。德仁生全英。嗜學早世。全英生學愈。即君父。痛母守志。輟讀養母。遂服賈。君生數歲。聰朗異常。塾師以翰苑許之。學愈慨然。曰。送讀始意。豈在此。後聞方君山先生倡洛學。敦倫礪品。命就學。越六載。凡先生以身教。以言教者。嘿爾翁受罔敢怠。歸之日。事親親歡。教子弟。弟悅。雖嘗入縣庠。

文 苑 文 錄

LI X 92

食廩餼。惟言動非禮。是懼。未始磨意科名也。嘗曰。學以制行。要必順乎理。安於心有裨斯世。學如是。教如是。烏。康。迥已。清宣統嗣位之歲。詔選孝廉方正。衆舉君。太守魏景熊喜得其人。勸赴省驗看。以母老不赴。辛亥鼎革。盜讎起。莫敢問。君與耆老諭良善毋和。盜漸孤。官軍至。殲厥渠。禍遂已。舊俗有號案戲者。大抵十數村。輪年事一神。至某村。則擊鼓索優相譙樂。雖頗近古。昔賽田祖遺意。然叢賭謀盜。爲害烈。君集衆禁制。以厥費建廟興學。至今利賴。又鄉積穀漸不實。歲饑。貧戶貸穀。不可得。君起按理之。始僅二十餘石。越十載。乃近三百石。此事之顯於鄉黨者。族譜久未修。奉父命治譜。年老者識者就商。惟謹。或訓費則代納。又君從弟某幼喪父。學愈教養。若已出。旣長。析居。畀田宅二之一。君承父志。無後言。某旋失業。不時周之。恐微傷父意。每子孫侍側。君必諄諄舉父訓。爲戒。謂家興盛。在和而久。長在仁厚。貴勢炫赫。毋慕也。者。艾後。以母老。不忍須臾離。偶出慶弔。恐母望不暮。輒返。問寢侍膳。尤數十年如一日。此事之信於宗族者。夫處亂世。能爲黃叔度。郭林宗。皆不易。君澄之不清。撓之不濁。近叔度而所爲尤與林宗使惡者自新。善者益奮。消禍於無形。造事於不覺者。若甚。

合也。不謂之君子得乎。君生清咸豐壬子歲八月。卒民國己酉歲四月。春秋六十有八。葬道觀墩。巽首乾趾。妻張安人。後君一年卒。子四。兆麟。太學生。兆黃。縣諸生。兆蓮。兆祥。均業儒。女三。適周。適方。適劉。孫八。曾孫六。君葬既六載。兆黃茂才具狀乞志墓。乃爲銘曰。

世不能治。無亂兮。人豈有善。而無惡。貴默。挽而潛移兮。迹獨善。其焉作。君踽踽。非弋後譽兮。台是銘。猶妄作。

陳節母周夫人傳

長沙陳繼訓杏驄

夫人新化周海屏翁女。自幼溫敏而裕。年十八。室於同邑陳薪夫府君。府君與其兄。慈利教諭石擊先生。並負雅問。學博多能。擅分隸。畫山水。邃於法度。頗似王煙客。性竺孝。本荐廷翁子。出後叔父緝齋翁。緝齋早逝。事嗣母姜太君如所生。夫人儼沒同心。承歡曲謹。太君寢疾數稔。凡櫛沐飲噉。及壹是藥餌甘膳之屬。躬任操作。不假嫗婢。未幾太君卽世。府君以毀患。崩血。夫人炷香籲神。訪醫問藥。走數百里。忘其艱遠。無何所天。竟不祿。遺孤裁數齡。夫人年卅六。辟拊不欲生。憂絕者再。家人資撫孤。始

第十二期

進淖糜。治喪如制。然自是餘十年無駸駸之容。布衣荆綵。以禮自持。雖已及耄。其次孫自北平歸。獻狐貉。斥勿御。曰。吾耐寒。勿用此蒙茸爲也。歲壬子。教諭君勗設玉先公會。贍族之窮乏者。夫人蠲田如千畝。以成厥美。辛酉大旱。指困振荒。趨趨不啻已饑。嘗謂勺米寸縷。所施雖微。偷人人踵興。則調漑溥矣。烏可以善小而不爲乎。卒年六十又四。子能詮能訐。孫顯儒。燾清華大學化學學士。美國依利諾大學化學碩士。顯修肄業雅禮中學。顯偉顯健顯仁。曾孫二人。燾與余兒次庠同教士。湖南大學。乞爲傳。

陳繼訓曰。馬遷傳貨殖。揭彘智仁勇彊尙矣。顧攬錄清寡婦。竊嘗疑其不倫。旣而觀其繫辭。曰。寡婦能守其業。用財自衛。不見侵犯。始皇以爲貞。爲築女懷清臺。禮抗萬乘。名焜天下。然後知史嘉其善治生。正著其節之所由固也。吾聞陳氏故豐羨。汔於夫人。勤積儉蓄。家益不訾。雖治生之效。未知較清何如。要之釗亂更劇於秦。而夫人慘澹撻掘。不蹙愈進。非智仁勇彊兼具。其何能任。蓋必如夫人者。而後可以託孤。可以寄命。可以臨大節而不能奪也。烏虜。豈今之人哉。豈今之人哉。

周曼三家傳

湘鄉顏昌曉息庵

民國紀元十餘年間。湖湘赤盜滔天。農工椒擾。茶攸瀏醴中。賞之家橫被摧殘者衆矣。而如周君畏三昆季。其遇禍尤烈。蓋君兄弟三人。伯兄宣猷。曾以學博官冕訓導。茶陵縣議會議長。仲光。宣光官永順推事。君雖未仕。而承先世遺德。樂爲善行。乃見伎于罷民。曠君家爲奇譏。而君友愛篤至。癸亥之歲。伯兄被掠。君痛哭彌日。傾家贖歸。越四年而家燬于寇。盡室在逃。君歸自伐林木。併仲兄之宅而新之。曰非此無以慰先人。又三年庚午六月。赤匪陷長沙。潰而南竄。是月晦日。君及伯氏俱被擄至蓮花廳匪窟。未幾。伯氏病歿。君號泣臨匪前。乞歸兄櫬。匪爲心動。既而不許。君憂傷憔悴。以其年十一月下旬。沒于永新之高坑。越歲丙子正月十六日。君之子名輝。始獲歸。君及伯氏之喪。卜葬茶陵某山之原。禮也。君諱吉猷。字畏三。晚自號守拙。先世自蓮花遷居茶陵之河塢。遂爲茶陵人。曾祖清章。以農起家。雄于賞。祖慶元。父豐城。君爲人狀貌魁偉。願身嶽立。少聰穎。讀書寓目成誦。諳史事。爲文未嘗起艸。屢試有司。不第。時論惜之。天資仁孝。篤於內行事。父母先意承志。所欲必遂。御下以寬。與人

文苑文錄

十三

溫和有禮。茶攸居。南北戰爭之衝。君常于湖口觀道。旁羸卒戰慄求食。問之。北人也。憐之。解身上外衣與之。且資之金。曰。汝歸。戮力農事。猶不失為良民也。己己之歲。涿江水漲。漂没人畜屋廬。尸橫樹枝。蘆葦叢者甚夥。君命工人作薄棺一。掩埋之。又嘗取家中積年債券焚之。而告於人曰。吾家債券盡焚之矣。冀見諒於人。而君昆季竟罹患難。以死嗟乎。此柔桑詩人所為。致慨于民之貪亂。寧為荼毒也乎。名焯。介門人。顏星瑩。來學於予。端士也。狀君行乞為之傳。其詞摯且誠。君於是乎有子為不死矣。乃次其事而傳之。

千草亭記

前人

人生不過百年。而傲精神於蟲鳥。迹文工墨。妙之役。冀倖萬世不可知之名。豈非天下之至愚哉。然且為之而不捨。非是而不樂。此非精神氣烈之充溢。結轡非有託於物而不紆者乎。乃知無所託而氣和者至人也。託於有益以平其氣者。君子也。託於無益而有損者。則誠愚惑之人耳。王右軍晉代豪傑之士。謝安蔡謨溫嶠之倫。洪景廬稱其操履識見。當世罕匹。而為書名所蓄。藝之為累大矣。吾謂右軍不託於書。

與當世功名之士相馳騁。所成就當不過謝安。蔡謨。溫嶠。安能師表。後學為書家宗。令兒童走卒知名也哉。吾友陳君王林。官大理有年。案無留牘。而非性所樂。官事餘閒。輒寓情於翰墨。耽吟咏而工章草。永師張顛醉僧。皆若神契。興之所至。揮翰如飛。驟雨旋風。驚蛇走虺。奔赴穹下。一篇既出。昏摹石鐫。流傳都市。膠西柯叟。稱其書集各家之長。而自成一體。義寧陳散原老人。謂能用其所長自娛身世。緜古人墜緒。使不絕息。洵哉其知言也。君歸隱田園。卜居孔廟之南。左右偏隣。茆簷瓦屋。田池竹樹。相錯列。稱高人之居。乃於宅後建四恩精舍。為臨池淨修之所。舍後作亭。刻所草千文於石。題曰千草亭。屬予為文以記之。予惟君自託於書。以據胷中邁往不屑之氣。其高情逸致。抗懷物外。不為人役者。有似乎晉之右軍。而無右軍墓前自誓之憤慨。今而修植桑果。遊觀田里。率諸子抱幼孫。銜杯引滿。頤養閒暇。亦與右軍同。茲亭之作。其令後之人瞻君遺墨。尙能想見君風骨氣韻。邈然寬儔。翹然自得之樂也。豈惟區區博草聖詩人之稱譽已哉。

說文演例敘

文苑 文錄

長沙羅 傑睡庵

十五

25 X 17

第十二期

至盛之世。聖哲宰焉。無爲而成。不言而化。所謂離心緣離文字。離語言而各正性命者也。社會齒繁。人我交觸。而教與記判之事以起。結繩畫卦。以爲未足。於是仰觀俯察。肖形示事。名之曰文。衆物萌生。表忠表名。恆苦無代。遂以此獨體形。益彼獨體形。滋胎浸化。以別於文。遂號爲字。是卽蒼頡所造鳥篆。書之古字者也。姬周代商。太史籀更廣衍之。是爲籀文。亦曰大篆。平平古道。魏繩峻德。悉燦於茲。七國凶凶。諸侯角政。風氣語言。不復統合。而文字亦各各變異。始皇混一。以不協秦書。李斯因而損益。號爲小篆。未幾程隸勃興。人趨苟便。篆體之學。幾乎熄矣。東漢之季。召陵許氏。憫世道之衰頹。悼古學之凋喪。慨然以守先俟後。自任纂說文解字一書。凡籀篆古文。先聖先賢所託。以傳心迪世者。胥在乎是。可謂漢學淵泉矣。魏晉六朝。二草八分。雜以隸體。省減不根。斯學又幾中絕。唐李冰陽氏。遠紹斯篇。不斬如縷。五季炎宋。大小二徐。伯仲競爽。爲許勳臣。大體宏軒。不無微駁。歷元明及清。漢學蔚然。小學稱茂。民國建元。維新之士。侈矜西學。先民博粹。闇焉沉寂。夫至德要道。齊治均平之術也。文字猶之輦也。有國家者。苟不欲以道德感斯民。則已如欲以道德感斯民。舍文字安

有載。輸道德之資。今之言西學者。肆西語以為知彼之梯航。言漢學者。舍許學而誰屬哉。漢學浩如瀛海。未有完書。惟說文幸。貽全帙。大學為文章淵藪。是箸為漢學魁樞。某少窺門轍。衰疾善忘。鏗鏗講席。何敢濫尸。然斯文絕續精神所寄。未忍遽謝仔肩。用襲梁庚儼默注。演說文。清王貫山撰說文釋例之意。併曰說文演例。劃類有十。曰說文述最。曰六書晰釋。曰許學師承。曰二徐同異。曰部居述概。曰形例舉隅。曰義例舉隅。曰聲例舉隅。曰三例通說。曰諸家派別。識塗老馬。略趁鞭絲。如志專精。努力深造。

讀湘綺樓全書

長沙李肖聃

湖南學術盛於近世。明清兩代。乃有四王。船山於易尤精。九溪考古最悉。葵園長於史學。湘綺號曰儒宗。其所論著。于經有周易說十一篇。今古文尙書箋二十九篇。詩補箋二十篇。禮經箋十七篇。周官箋六篇。禮記箋四十六篇。春秋公羊何氏箋十一篇。論語集解訓二十篇。爾雅集解注十九篇。尙書大傳補注七卷。夏小正注一卷。逸周書注七卷。穀梁申義一卷。於子有老子注一卷。莊子內篇注七篇。雜篇注二篇。墨

文苑 文錄

十七

子注七十一篇。關冠子注一卷。寫定孫子十三篇。於史有湘軍志十六篇。桂陽州志十七篇。衡陽縣志十篇。東安縣志七篇。湘潭縣志十二篇。王氏族譜四卷。史贊十七卷。論夷務書若干卷。日記若干卷。於集有楚詞釋十篇。附高唐賦注一篇。湘綺樓詩集十八卷。杜若集二卷。夜雪集一卷。後集一卷。七夕詞一卷。湘綺樓詩外集二卷。文集二十六卷。外集二卷。詞鈔一卷。其選錄者曰八代詩選二十卷。唐詩選十三卷。唐十家詩選十六卷。漢魏六朝文選若干卷。別有王志四卷。賤啓八卷。其有目無書。及成書未刻者。尚不在此數也。翁稟上哲之姿。述前聖之業。學窮道奧。德應昌期。際運代之屯艱。託玄思於素業。詩披神霧。補北海之長箋。書定禮堂。著曲臺之後記。其於公羊之學。尤闡助公之微。井研衍其師傳。南海襲其緒論。晚清季世。巍然大師。雖天官妄肆譏評。而楚學實成宗派。蚺蟬撼樹。輕薄爲文。徒自多其品名。曾何傷於日月。此其經學之湛深也。君子之道。或隱或見。聖人之行。一龍一蛇。道隱小成。學迷玄象。問禮。禮於柱下。訪道。忽乎七篇。惟翁泯物我之大齊。明儒墨之相用。蟬蛻汗泥。蓬累而行。德既充符。道宜應帝。德機既杜。天倪以和。逍遙大化之中。游戲人間之世。指白

25X11

非馬其道猶龍滑稽玩世莊諧雜出足使諸鄒杜口曼倩降心天下奉為談宗墨尾揮其玉屑則其道術之玄深也

翁惘悵鴻筆寢饋麟經以為秦來文宗世推班馬殫精史漢奮志纂修久放浪于江湖未迴翔於玉署自撰軍志張我湘人紀會侯以紹當陽述籌餉而師平準較彼朱

敏王安所造實乃雅俗區分其他桂陽衡陽之書湘潭東安之志皆斂雄才于方紀

納萬變于小篇舊日湘中山水之記先賢者舊之篇較此華章黯然失色蓋邵陽聖

武之記無此偉觀玉池湘陰之圖遜茲雅韻斯文史裁之麗密也

湘州文學始盛東京典午以來唯傳羅李歐陽僅以書著茶陵稍用詩名清代則王

魏揚聲鄧曾並美翁生含秀質天挺人英天才自高工力交至擬昌谷高軒之過早

成薄命之詩當士衡入洛之年能續蘭成之賦藉其聖童之譽巍然詞伯之稱固已

增湖湘之景光留江山之高韻及乎圓明詩出壓元相之連昌秋醒詞成過東坡之

赤壁以及狀剛直彭公之行為伯元叔績之傳文筆清嚴華實並茂足使文儒俯首

宿學傾心湘中稱名士無雙海內號勝流第一雖越縵薇蕨或肆他端之毀而江河

萬古何損文章之名。跡其樹義之神。出詞之雅。日光玉潔。周情孔思。卿雲之後。僅見斯文。唐宋以來。無此作者。蓋翁以文若之逸才。勤伯業之老學。復治中培之經術。享伏勝之大年。卓然大成。夔絕百代。此卽居離異域。生不同時。猶或聞聲而相思。觀文而遙契。而况鄉里後進。追隨仗履。晉接音塵。親讀叢書。叩聞口說者乎。本念庵之遺意。署後學以拜陽明。思退之之狂言。非仲尼不稱弟子。敬述其略。以告鄉人。

題胡節母夜紡課經圖贊并序

邵陽盧 質泮山

湘潭胡君作鏞。以所製節母夜紡課經圖見示。且曰。作鏞幼而失怙。賴母氏苦心課讀。幸得成立。今老矣。而母又棄養。迴憶兒時。侍母夜讀。猶恍然機聲之在耳也。今製此圖以誌不忘。子其爲我題之。爰作贊曰。

胡于湘潭。系出文定。五峯肇遷。道術是正。子姓繁衍。世載其慶。鏞也敦篤。克孝以敬。長養於母。勤學好問。母氏勞苦。躬代嚴訓。五夜機聲。啞啞相應。兒旣睡矣。母喚之醒。兒旣惰矣。母加以儆。繫母愛兒。願兒作聖。弗願兒嬉。惟勗以行。鏞拜稽首。曰。惟母命。遂通經史。旁獵聲韻。掉厲文場。規撫先正。今且老矣。學猶日進。迴顧髫年。室如破甑。

兢兢在疚。匪母胡振。形影零丁。寒窗燈檠。此情如昨。此恩難罄。圖以誌之。朝夕溫清。後嗣念哉。是則是順。

此稿係節孝文字。例應列前。因胡君作鏞已將所徵題咏。節母夜紡課經圖各詩。文刊行。惟慮君冲山贊語。以故遺失未寄。茲檢出。值本報文苑欄付印將完。故載

篇末。編者識

詩 錄

船山先師誕日釋菜詩

長沙蕭昌世

霍山嗟。峨通。脍。蟹。天。颺。鼓。盪。雲。容。和。篤。生。賢。哲。鎮。綱。維。曠。代。高。風。深。景。仰。明。儒。氣。節。爭。嶙。嶮。惟。有。先。生。更。侷。居。鄉。咸。知。有。道。名。救。世。常。進。忠。言。講。甲。申。變。後。觀。我。生。欲。挽。狂。瀾。伸。巨。掌。勤。修。學。業。矯。庸。庸。念。切。民。瘼。關。痛。癢。著。書。何。止。等。身。高。二。百。餘。年。方。振。響。梨。洲。亭。林。許。韻。頰。後。學。聞。風。資。模。倣。嶽。雲。湘。水。鬱。蒼。蒼。禮。崇。釋。菜。宜。吾。黨。九。月。朔。逢。攬。揆。辰。溥。寒。水。清。天。氣。爽。椒。漿。桂。酒。陳。几。筵。鮮。果。時。花。供。薦。賞。肅。瞻。遺。像。精。誠。通。篆。鼻。香。煙。直。騰。上。吁。嗟。乎。方。今。時。局。幻。風。雲。大。雅。遺。型。委。榛。莽。修。齊。平。治。噉。汪。

文苑詩錄

三

文苑詩錄

三二

儒。哆。口。鼓。唇。逞。狂。蕩。安。得。先。生。一。振。贖。而。發。孽。策。循。正。軌。無。欺。罔。學。術。治。功。非。兩。途。不。徒。開。來。兼。繼。往。

前題

瀟溪廖名縉

衆。愚。寶。形。骸。役。役。生。老。病。帶。索。榮。啓。期。百。年。終。有。竟。至。人。寶。性。真。身。外。有。生。命。此。命。無。曆。算。修。與。天。地。巨。衡。陽。傳。口。說。鄉。耆。能。記。證。三。百。年。我。賢。五。百。年。我。聖。此。語。詎。云。夸。自。信。夙。所。定。尼。山。作。孝。經。絳。衣。告。斗。柄。子。與。推。名。世。五。百。知。所。應。世。難。誰。能。期。要。以。道。力。勝。攫。寧。寧。不。攫。天。爵。我。爲。政。危。疑。生。死。交。欣。愉。在。心。性。千。古。此。淒。馨。百。聖。相。持。贈。勿。謂。先。生。往。康。時。道。方。孕。幽。光。出。衡。嶷。漸。與。秋。陽。瑩。我。欲。壽。船。山。樂。神。非。笙。磬。關。學。傳。千。嶺。知。禮。成。厥。性。二百年以我爲賢五百年以我爲聖船山先生正命時遺言也衡湘父老至今傳之

前題

平江吳光瑚

者。老。淵。前。明。時。危。憂。學。絕。正。氣。存。兩。間。艱。難。貞。苦。節。嗟。哉。子。王。子。運。會。遭。凌。蔑。賊。氛。逼。京。師。宗。社。驚。崩。裂。北。望。一。揮。淚。傷。心。國。祚。滅。桂。藩。擁。粵。西。行。人。職。就。列。無。何。瞿。留。守。嚴。少。傳。死。大。局。不。可。說。返。我。石。船。山。樓。居。形。影。子。橫。渠。正。蒙。書。考。求。獨。契。悅。道。

續數百卷守道志孤潔何期柘原翁表揚潛德熱後學有津梁我亦羹牆切際茲誕
祭期薦誠蘋藻設羅拜遺像前秋風殊凜烈英靈其在旁俯仰懷鬱結

驛柳四首用船山先生韻

寧鄉張銑壽荃遺稿

踈地含煙復曩晴長亭七二費逢迎亂鴉古樹爭寒色班馬秋風帶別聲萬古興亡
悲漢苑幾人征戰老臺城劇憐攀折年來苦依舊青青繞塞營
萬里蕭關欲寄衣閨中又見翠成圍樓頭砧杵隨風遠月裏關山有夢歸南內草荒
春燕去白門煙冷夜烏飛灞橋歷盡傷心地渺渺離魂何處依
古驛蕭蕭黯夕陽那堪送客更他鄉笛中春盡天山雪浦口秋生灞岸霜公子章臺
調馬路少年寒食鬪雞場天涯日暮征人遠極目長空有雁行
閱人青眼古邊州十里長堤易惹愁到處旗亭留客子舊時第宅憶王侯江潭搖落
歸何晚潯水東西暮更流來往依依官道迴萬條煙雨不勝秋

書劉孝女事略後

通州孫傲

四姑四姑雖女輩孝思縷縷由天資母久不慮心欲碎禱於神前以身代一以身代

文苑詩錄

三

母。不。瘳。四。姑。焦。思。愁。更。愁。割。臂。利。藥。亟。亟。投。血。漬。襟。袖。心。願。酬。二解。母。服。女。藥。病。尋。
 瘥。女。體。素。羸。今。益。憊。母。能。長。生。志。崇。拜。自。問。不。惜。形。彫。瘵。三解。母。探。女。病。問。何。創。母。撫。
 女。臂。更。悲。傷。堅。囑。勿。洩。意。徬。徨。孝。女。之。孝。久。愈。章。四解。孝。女。病。劇。合。呻。吟。呻。吟。唯。恐。傷。
 母。心。寧。使。呻。吟。不。出。口。此。心。迺。能。慰。父。母。五解。有。布。願。為。父。母。禡。某。物。或。為。母。衣。裾。此。
 後。兩。兄。服。事。勤。女。在。泉。路。亦。欣。欣。六解。

陳杏聰農部以其祖慈松貞竹孝圖徵題 長沙黃昌年杼輿

黃鶴不雙幾朝夕存統撫孤猶一脉天為節母下玉册松貞竹勁壽金石

杏聰農部宗兄屬題松貞竹孝圖 義甯陳三立

松筠偏與雪霜宜門祚當年一髮維陰教汚隆繫邦國危時及見典型垂

夜紡課經圖題詞 長沙彭清藜少湘

慈訓安能一日忘課經常在紡車旁荻灰欲共兒心熱燈影彌增母節光提命早知

期望苦邁征今與歲華長嗟余回憶床頭拜清藜幼時自塾歸母病在床向床前手

捧栲栳益感傷

25 X 10

嶺 山 學 報

前題

一燈青冷夜三更。歷歷書聲。窗紗聲。矮屋荒寒。荻畫意。圖成容恐未分明。修名終竟報慈仁。故卷塵。望涕淚。新棖觸。攤書機。影夕白頭。今日負恩人。

湘鄉蕭仲祁理衡

前題

蠶。散。節。母。胡。爐。燻。北。堂。隅。機。緯。搖。蟾。影。熾。紗。護。鳳。雛。冰。霜。孤。夢。冷。茶。葉。半。心。枯。願。陸。丹。青。手。艱。貞。畫。得。無。

長沙陳繼訓杏驄

前題

泉。魚。風。木。久。增。悲。苦。憶。北。堂。課。讀。時。軋。軋。機。聲。相。應。和。熒。熒。燈。影。傍。尋。窺。日。禪。常。拜。甘。泉。畫。章。母。猶。留。緯。幔。垂。詩。禮。一。門。綿。世。德。吾。宗。今。仰。女。宗。師。

湘鄉胡子清少潛

楊生浩存挽歌

周逸

盜。跖。幸。長。壽。顏。回。慘。華。年。理。數。不。可。知。裴。徊。欲。問。天。汝。死。固。可。哀。汝。才。更。堪。憐。後。起。乃。陶。秀。青。年。慕。高。賢。何。為。味。拂。衣。跋。涉。歷。幾。千。雞。鳴。適。風。雨。志。遠。窺。山。川。天。涯。徒。契。闊。歸。櫟。終。淒。然。遺。有。雙。雛。鳳。萬。事。稱。完。全。憶。昔。汝。來。訪。適。奈。北。窗。眠。入。坐。出。一。畫。開。

文苑詩錄

二五

言致拳拳一別不復見人間。隔黃泉。我欲倚樓望。江樹生秋煙。

湘潭吳 熙劭之遺稿

鈴說四首示昭潭書院諸生

時髦多雋才。詞賦有同嗜。讀經惟恐臥。太羹淡無味。弱齡耽樸學。聰明乃絕世。本質既滋培。枝葉不勞漑。尼山善誘人。詩禮三致意。後來毛鄭興。傳注存古義。大哉通德門。三禮諸儒冠。作注如作經。字字洪爐鍛。喪祭尤精詳。後儒憑論斷。學者攬其全。經術思過半。羣經情趣殊。實與禮一貫。諸經皆可中材精力微。慎毋驚泛濫。春秋擇公穀。尚書先貢範。 感意讀尚書當先易道最闕通旁門。衍離坎後人注者多。鯀生則豈

聯

第十二期

讀書不識字。何由通訓詁。訓詁且不明。說經無乃謬。紛綸浚長編。六藝此淵府。我皇尊大師。美報隆兩廡。振起士林風。驅之使嗜古。乾嘉諸老翁。殷勤善鑽取。許書乃舊畚。子孫受諸祖。年年穫且耕。猶有未墾土。曾文鄒助學。識高轉注立。專部此論發於錢氏大昭沈蕘千百年。暗室來一炷。假借字之用。戴震段玉詳剖別。豈知造字初。義例出倉頡。略舉寡與咸。一。部寡少也从宀。从艸。艸分賦也。故曰少。頡本訓大。頡而假借為象。以成寡之義。口部咸皆也。悉也从口。从戌。戌悉也。戌本訓滅。而假借為象。以

以成之義又案悉盡也盡則其他可憐徹吾則稱六書其一無乃缺鄙人辨此論
自謂頗不拙六經逸字多不應遺採掇傳寫脫形聲竄亂買解說葫蘆無真本安得
臆解結金壇固精鑿斷亦專輒以段注盛祭酒不復生掩卷每愁絕要當作諍臣

古人亦心折能知許君疏認方可謂通小學

治禮首宮室讀史先地輿地輿不通曉妙處終茫如史家有書志問津此其途兵刑

河漕鹽囊括大用儲揚雄雖僭妄未敢擬春秋紫陽勇自信朱子在宋儒中最善讀

議疎水書原優一朝數大事首尾具本末左專通鑑宋元明三書而詩傳綱目實多可

先撮史學有精華論人徒淺術事後易譏評胡為輕奮筆况乎據列傳列傳多不實

不精於乙部者必不識論古人

宋人好高論文章不苟作幽閨信貞潔恆幹實纖弱誠發宋士人太戒惟文體則

書西銘之屬何問其所以然蕭選束高閣唐賢精選理氣勢遂磅礴八家有雄師為

伍胡與噲長揖對柳州昌黎當一拜為商所讀書請劃唐為界愈古格愈高周秦導

流派莊屈管荀韓一通沆瀣兩京及六朝美炙皆可嚼氣味嚼匡劉才豔獵徐庾

文苑詩錄

25 X 10

風。神。外。流。若。骨。力。中。蒼。古。鳳。皇。不。常。鳴。幽。鳥。時。一。語。洋。洋。三。百。篇。勞。者。言。其。苦。貧。士。坎。壈。纏。氣。鬱。不。得。吐。儻。非。宣。以。詩。愁。殞。骨。已。腐。苦。吟。得。佳。句。快。若。沈。疴。愈。乃。知。九。轉。丹。卽。在。四。聲。譜。

攜幼子際同黃丙齋善孝廉登萬樓

前人

記。得。兒。時。載。酒。來。吾。翁。提。挈。與。登。臺。道光庚戌先學錄君攜余隔江山色今猶昔登此樓距今三十有七年矣赴海湘流去不回。一代風騷諸老盡。湖旁有岸花亭陶園詩老及兩百年懷抱幾人開凭闌欲話傷心事。譙鼓西城日暮催。

王闓運佚稿

題賓小航册頁

清。霜。靜。晨。樹。空。館。坐。蕭。疏。逝。雁。行。看。遠。孤。雲。意。有。餘。絲。梧。雙。釣。石。紅。葉。一。床。書。世。外。雖。無。事。勞。君。素。訪。予。

羅時雲參事碧血禪并序

瀏陽劉人熙良生遺稿

大漢反正、民國初元、君以清資政院議員、過南京被刺、昏眩時、長沙妻孥見君還家、覓不可得、洒血於寢室帳中、得耗意必死、而君竟生、民國五年、君供職法制局

參事相晤京邸。索題此詩。
碧血猶留舊。褻衣人間天上未。淒迷扶危。豈免參和議。愛國焉能杜德機。千里歸魂。
依骨肉。萬金良藥起瘡痍。痍天如不死。誰能殺太息。裴公賊斫時。

前題

王芝祥

太史簡董狐。筆擊賊笏。渡江楫物。以人重價。千鎰都是。長安血。化碧羅君之禪。亦其一。武昌龍戰。血玄黃。猿鶴蟲沙。紛狼藉。泰山鴻毛。未論定。長江大河。血同滴。吾兄不。死天所益。平議憲法。起跋躓。

題覺非寺落成寄祐初

湘潭趙啓霖芷蓀稿

華嚴彈指已。崔巍夢裏誰。教四字揮塵。世到頭憑了悟。覺今非。是昨非。非。昆明劫火苦難言。小築精籃避萬喧。當日衆生憔悴甚。無邊功德給孤園。

趙正蓀侍御於覺非寺落成後八年補寄楹聯並繫以絕句二首次韻

奉和

湘鄉廖樹勳祐初

靈光自昔仰巍巍。更喜高文爲我揮。蘇白三遊傳勝蹟。古今莫辨是耶非。

亂世誰能作正言。翻雲覆雨市朝喧。一編坐對昌山老。賸有逃名栗里園。

昭山

前人

十年重到此風景。故依然。碎石臨江鎮。波光湧月圓。片帆飛鳥過。大壑老龍眠。最好

山頭樹。葱龍拂曉煙。

古寺聳山巔。危巖障巨川。雲深迷鳥徑。燈小隱漁船。田野千疇闢。兵戈萬竈連。天寒

聞戍角。哀此亂離年。

題陳壬林夢榴堂詩集

前人

卅年東北久。胸拓海天清。感世多奇句。思親有至情。一官難束縛。大道自堅貞。不藉

詩名重。詩偏倚馬成。

夢榴紀前因。揮毫自寫真。關河鳴劍俠。歲月老風塵。本有英雄氣。偏甘淡泊身。年來

傷世變。古調幾沉淪。

題自畫山水雜詩

錄白癡詩集

湘陰陳嘉會鳳光

我從陽朔看山後。胥次雄奇更一鄉。怎奈筆知離別苦。畫來猶是憶瀟湘。戊午隨軍退湘南經

25 X 11

報學山船

李桂初至粵為
小溪畫扇

隔岸晴煙鎖翠垂。柴門臨水竹為籬。魚羹不用將錢買。自向江頭理釣絲。

江上孤亭野色開。秋風紅葉委蒼苔。獨憐此地無車馬。可有幽人晚眺來。

風物初秋柳未凋。岸邊蘆葦已蕭蕭。扁舟一葉游何處。欲過西湖第六橋。

水淨沙明曲曲新。茆亭磯畔少行人。迷離煙樹漁莊出。一路名山即富春。

水邨山閣半迷離。占斷人間一段奇。獨坐不知是何世。此心唯許白雲知。

亭邊山勢壓崔嵬。隔水人家沒野苔。沙脚蠶頭之字曲。輕煙晴翠繞溪洄。

一角茆亭壓碧泓。幾叢灌木醜春晴。朝來霧濕前溪路。不見高人挈榼行。

一松翹秀色青青。根底年深長茯苓。更有好山看不足。隔江烟景入茆亭。

鼎湖山上青松樹。個個臨流夾澗隅。偃蹇多姿難得似。寫來聊補歲寒圖。

真和尙畫絹本堂幅。趣。住。畫。為。張。小。幅。亞。農。日。除。鼎。

荔支灣畔雨絲絲。坐對佗城向晚迷。客有憂時聽不得。一燈如豆酒醒遲。

雨。圖。橫。幅。溫。叟。畫。珠。江。聽。叟。淮。陰。詩。人。也。

文苑詩錄

三十一

棧。枿。荒。樹。澹。秋。亭。隔。水。烟。巒。復。淺。汀。恰。似。洞。庭。湖。畔。坐。醉。時。忘。卻。是。丹。青。為李小溪畫秋林亭

彈。罷。琴。聲。又。水。聲。山。人。心。與。水。俱。清。綠。何。卻。話。當。年。事。話。到。杞。園。無。限。情。為劉霖生畫堂

破。陀。攀。石。鎖。幽。巖。竹。樹。亭。邊。起。晚。風。隔。岸。陣。雲。飛。不。斷。青。峯。如。劍。割。寒。空。為李小溪畫

戎。馬。倉。皇。出。走。艱。後。軍。又。報。棄。雄。關。算。來。只。剩。哀。時。淚。灑。遍。湘。南。千。疊。山。為李小溪畫

百。戰。先。鋒。劉。武。威。路。傳。消。息。太。淒。其。寫。來。不。是。閒。風。月。流。水。猶。聞。下。瀨。悲。為李小溪畫

一。亭。秋。樹。照。紅。霞。隔。岸。輕。烟。護。輭。沙。最。喜。數。山。閒。更。遠。練。裙。宜。着。玉。川。家。為張叔全縣余乘馬過黃沙河後七年乙丑又畫黃沙河走馬圖

南。皮。去。後。講。臺。空。海。內。師。儒。半。道。窮。當。日。春。風。千。萬。樹。幾。株。猶。見。畫。圖。中。為湯子壽先生畫

老。屋。荒。江。雲。樹。奇。閒。來。寫。出。意。離。披。東。塗。西。抹。吾。聊。爾。未。必。前。身。是。畫。師。為居叢生畫

二。十。年。前。湖。院。情。眼。看。陵。谷。幾。番。更。故。人。他。日。同。携。手。要。與。松。陰。話。太。平。為周道腴畫

25 X 10

木崖并序

周逸

宅中有擁腫木頭，高約二尺，徑尺許，古色斑爛，參差莫狀，棄如敝蹤者久矣。同舍某生移置庭中，石榴側，種以七里香、龍舌、虎耳、吉祥諸草，石環水繞，色蒼苔綠，葱勃勃，青翠可掬。歲乙卯，余自京師歸，見而異之，暇時招友人衆觀，羣以為石山，蓋不知木崖也。其得天之厚，迥非凡質比，故賦詩以志不朽。

擁腫曾無入世懷，一株青翠自成崖。幾經風雨悲塵劫，閱盡滄桑傍水涯。枯節已隨明露活，禪心還共白沙埋。散材竟得清閒地，不作人間爨下柴。

蕭仲祁

次前韵一首

雲烟吐納養幽懷，磊砢如棲百丈崖。春漾仇池蘇玉局，月明積水李西涯。西涯家積水潭側

三生結契前身見，一壑能專世慮埋。應記夢中人似蝶，爛柯山下半肩柴。

周逸

自題木崖紀勝圖有序丙子

木崖挺立，清氣逼人，早有詩與序，紀其概略。去冬復植小樹，旁發一株，亭亭植立，崖上萑蒲叢繞，生意盎然。虎耳、艸植之廿年矣，始於今夏開花，歷兩旬未謝，觀者

文苑詩錄

25 X 11

第十二期

文苑詩錄

三四

異之因攝影並紀以詩。
獨立賞清幽。天將異質留記年。詩句在經亂。淚痕收。草色舒青眼。花光映白頭。繞崖嵐翠擁。春氣蕩悠悠。

題花鳥圖

沈霞閣主

春柳拂風前。春花映水邊。依依雙燕子。來繞豔陽天。
綠柳紫燕。羨爾超凡艷。無因富貴驕。神仙堪伴侶。情意兩難描。
牡丹水仙。菊本因秋豔。楓還向晚丹。相依霜露下。點綴不知寒。
黃菊丹楓。山茶花蕊肥。艷色似楊妃。枝間鸚鵡弄。解語尙能飛。
山茶鸚鵡。

次酬釋盒二首

岳陽李澄宇洞庭

舊人今賸幾。爾獨氣常春。夜飲惟邀月。門關不到塵。
夢容莊子樂。鄉敬鄭公身。我亦忘言久。相看意轉新。
故山無恙在。乍見即回車。典欲忘劉季。才偏譽李華。
未宜龍有耳。相勉象無牙。道遠思何極。朱樓倚暮霞。

25 X 10

觀 學 山 船

讀夢溪詩漫書三首錄二并序

前人

夢。遠。西。湖。雜。詠。灑。紙。慧。語。予。最。愛。其。西。冷。橋。與。金。山。寺。僧。對。話。云。為。問。今。朝。何。處。來。明。朝。去。處。可。安。排。眼。前。風。物。閑。如。此。且。共。橋。頭。坐。一。回。將。去。來。今。寫。得。無。罣。礙。無。恐。怖。登。寶。石。山。望。南。高。峯。北。高。峯。云。究。竟。南。高。抑。北。高。雙。峯。各。自。逞。岩。嶠。嶽。雲。倘。有。飛。來。日。蟻。垤。相。看。未。是。驕。高。自。位。置。目。無。餘。子。甚。得。子。虛。賦。意。別。湖。云。年。來。幾。度。此。勾。留。底。事。看。他。未。肯。休。還。是。驅。車。歸。去。好。故。鄉。亦。有。洞。庭。秋。不。願。乎。外。退。然。自。足。非。大。悟。後。不。能。有。此。戲。廣。其。意。得。三。絕。句。

能。忘。小。大。便。逍。遙。海。下。翻。容。萬。水。朝。若。徙。崑。崙。嶽。掛。畔。也。如。衡。嶽。視。雙。高。莫。問。他。鄉。與。故。鄉。休。論。夏。景。與。秋。光。眼。前。風。月。隨。時。有。邱。壑。胸。中。無。盡。藏。

登。金。山。寺。浮。圖

湘。潭。王。剡。伯。良

北。固。高。難。竝。南。徐。近。可。招。雲。連。金。口。樹。風。挾。海。門。潮。帝。座。通。呼。吸。神。州。付。沈。寥。平。生。不。下。氣。於。此。亦。魂。銷。

孤松

前人

文苑詩錄

三五

謾。讓。風。濤。起。驚。看。一。樹。松。參。天。獨。蒼。勁。拔。地。自。葱。龍。幾。壯。山。川。色。難。爲。桃。李。容。高。標。自。千。古。何。用。祖。龍。封。

古石

前人

何。年。一。片。石。結。構。在。南。山。獨。立。難。爲。偶。孤。高。未。可。攀。蒸。雲。氣。磅。礴。炙。日。色。斑。斕。相。顧。還。相。笑。遺。民。與。共。頑。

寄酬吳悔晦

湘鄉顏昌曉息庵

悔。晦。先。生。儒。而。俠。眼。光。有。稜。劍。在。匣。遭。時。歷。險。與。艱。駕。風。鞭。霆。天。梯。躡。詩。成。萬。首。文。萬。言。皓。首。埋。頭。古。編。牒。竭。來。示。我。理。書。篇。譬。措。睡。眼。視。妻。妾。佛。言。五。蘊。皆。是。賊。况。身。外。物。奚。足。挾。吾。儕。偶。墮。文。字。障。終。朝。人。役。增。煩。燥。吮。毫。命。墨。無。已。時。嘔。心。愁。肝。如。病。魔。先。生。胡。爲。謬。推。許。倚。天。拔。地。擬。長。劍。吳前見贈有倚天拔地兩君碑之句憶。昔。曾。承。見。憶。辭。耶。回。平。視。感。心。知。吳前寄示三十七憶詩憶子有新聞而句而。今。萬。事。不。挂。眼。脩。飾。語。言。空。爾。爲。後。之。視。今。猶。視。昔。毀。譽。於。身。竟。何。益。一。例。人。間。飽。蠹。魚。用來詩成句存。毀。飄。零。誰。復。惜。先。生。肝。膽。自。輪。困。我。覺。篇。章。攪。心。魄。不。如。眼。前。日。進。杯。中。物。瀟。灑。幽。閑。送。日。月。貪。噴。

癡去大自在。不懼山前逢李白。

丙子下巳南社同人定王臺雅集拈得並字

前人

蘭亭廢韻事。崇臺登絕頂。緬想漢皇靈。揚鞭九州迴。三楚多秀士。吾王何峻挺。誰言百世下。英風難比並。北顧委塵氛。中原如沸鼎。漫漫惜長夜。靡靡傷彼等。子方害秋稼。豈無傍不肯。皇天輔明德。熱深須拔拯。輿言匹夫責。令我毛骨醒。何用醉流觴。佳節酬酌。努力渡江楫。檢點撻秦槩。倩語律華社。雞鳴光炯炯。

禹碑

邵陽盧 質泮珊

嶽麓之峯神所居。上有雲氣何模糊。巉巖絕巘雜藤葛。猗猗怪石森璠璣。石上字跡大如斗。詭譎不類人間書。代傳此係神禹筆。蟲文鳥篆紛披舉。古今繙譯百輩出。詞乖義舛人人殊。升菴楊氏較明確。其間臆造何曾無。我今刮剔捫波磔。但覺凹突生齟齬。蜿蜒蝌蚪祖軒頤。筆力奇崛難摹。鴻荒墳索既以逸。僅留此跡窺唐虞。在昔洪流遍天下。萬民昏墊愁沮洳。禹乘四載行萬里。胼手胝足焦皮膚。九河既導三江入。驅逐龍蛇放之菹。帝錫玄圭嘉乃績。鐫碑南嶽昭鴻圖。茫茫宙合陵谷變。遂令此

文苑詩錄

三七

石。藪。荒。隅。七。十。二。峯。無。竟。處。林。深。箐。密。藏。榛。蕪。神。物。終。竟。難。久。闕。一。朝。發。見。勞。樵。夫。
 萬。古。名。山。生。光。彩。聲。價。何。止。周。盤。孟。至。今。岫。嶂。一。片。石。海。內。傳。誦。俾。典。謨。是。誰。摹。勒。
 到。此。嶺。點。綴。湖。山。光。聖。模。兩。碑。屹。立。遙。相。望。靈。氣。瀕。洞。風。雲。趨。舊。有。亭。榭。漸。圯。墜。蒙。
 茸。荆。棘。巢。鷗。鷺。風。銷。雨。蝕。日。炙。灼。觀。者。扼。腕。徒。歎。湘。中。達。官。頗。好。事。伐。木。采。石。鳩。
 工。徒。萬。山。朝。拜。擁。簪。笏。百。靈。趨。謁。繁。旌。旗。我。來。正。值。清。秋。節。少。昊。司。令。金。氣。舒。海。甸。
 响。响。載。明。德。北。望。碣。石。南。蒼。梧。傳。聞。黃。流。正。衍。溢。混。合。淮。泗。吞。勾。吳。俯。仰。人。間。一。長。
 嘯。導。河。事。業。今。何。如。

前人

湘江泛舟

雨。洗。巒。阜。出。日。漾。瀟。湘。碧。鳴。榜。越。前。渚。挂。席。趁。飛。鷁。川。后。正。揚。波。湘。妃。方。鼓。瑟。倒。影。
 賦。參。差。浮。光。炫。咫尺。澄。宇。曠。無。外。遠。山。嬌。欲。滴。雲。爪。露。之。而。林。禽。聞。格。磔。境。幽。趣。自。
 深。興。酣。思。益。發。投。竿。獲。鱗。鱗。相。期。樂。今。夕。

前人

擬杜甫詠懷古跡五首即用其韻
 沅。澗。九。派。啟。荆。蠻。大。國。決。泱。泱。漢。間。一。代。文。章。收。楚。局。千。秋。祠。宇。重。名。山。洞。庭。秋。老。

家何在。秦嶺雲深人。不還。鵝鵝聲中懷。故宇。即今哀。怨滿江關。三閩大夫祠。

洛陽年少事。堪悲。痛哭文章百世師。生遇聖明。誠得主死。因絳灌正同時。鬼神何必。

虛前席。井宅猶堪繫。後思千載。才人稱屈賈。後先同傳。不須疑。買大傳祠。

陶公聞葬國南門。公封下長沙。遺囑葬國之南門。墓在長沙第幾村。此日三湘猶血食。當時八表慨。

同昏。蘆灰莫。邊隕堤水。蜀魄難招待。死魂運。巒自關天下事。江東名士總難論。陶桓公祠。

南軒故宅妙高峯。一例先儒祀。聖宮書院有人承。道統子孫無羨。遍湘中。偏安時局。

悲殘宋。克已功。夫勝乃翁。試向城南訪遺蹟。芳名直與晦菴同。張南軒故宅。

五季紛爭事已遙。馬王祠外月輪高。霸圖自足張吾楚。桂海猶聞拓不毛。裨將起家。

成割據。豆箕相剪。陋兒曹。息民保境終賢主。樽酒聊酬捍衛勞。楚土馬殿廟。

長沙陳繼訓杏聽

次韵舍天津楊味雲京卿同部見懷
海濼流橫肯逐波。姓名端合署何何。崢嶸曹部空陳迹。蒼莽秋懷付短歌。藕孔生涯
憑送老。蘭台舊侶苦無多。幾時重對江亭月。會飲千瓢椰腹皤。宋詩。椰子腹空
儻江亭即舊京陶然亭也。

丙子重九邑中名流招飲壺山詩社以喪居謝不往感而作此

湘潭劉揆一霖生

烹。馨。採。菊。供。家。祭。東。閣。低。徊。報。母。身。忍。向。壺。山。嗟。渺。岬。怕。從。陶。墓。話。延。賓。陶公墓在壺山而其

賢母墓則難稽故矣詩。情。空。負。題。糕。意。酒。態。徒。傷。落。帽。神。最。是。鴿。原。成。急。難。插。萸。高。會。更。何。人。

和秋日壺山臨眺原。

釋慧朗

亭。影。依。稀。塔。影。垂。西。風。吹。我。上。漁。磯。懶。殘。巖。下。纔。拋。芋。智。儼。墳。前。獨。振。衣。九。面。前。橫。

千。嶂。合。雙。橋。旁。繞。衆。流。歸。烟。雲。掃。盡。江。天。闊。高。聳。吟。肩。咏。夕。暉。

黃。葉。蕭。蕭。何。處。亭。祗。餘。山。似。佛。頭。青。巉。崖。半。壁。凌。蒼。竹。檣。櫓。千。艘。破。錦。萍。晉。代。衣。冠。

終。落。寞。明。藩。邸。第。更。凋。零。興。亡。世。事。都。如。此。莫。向。黃。壚。問。醉。醒。

劉

記

船山先師詩錄

洞庭秋十六

周逸敬選

塞臆英多杜口宣。清歌難喚奈何天。古人不見閒邀月。置我無從小學仙。
鐵脊未妨聊齟齬。金輪猶恐不剛堅。餘霞落日關何事。帶影微茫起識田。

十七

法界孤微此沈寥。鯤遊亦竦等鷗鷗。環區不鯁魚頭乙。泓水方凝雀目椒。
濃露可憐添滄潤。片雲何恃得逍遙。窮塗收拾千年恨。鰕國遊誰出斗跳。

十八

欽然斂精歸元包。勻凝活汞停煎炮。穹窿舍此復何有。沉瀿相干故不交。
稍覺絲縉牽靜謐。非分玉笛喧淫咬。神光四映飛芒角。詎倚星月相雜糅。

劄 記

恆心堂讀書答問

續第十一期

湘潭周 逸木 謹

問今日學者不能進步病在何處

答在不務實。不務實即爲人之學。故曰古之學者爲己。其終至於成務。今之學者爲物。其終至於喪己。伊川所謂爲己欲得之於己也。爲人欲見知於人也。明道云學者須是務實。不要近名。方是有意近名。則爲僞也。大本已失。更學何事。爲名與爲利。清濁不同。然其利心則一也。余謂能於此處辨明。則學自進。終於有成。學者勉之。

問古之學者一今之學者三異端不與焉其說如何

答一曰文章之學。二曰訓詁之學。三曰儒者之學。欲趨道舍儒者之學不可。故朱子曰。此切要之言。夫子之所志。顏子之所學。子思孟子之所傳。皆是學也。愚按古之

劄 記 恆心堂讀書答問

一

割 記 恆心堂讀書答問

學者一。即欲趨道舍儒者之學不可。故易蒙卦云。蒙以養正。此正言爲學慎始也。問作文害道伊川與朱子之言是否無異試詳言之。

答伊川以作文害道。是說凡爲文不專意則不工。若專意則志局於此。又安能與天地同其大也。不能與天地同其大。非害道而何。故呂與叔有詩云。學如元凱方成癖。文似相如始類俳。獨立孔門無一事。只輸顏氏得心齋。古之學者。惟務養性情。其他則不學。今爲文者。專務章句。悅人耳目。既務悅人。非俳優而何。曰古者學爲文否。曰人見六經便以謂聖人亦作文。不知聖人亦據發育中所蘊。自成文耳。所謂有德者必有言也。曰游夏稱文學。何也。曰游夏亦何嘗秉筆學爲詞章也。且如觀乎天文。以察時變。觀乎人文。以化成天下。此豈詞章之文也。朱子所謂貫穿百氏及經史。乃所以辨驗是非。明此義理。豈特欲使文辭不陋而已。義理既明。又能力行不倦。則其存諸中者。必也光明四達。何施不可。發而爲言。以宣其心志。當自發越不凡。可愛可傳矣。今執筆以習研鑽華采之文。務悅人者外而已。可恥也矣。由是觀之。伊川與朱子皆以作文害道。是認爲文亦玩物喪志也。不知道者文之

根本。文者。道之枝葉。惟其根本乎道。所以發之於文者。皆道也。三代聖賢文章。皆從此心寫出。文便是道。愚按作文。能從此心寫出。是文以載道。道以文傳。何害之有。若務以文悅人耳目者。是華而不實。君子不爲也。

問楊子云。聖人之言。遠如天。賢人之言。近如地。此論當否。

答此言未當。不若伊川先生與改之曰。聖人之言。其遠如天。其近如地。所謂其遠者。雖子貢猶未易得而聞。其近者。雖鄙夫可得而竭也。逸按子貢猶未易得而聞。即子貢所謂夫子之言性與天道不可得而聞。此言指遠者。若近者。即日用倫常。紀綱之言。故鄙夫可得而竭也。

問伊川借杜預學春秋之法。以言學。其言何謂。

答伊川曰。古之學者。優柔饜飶。有先後次序。今之學者。卻只做一場話說。務高而已。常愛杜元凱語。若江海之浸。膏澤之潤。渙然冰釋。怡然理順。然後爲得也。今之學者。往往以游夏爲小。不足學。然游夏一言一事。卻總是實。後之學者好高。如人游心於千里之外。然自身卻只在此。逸按務高之病。只是脚不踏地。苟能實踐。從卑

問 記 恆心堂讀書答問
地歷階而升則高明矣。

四

問西銘言宏之道如何學者亦流爲常人

答宏而不毅。如近世龜山之學者。其流與世之常人無以異。毅而不宏。如胡氏門人。都恁地撐腸拄肚。少間都沒頓著處。江永所謂宏而不毅者。縱弛。毅而不宏者。狹陋。西銘之道。能實體之。渾然與物同體。宏之至也。余嘗謂橫渠教人。多以禮文制度之事。如學者所守不約。汎濫無功。此宏而不毅之說。卽是學者不著地頭了。

問爲學之方應讀何書或以貪多爲病其要如何

答伊川先生少時讀書貪多。如今多忘了。須是將聖人言語玩味入心記著。然後力去行之。自有所得。朱子所謂讀書先讀大學。以定其規模。次讀論語。以正其根本。次讀孟子。以觀其發越。次讀中庸。以求古人之微妙處。由是論之。人要知爲學。須是讀書。書不必多看。要知其約。多看而不知其約。書肆耳。故曰學者先須讀語孟。窮得語孟。自有要約處。以此觀他經甚省力。語孟如丈尺權衡相似。以此去量度事物。自然見得長短輕重。按語孟之書。尤切於學者身心日用之常。得其要領。則

易於推明他經。而可以權度事物矣。

問聖人無怒容否

答朱子所謂怎生無怒容。合當怒時。必亦形於色。如要治那人之罪。自爲笑容則不可。按舜誅四凶。當其時亦須怒。但當怒而怒。便中節。事過便消了。更不積。故曰。聖人之喜。以物之當喜。聖人之怒。以物之當怒。是聖人之喜怒。不繫於心。而繫於物也。明矣。


(未完)

補記 恆心堂讀書答問

25x10

期三十第

劄記
恆心堂讀書答問



六

祝

苑

船山先師詩錄

洞庭秋十九

周逸敬選

弱骨凌乘一綫操。未憑長目送雄豪。通身冰血爭融結。伸臂煙霄試抑搔。豈必人生方幻寄。足知厚載不功高。金風但鼓囊中籥。大費尖酸徒爾勞。

二十

晶輝煥影繁一窩。澄之蕩之夫如何。容裔積已成堅冽。縱鏗喧外絕煩苛。緣非荇藻發誰浦。光帶露霜自昨波。驚鴻亦知無聞見。抱意長鳴凌嵯峨。

廿一

大圓不息翻河車。閃爍萬頃吹銀芽。化汁一色混瀟晶。青氣雙合通荒遐。無質可搏猶沐浴。有見不盈奚開遮。何得喪耦此孤坐。誰邀明月覓蘆花。

說苑

疊字男名錄 續第十一期

湘潭葛鼎甫遂銘

勃勃

晉書安帝紀義熙三年六月姚興將赫連勃勃僭號天王于朔方。又赫連勃勃載記赫連勃勃匈奴左賢王去卑之後。義熙二年僭稱天王大單于。建元曰龍昇。國號大夏。重造銅鼓銘跋。崔鴻十六國書赫連勃勃以銅爲鼓。及飛廉翁仲銅駝龍虎以黃金飾之。列於宮殿之前。疑卽此也。

土土

元史卷一百二十二特默齊傳搭海世祖時從托克托呼。原作土哈喇齊。元史卷三十三文宗紀二天歷二年十二月追封雅克特穆爾祖托克托呼。原作土哈喇齊。爲昇王。元史卷一百二十八托克托呼。原作土哈喇齊。其先本武平北哲琳川安塔哈山部族。

說苑 疊字男名錄

一

自庫春徙居西北伊塔巴爾山。因以為氏。號其國曰欽察。其地去中國三萬餘里。托克托呼。巴圖徹爾之子也。中統元年。父子從世祖北征。

保保

資治通鑑綱目三編。明太祖洪武四年二月。元平章劉益為元遼陽行省平章。籍所部來降。詔置遼東衛指揮使司。以益為指揮同知。未幾元平章洪保馬彥輩等殺益。右丞張良佐執彥輩殺之。保保走依納克楚。良佐權衛事以狀聞。帝授良佐蓋州衛指揮僉事。

保保

資治通鑑綱目三編。明太祖洪武二十一年。元伊遜岱爾弒其主特古斯特穆爾。特古斯特穆爾為其下伊遜岱爾所襲。欲往依庫庫特穆爾。不得發。縊殺之。質實。庫庫特穆爾舊作闊闊帖木兒。別一人。非王保保也。

拉拉

元史卷三十三文宗紀二。天歷二年正月。皇兄遣哈喇哈達孫拉拉。原作孫刺刺至京師。

以拜特穆爾扈從有功以幣帛百疋即行在賜之。

拉拉

元史卷一百三十八雅克特穆爾傳。泰定帝崩於上都雅克特穆爾任環衛事。博囉齊拉拉原作刺刺等議以八月甲午率勇士入興慶宮命迎文宗。

拉拉

元史卷一百三十八滿濟勒噶台傳。長子托克托順帝至元元年騰吉斯陰謀不軌事覺伏誅其黨拉拉等稱兵外應托克托盡擒以獻。

拉拉

遼史卷十六聖宗本紀。太平元年十月己未以右皮室詳袞拉拉原作聊了等并大將軍。

秃秃

元史卷二十二武宗紀一。至大元年三月莊聖皇后彙諸王胡土克圖原作忽人戶散入他郡阿都齊托歡降璽書俾括索。

秃秃

說苑 彙字男名錄

25x10

元史卷十八成宗紀。元貞元年三月丙辰。給阿爾妻托克托原作秃秃軍炒米萬石。

秃秃

元史卷十三世祖紀十。至元二十七年五月乙酉。從托克托呼原作秃秃言立二千戶

總欽察喀喇子弟。願為國宣勞者。元史卷十六世祖十三。至元二十八年正月。以

扎薩克托克托呼原作秃秃總兵於翁科之地。

秃秃

元史卷一百十八布圖傳。察察爾岱展楚輝托音等。以兵三萬入寇。布圖遣摩哩托

克托原作磨里來告。乃討托音等。掠其輜重。降其民。

秃秃

元史卷一百二十三阿哈勒烏蘇傳。黜多馬勒囊職。致和元年八月。自上都逃來。丞

相雅克特穆爾任為裨將圍穆爾。特穆爾等擒之以獻。特賜衣一襲。及托克托默色

原作秃秃甲金束帶各一。白金百兩。鈔二百錠。

哈哈

元史卷三十二文宗紀一。致和元年九月庚申中書左丞相布哈言。回回人哈勒哈台原作哈自至治間貸官鈔。違制別往番邦。得寶貨無算。法當沒官。都爾蘇私其種人。不許。今請籍其家。從之。

哈哈

元史卷一百七。宗室世系表。科爾戩巴勒喀。原作窠斤八刺哈哈。

哈哈

近人姚景夔氏族略五。明賜元人姓名哈哈曰陳元。

塔塔

元史卷二十二武宗紀一。成宗大德十一年十二月乙未。奇塔特岱爾原作亦檀州民。強取米粟六百餘石。詔官訊之。

塔塔

元史卷十九成宗紀二。元貞二年三月。以赫伯及塔塔喇原作塔所部民饑。振米各千戶。

塔塔

元史憲宗三年夏。命多托爾台。原作塔塔兒帶等。征痕都斯坦。

塔塔

元史卷一百二十三。徹辰巴爾傳。初事太宗。從攻蔡州。前鋒塔塔爾。與金將戰。金將猝其鬚。徹辰巴爾進斫金將。乃得脫。

塔塔

元史卷一百二十四。哈勒噶齊必魯傳。齊齊遜呼喇子塔塔爾。

塔塔

元史卷一百二十四。塔塔圖該傳。輝和爾人也。奈曼延汗尊之為傅。掌其金印及錢穀。太宗西征。奈曼國亡。塔塔圖該懷印逃。俄就擒。帝詰之曰。汝負印何之。對曰。欲求故主授之耳。帝善之。命居左右。帝曰。汝深知本國文字乎。塔塔圖該悉以所蘊對。稱旨。命教太子諸王。以輝和爾字書國言。

塔塔

第 十 二 期

25x10

元史卷一百三十博果密傳。博果密至元十三年。與同舍生堅通塔塔原作圖魯等上疏。書奏。帝覽之喜。

塔塔

元史卷一百三十五布爾噶蘇傳。干塔塔古爾。原作答阿兒從征伯克有功。由宿衛陞武德將軍齊克齊拉袞千戶所達噶齊。

塔塔

元史卷一百四十九耶律瑠格傳。瑠格卒。妻約囉氏領其衆。約囉氏携從子塔塔喇。見帝於河西。而朝。塔塔喇於朝。

塔塔

金史卷五十九宗室表。宗永本名塔塔靈武軍節度使。又金史卷六十五始祖以下諸子傳。烏色子宗永。金史考證。考宗室表舛誤疎略之處。宗永本名塔塔。本傳皆一一詳載。而表略而不書。

蘇蘇

說苑 彙字異名錄

元史卷三十二文宗紀一。致和元年七月庚午。泰定帝崩於上都。八月甲午以前。湖廣行省右丞蘇蘇為中書左丞。八月戊午。以蘇蘇為中書平章政事。九月十三日。帝即皇帝位。改元天歷。乙亥。立太禧院中書平章蘇蘇兼太禧院使。十一月丙子。蘇蘇坐受賂杖一百七。徙襄陽。以母老詔留京師。

元史卷三十三文宗紀二。天歷二年甲寅。監察御史劾前丞相拜布哈昔以贓罷。天歷初。因人成功。遂居相位。既矯制以瑪魯家賞賜平章。蘇蘇又與蘇蘇等潛呼日者測聖算。今奉詔已釋其罪。宜竄諸海島。以杜奸萌。

元史卷三十四文宗紀三。至順元年九月。御史臺劾奏前中書平章蘇蘇。叨居台鼎。專肆貪淫。詔永竄雷州。湖廣行省遣人械送其所。

元史卷三十五文宗紀四。至順二年二月。湖廣參政徹爾特穆爾。與蘇蘇巴勒丹。俱坐出怨言。鞫問得實。刑部當蘇蘇處死會赦。蘇徙海南。禁錮終身。

蘇蘇

元史卷二十九泰定帝一。泰定元年十一月癸巳。賜諸王沙卜珠丹伊蘇蘇爾原作也速

連鈔各千五百錠

蘇蘇

元史卷二十九秦定帝一。秦定元年十二月。諸王蘇蘇勒台薨。

蘇蘇 原作蒙連連

元史卷一百六十七張惠傳。字廷傑。成都新繁人。惠年十四被俘。至杭愛。通諸國語。丞相茂蘇蘇愛而薦之。入侍世祖藩邸。

蘇蘇

元史卷一百七十一吳澄傳。英宗即位。有旨寫浮屠經。帝在上都。使左丞蘇蘇詔澄為序。澄曰。不可以示後世。會帝崩而止。

蘇蘇

元史卷二十七英宗紀一。至治二年十二月。以參知政事蘇蘇原作連連為中書左丞。

蘇蘇

元史卷一百三十譚爾根薩里傳。以父字為全氏。延祐七年。授太史院使。英宗視其

說苑 濫字男名錄

九

進止整暇。顧謂參政蘇蘇曰。全院使真故家令子也。

錫錫

元史卷十四世祖十一。至元二十三年二月辛丑。遣使以鈔五千錠。振諸王錫錫原作小錫錫。

元史卷十五世祖十二。至元二十五年四月庚辰。賜諸王錫錫金百兩。銀萬兩鈔千錠。及幣帛有差。

元史卷二十四仁宗紀一。皇慶元年七月。敕諸王錫錫部歸晉寧。

元史卷十八成宗紀一。元貞元年九月。諸王錫錫部衆擾民。遣官按問。杖其所犯重者。餘聽錫錫責之。

元史卷十九成宗紀二。大德二年十二月。免內郡賦稅。諸王錫錫所部三百餘戶。散處鳳翔。以潞州田二千八百頃賜之。

元史卷三十一成宗紀四。大德七年二月。諭諸王錫錫及鷹師等。毋於真定近地縱獵擾民。

元史卷一百七宗室世系表。太宗皇帝七子。次六哈坦大王。哈坦大王位錫錫大王。
原作小辭

元史卷十五世祖十二。至元二十六年十二月。錫錫坐與哈坦多羅子通謀。叛伏誅。
元史卷十六世祖十三。至元二十八年四月。諸王錫錫部曲萬二千六十一戶。饑給六十日糧。

錫錫

元史卷一百四十九舒穆魯額森傳。遼人子曰錫錫。

達達

遼史卷十一聖宗本紀。統和六年十二月甲寅。耶君達達哩原作達達打里劫掠命杖之。

達達

遼史卷三十天祚皇帝本紀。保大二年。金兵日逼。天祚播越。達實省遁。見白達達。
遼史考證按白達達卷六十九部族表作白達且。

達達

說苑 墨子名錄

金史卷三太宗本紀。天會八年二月戊戌。取平江汴京亂。三月丁卯。達達原作友復取之。迪里

達達

元史卷二十二武宗紀一。至大元年二月戊午。遣布達達實原作不達達等送爪哇使還。

圖圖

遼史卷二十二道宗本紀。清寧八年夏五月。武都溫特哩袞圖爾噶原作屯等。乞歲貢馬馳許之。禿葛

圖圖

元史卷二百五奸臣特們德爾傳。英宗猶在東宮。特們德爾宣太后旨。召蕭拜珠與多爾濟至徽政院。與徽政院使實勒們。御史大夫圖爾噶雜問之。二人棄市。

和和

元史卷一百四十三列傳第三十附庫庫傳。兄和和字子淵。敦默寡言。嗜學能文。與弟庫庫。皆為時之名臣。號為雙壁云。

25x10

25 X 10

報 學 山 船

和和

元史卷一百三十博果密傳子和和。原作陝西行省平章政事。

元史卷二十九泰定帝一。泰定元年五月詹事丞和和。原作請如裕宗故事。擇名儒

輔太子。敕中書省臣訪求以聞。

和和

元史卷十四世祖十一至元二十三年十月。鄒平縣達嚕噶齊和和。能捕盜理財。進秩有差。

和和

元史卷六世祖三至元五年五月癸酉。賜諸王和和。原作幣帛。

元史卷一百七宗室世系表。和和大王位和和。

元史卷一百八十耶律希亮傳。中統二年時六皇后之妹主后位。與宗王和和皆欲東觀。希亮母密知其事。攜希亮入見。已而不果。

和和

說苑 疊字男名錄

金史卷一百六珠格高琪傳。故事有奏密事輒屏左右。先是太府監丞游茂以高琪威權太重。常以爲憂。奏請裁抑。自是凡屏人奏事必令近臣一人侍立。及蘇呀請密召至。近侍局給筆札使書所欲言。少頃宣宗御便殿見之。惟留近侍局長趙和和侍立。蘇呀奏高琪無勳望。宣宗曰子徐思之。蘇勒出。復戒曰。慎無泄也。

金史卷一百九完顏蘇呀傳。一名翼字伯揚。貞祐三年正月。蘇呀自中都計議軍事。迴上書求見。乞屏左右。上遣人諭之曰。屏人奏事朕固常爾。近以游茂因緣生疑間之語。故凡有所引見。必令一近臣立侍爾有封章。亦無患不密也。尋召至近侍局給紙札。令書所欲言。書未及半。上出御便殿見之。悉去左右。惟近侍局長趙和和在焉。

第十二期

速速

元史卷二十四仁宗紀一。皇慶元年五月賜諸王蘇爾蘇達勒。原作速兒千錠。速迭兒千錠。

速速

元史卷二百十緬傳。至元二十四年正月招緬使齊喇至忙乃緬甸王爲其庶子不

25x10

速速古里所執囚於昔里怯答刺之地。

庫庫

元史卷一百七。宗室世系表。世祖皇帝十子次八寧王平庫庫楚。原作關又寧王庫庫楚。位庫庫楚。關出

元史卷一百七。宗室世系表。庫庫楚大王。原作關

元史卷一百三十五。呼魯蘇傳。世祖領太府監後。以千戶從皇子庫庫楚出征還。留鎮軍中。

報 學 山 船


學 藝 學 名 字 錄

了 五

25x10

期二十第

說苑
晏子名男錄



一六

保

藝

船山先師詩錄

洞庭秋廿二

周逸敬選

三秋三楚填淫荒。誰能不斷憂思腸。遙遙極浦浮雲樹。渺渺生洲迷荻蔣。馬殷南國飛星白。陸遜西壘落日涼。咫尺千波香向往。孰爲大壑恣埋藏。

廿三

浮槎無繫巴邱城。縹渺之樓空若驚。微霜覆襲失殘夢。遠火照帆悲他情。乘乘宇內旣清澈。脈脈空際或經營。小范於此言憂樂。胸中無故橫甲兵。

廿四

微風軟殺退以聽。濯濯平遠拔昭靈。吝儉物情不獲已。險阻大造故須經。餘霞半壁從明滅。征鴈萬雙亦伶俜。居然幻泡警涼魄。無數浮心一日扁。

經義

足食足兵民信之矣義

正取第一名許鴻飛

課 藝

自古能任天下之事者。必先得天下之心。得天下之心。然後惟所欲為。而無不如意。故謀所以裕國者。不恃吾文告之密。而恃吾惻怛之誠。謀所以強國者。不恃吾督促之嚴。而恃吾愛護之切。令修於庭戶之間。而風行於千里之外。必其醞釀者深。而非一朝一夕之所能致也。夫子答子貢問政曰。足食足兵。民信之矣。論語訓曰。之矣云者。言先須民信也。蓋民以食為天。非足食何以禦凶年。民以兵衛國。非足兵何以扞外侮。況天災流行。水旱且與兵燹之災同至。不有以足之。如竭蹶何哉。雖然。足固未易言也。三年耕。必有一年之食。九年耕。必有三年之食。此恆理也。然試號於衆曰。爾當如是以足食。民果從我乎。萬乘之國。提封百萬井。定出賦六十萬井。戎馬四萬匹。兵車萬乘。此大較也。又試語於衆曰。爾當如是以足兵。民果從我乎。語之者我也。不

講 藝 經義

必從者民也。民何以不從。則以我未得天下之心。而不信我。故也。彼得天下之心者。必然其居民上也。非以天下奉己。而以己身勞天下。非以天下尊己。而以己身屈天下。民何利。我則興之。民何病。我則去之。孟子所謂得其心有道。所欲與之聚之所惡勿施是也。夫然。天下之人皆灼然知我之為民。非為己也。於是從而信之。民既信我矣。則我之號令。未有不行於民者。以之積穀而穀有餘。以之徵兵而兵無不足。縱加以師旅。因之以饑饉。宏才肆應。措之裕如矣。此孔子所為語子貢以政。兵食信三事並列。而於信必加之矣。兩字。明乎信在前。兵食在後。即所謂信而後勞其民者也。

治事

前人

申包胥復楚留侯報韓厥功不殊史公傳伍員而不傳包胥試論之

劉知幾言兼三長方可為史。三長者才學識是也。非才無以汰繁。尤非學無以綜本末。非識無以昭炯鑒。垂世戒。然則三長並列。而識為尤重。作者固不得貌襲而談者。亦未可以皮相也。伍員之父奢與兄尚。為楚平王所殺。員以吳師破楚。復不共戴天之仇。其義憤憤然。與戰績並彪炳於天壤。然出奔之日。以吾必覆楚告其友申包胥。

25 X 10

包胥亦以與楚自任皆員。及吳已入郢。昭王奔隨。包胥如秦乞師。吳七晝夜不納。勺飲。秦感其誠而為之出兵。竟賴秦力。却吳存楚。此兩人者。一孝。一忠。各循。循。落。落。以。行。其。志。而。皆。達。焉。均。為。立。傳。以。垂。後。誰。曰。不。宜。乃。史。公。僅。為。伍。員。立。傳。而。包。胥。之。事。惟。附。見。於。員。傳。之。中。豈。楚。不。當。復。乎。抑。復。楚。固。劣。於。覆。楚。者。乎。皆。非。也。夫。以。安。社。稷。為。心。者。必。為。國。家。籌。久。遠。而。不。可。為。一。時。苟。且。之。計。為。一。時。苟。且。之。計。取。便。於。一。時。而。遺。害。於。他。日。遺。害。於。一。國。者。其。罪。尙。小。遺。害。於。萬。世。者。其。罪。尤。大。也。包。胥。乞。師。之。言。曰。夷。德。無。厭。若。鄰。於。君。疆。場。之。患。也。逮。吳。之。未。定。君。其。取。分。焉。若。楚。之。遂。亡。君。之。士。也。若。以。君。靈。撫。之。世。以。事。君。斯。言。也。列。於。盲。左。之。傳。固。亦。辭。令。妙。品。也。而。察。其。流。弊。則。甚。大。何。則。大。丈。夫。之。生。斯。世。貴。自。立。而。不。可。倚。人。君。子。之。謀。國。亦。如。此。耳。石。敬。塘。之。求。救。於。契。丹。也。劉。知。遠。知。其。不。可。其。言。曰。恐。異。日。大。為。中。國。之。患。敬。塘。信。柔。維。翰。之。策。賴。契。丹。之。力。以。滅。唐。然。燕。雲。十。六。州。失。外。患。遂。與。宋。相。終。始。迄。假。元。之。力。以。滅。金。天。下。卒。歸。於。元。而。漢。族。遂。淪。於。外。族。百。年。矣。明。季。闖。禍。宗。社。為。傾。吳。三。桂。假。清。廷。之。兵。力。以。復。讎。天。下。遂。歸。於。清。而。漢。族。又。淪。於。外。族。近。三。百。年。矣。推。其。乞。師。之。由。

三 清事

三

課 藝 詞章

四

豈不效秦廷之哭。而其禍乃至。是然則史公不為包胥立傳。且並其乞師之詞削去。不載。蓋立乎千載之前。已灼見千載以後之事。於是始知史公之識為不可及也。不然。包胥復楚。留侯報韓。厥功不殊。豈史公獨厚彼而輕此哉。諺曰。前門拒虎。後門進狼。又曰。前車覆。後車戒。借助於人者。其加意於自立。以為久遠之計也可。

詞章

前人

擬船山春山漫興四首

雲山四面主。應誰有客狂。歌倒接。戀好雨。欲來蠶。並出陽春。未到鳥先知。撐天矗立。峯雙柱。桌地鏗。聲杖一枝。禹迹茫茫。原在眼。字青石赤。翳穹碑。養契天人似。養花試看元。舍吐黃芽。兩弦合。處方成鼎。百鍊精時為。揀沙藥。奏八公。添玉潤。丹還九轉。蘊金華。今朝寶露。壇邊過。悟出童顏。一飲霞。玉井青蓮。萬里輕。却來方廣。賞春晴。汗泥無復。人間濁露。氣猶聞。天上清點水。差池看燕鷗。隨風宛轉。聽鶯笙。從知驢驘塵埃。日尚有桃源。燦絳英。佩韋休訝等。珩璜。辣性由來自。命薑雲湧。重巖滋笠。屐波添一雨。利舟航。創開生面。

羣經在占領名山百慮忘歷盡艱辛餘七尺著書終老白雲鄉

眼高於頂心細於髮識時務者為俊傑信然詩句名俊 黃昌年批

經義

正取第二名郭虛中

足食足兵民信之矣義

按食為民天兵為民衛信為民性所固有而又為民行所宜遵為政之要洵莫重於此三者已就食而論洪範八政王制八政皆以食為首要就兵而論司徒致民司馬致節農隙講武兵民不分古先政要後世宜遵而無以消學人入官從政所宜鑒古知今者也不講遂致凶年饑歲無以給內訌外侮無以消學人入官從政所宜鑒古知今者也至若民生之信本具有生之初特自世風日降民性日漓為政者又不能相感以誠遂致為民者莫不盡趨於偽大車無輓小車無軌性術乖而行誼失皆為政者無以敦篤其本原也今欲為足食計則必分田制產勞農勸相輕徭薄賦節用時使使士不曠而民不游民安其居樂事勸功則耕三而餘一耕九而餘三遐邇一致上下一心食不期足而足矣欲為足兵計則凡比閭族黨州鄉之內即可得伍兩卒旅師軍

課 藝 經義

五

之兵。但於平時教之以步伐。即可於臨事用之。為于城約計。邦畿千里。實有百五十萬餘家。以家三人計之。可任者三倍於茲。即起徒役。毋過家一人。亦得五百十餘萬人。以此言兵。而兵無不足矣。至於民信。則民之常性。既有信上之存心。無不信以實心行實政。則民於耳目染濡之下。必有感發其性。天者所謂不言而信也。且當兵食並足之餘。更有以大孚其心志。所謂未施信於民。而民信之也。是故足食足兵。在政能使之足。民信之者在政。能使之信也。夫子答子貢之意。蓋如此。

治事

前人

申包胥復楚留侯報韓厥功不殊。史公傳伍員而不傳包胥。試論之。人生可傳者。莫如孝子忠臣。志願所存。歷千辛萬苦之境。殫窮年累世之勞。而後得以自償。而自靖。有如伍員之復楚。讎張良之報韓。國史公為之立傳。宜也。乃獨於申包胥之興楚。不為立傳。僅附著其事於伍員傳中。幾疑其語不詳。而事不類。究之不足疑也。伍員之痛念父兄。而欲覆楚。與申胥之眷顧宗國。而欲興楚。其語皆紀於左氏傳中。而伍員謀楚。迭見於奔吳任職之累年。申胥興楚。則僅見於乞師於秦之一

事。史公附傳之意。固以其事之相聯。而詳略亦各視事實之真。非有意軒輊於其間也。至謂事必從類。則孔子之論三仁。孟子之稱四聖。皆誼力各有所至。而表章之意。但取其殊途而同歸。史公紀載季布。欒布。可同編。老子韓子。可合傳。亦此意也。據左氏而論。其紀申胥之事。亦因伍員而連及之。初紀其答伍員之語。次紀其乞秦國之師。終紀其逃昭王之賞。而昭王之賞。乃在六人之下。丘明雖得百二十國之寶書。不能於左氏之外。為申胥多贅辭也。謂乞師。即足以表異。則臧宣叔曾乞師於晉。以救魯。茅成子亦嘗乞師於吳。以存邾。左氏亦祇附紀其事。今包胥之事。左氏既附見於伍員傳。中史公之不別為立傳。固亦因左氏之例也。

詞章

前人

擬船山春山漫興四首

蓬萊渺隔更尋誰。不見宮人着幕羅。青眼幾遭黃霧塞。素心惟有白雲知。偶經南澗欣蘋藻。未向東林雜樹枝。胸曠峯頭翹首望。神功千古贖殘碑。月宮曾記折瓊花。今此山阿尚有芽。不比鄰侯居古寺。聊同賈傅在長沙。蒼顏近對

課 藝 詞章

七

25 X 11

課藝經義

八

簪翁節紫艷遙看。庶子華欲問幽棲。何景好夕陽返照。滿紅霞。
 天光冥暗。谷風輕陰。霧初開。喜放晴。碧嶂尙看雲。似墨。黃河未必水。真清。難期北闕。
 迴龍馭。且聽南巖。奏鳳笙。却怪靈均。惟獨立。不曾騷賦。引羣英。
 做。惟何。用結琦瓊。夙好惟珍。桂與薰木石。同居甘陋室。寶林欲上待慈航。謝公屐。着。
 隨行止。顏氏心齋。每坐忘。莫道火維妖怪足。峯頭即是白雲鄉。

璧肌分理學識俱超。庾信文章老更成。何多讓焉。黃昌年批

正取第三名易家鉅

經義

足食足兵民信之矣。義
 人民之生命在於食。國家之防衛在於兵。所以固結人心而愛護國家者。在於信。三
 代以上。寓兵於農。而兵農不後。禮樂正德。利用厚生。三事固并重也。夫子因子貢之
 問政。而舉足食足兵民信以告之者。蓋欲行先王之道。而非後世富國強兵之術。僅
 為一時貧弱計耳。所謂足食者。非加賦以足用也。自古神農氏之後。繼以后稷之官。
 制為井田。教以稼穡。五土必辨。三時不害。九穀以生。而又為之。疏材以廣其術。為之。

荒政以防其敵。為之節儉。以制其淫。必使仰足以事。俯足以畜。時方無事。各安其業。井耕田之素。敦其勤生蓄力之風。一旦軍興。共挾其急。公奉上之忱。以應乎徵。調轉輸之費。蓋百姓足。君孰與不足也。所謂足兵者。乘人與器言之也。伍兩卒旅。足以其人。干戈威揚。足以其器。夫修其器械。精其訓練。備之而足。即去其些。蘇裁其老弱。汰之而亦足。足以禦侮。足以自強。惟器與人不可偏廢也。至若民信者。必上之人。有以見信於民。而不可徒以信責之民也。是故漸民以仁。摩民以義。而又修六禮。以節民性。明七教。以興民德。齊八政。以防民淫。然後民信於上。不賞而民勸。不怒而民威。於鐵鉞。上以信施。下以信應也。獨是分言之。曰食曰兵曰信。而混言之。即食即兵即信也。農隙講武。兵在食中。孝弟力田。信從食見。干城腹心。兵自有信。耕耨並修。忠信。制樞以撞秦楚。信在兵食也。總之。食為民天。食不足。非養民之政也。兵為民衛。兵不足。非安民之政也。信為民心。信而後勞其民。未信。則以為厲己也。此為政之常經也。

治事

前八

申包胥復楚留侯韓厥功不殊吏公傳伍員而不傳包胥試論之

九

九

論者謂伍員之覆楚。包胥之復楚。皆於子臣之道。有未盡善。竊以為兩人之所處。有輕重緩急之不同。不可以不分辨也。夫子胥之欲覆楚。以其父奢無罪而見殺於平王。故挾弓持矢。去楚奔吳。以伐楚之利干吳王僚。不幸為公子光所阻。公子光立。是為闔閭。闔閭欲為興師。而復讎於楚。子胥又自止之曰。諸侯不為匹夫興師。逮楚釁而後動。及楚為沈故圍蔡。子胥為吳行人。以謀楚入郢之役。子胥雖為父復讎。而吳固正正之旗。堂堂之鼓。實非為子胥與師也。且子胥所痛心疾首者。不徒在奢之死。而在建之不得立。善欲借兵於吳。扶建之子。勝立之楚。廢昭王。誅讒佞。以成父奢之志。而存楚之社稷。豈肯以復楚之名讓之包胥哉。乃不意吳師驟勝而驕。秦人起於外。夫擊反於內。不能定楚而歸。大非子胥之心矣。若申包胥者。明知子胥之能覆楚。乃不於子胥去楚之時。謀所以安社稷者。竟養癰胎患。循至吳師入郢。君出國危。然後如秦乞師。僥倖成功於萬一。亦已晚矣。且當其時。齊晉秦楚。各自稱雄。地醜德齊。莫能相尚。自包胥引秦師入郢。俾秦知楚之虛實。數見侵陵。厥後秦日益強。楚日益弱。卒至秦能滅楚。併吞六國。未始非包胥為厲之階。是則此際之復楚。功不足以掩。

罪也。試就子胥包胥之事分析言之。稽其始末。權其輕重。緩急而知史公傳伍員而不傳包胥。且稱子胥而不名者。褒子胥即貶包胥也。抑史公漢人也。留侯輔漢滅秦以報韓。與包胥引秦復楚而終以滅楚者。功同而實異。此又史公不傳包胥之微意也。

詞章

前人

擬船山春山漫興四首

山林深處結茅茨。賦性從來不受羈。巖穴可堪供笑傲。衡門聊復樂棲遲。且隨木石穿三徑。暫學鸚鵡借一枝。燕入堂前尋舊主。故宮無恙敢差池。
雨後山間草木新。香煙景是陽春。雲根縹緲擗筇。鳥道紆迴著屐。巡載酒且停垂。柳處觀棋惟有探薪人。林巒髣髴桃源境。不是漁郎莫問津。
峻嶺崇山列眼前。千紅萬紫共爭妍。桃腮柳眼欣如笑。燕語鶯歌喜不眠。淡蕩春風芳草地。蒙茸細雨落花天。試觀喬木年年在。一縷心思付杜鵑。
十分春色到山中。忽聽鶯啼綠映紅。冷淡梨花偏帶雨。顛狂柳絮祇隨風。最憐松柏

課 藝 詞章

一一

課 藝 前題

三

增。青。翠。閒。倚。巖。巖。望。碧。空。若。問。蘭。亭。修。禊。事。臨。川。感。慨。古。今。同。

經義引用成語自成結構史論讀書得間語必透宗擬詩清麗丰眠信為能手

黃昌年批

前題

湘潭廖稅盒

江。山。風。月。主。為。誰。四。野。煙。雲。蕩。籬。林。鳥。呼。名。人。莫。辨。淵。魚。非。我。樂。安。知。幽。蘭。不。開。
 春。初。訊。勁。柏。猶。撐。雪。後。枝。禹。甸。茫。茫。湮。舊。跡。祇。今。嶺。嶺。殘。碑。
 天。氣。春。陰。正。養。花。萬。千。紅。紫。競。抽。芽。風。前。舞。燕。攬。青。柳。洲。上。閒。鷗。憩。白。沙。此。日。漁。樵。
 遂。初。志。當。年。車。馬。賦。皇。華。中。原。文。物。凋。零。甚。珍。重。桑。榆。駐。晚。霞。
 老。農。吐。犢。一。犁。輕。久。雨。今。朝。喜。放。晴。風。定。湘。波。帆。影。斂。雲。開。嶽。寺。磬。聲。清。延。年。自。采。
 山。中。藥。守。拙。休。吹。席。上。笙。回。首。衣。冠。嘉。會。日。龍。飛。甲。子。盡。豪。英。
 久。厭。承。明。解。佩。璜。閉。門。種。菜。雜。山。薑。忽。聞。款。乃。千。山。曉。惟。賦。印。須。一。葦。航。散。髮。滄。浪。
 清。可。濯。寄。懷。蘭。芷。慣。難。忘。孤。芳。獨。抱。冬。青。樹。空。望。春。歸。帝。子。鄉。

前題

南昌漆新晉

春山如笑笑伊誰。花下徘徊倒接籬。新樹未成鶯浪喜。舊巢宜補燕先知。暖風百尺
 侵蓬鬢。晴日一簾占柳枝。字愛熊肥編矯健。倩人且拓麓山碑。
 避地依然筆作花。不知紅透牡丹芽。潮移古岸餘甯石。風起天街罩白沙。漫有夢魂
 歸海國。轉將邱壑換京華。舍清獨愛黃昏好。成綺貪看欲散霞。
 蒼狗更番到底輕。一峯乍雨一峯晴。琅玕只愛千霄碧。砂礫猶能濾水清。獨宿且尋
 蝴蝶夢。索居閒煞鳳凰笙。春光如此誰為主。芳草無言襯落英。
 垂釣何須問玉璫。製方獨喜備金盞。新村隱隱千門柳。野渡遙遙一葦航。屈姊不知
 香草意。封姨竟把美人忘。避秦也愛桃源好。無奈漁郎有故鄉。

前題

許先文

慣看滄海幻桑田。獨讓名山永歲年。芍藥蕊含他日豔。櫻桃花趁早春妍。先期汗漫
 須行樂。爲誦逍遙願學仙。幽徑亦存濠濮意。不妨策杖聽清泉。
 聞道南山可避秦。偷然偶作采芝人。聘書忽用留侯計。侍從翻成太子賓。驛路馳煙
 應掃迹。由庭逋客莫逢曠松雲。白首原吾計。况有桃源可問津。

蘇 軾 前題

春滿南天卉吐葩。青山到處可為家。流離舊事心猶痛。憂患餘年鬢亦華。四壁圖書供笑傲。一竿漁釣寄生涯。危機祗視知何地。萬丈潭深湧黑沙。堯封禹甸古今同。伊雒偏遷陸渾戎。草澤荏苒動桴鼓。河山錦繡付持弓。明時嶽狩唐虞遠。世事江流日夜東。岫嶠峯尖尋片石。摩挲讀罷意無窮。

前題

李省三

羣峯縹緲欲何之。谷岸高深幾度移。壯志恐為蒼狗誤。孤懷猶畏雪衣知。江山有意分南北。瀛海無心畫漢夷。繫馬柳陰尋勝蹟。逢人含淚問殘碑。大地春來似畫圖。萋萋芳草滿平蕪。一江深水初波浪。幾點雲山乍有無。故國愁看桑作繭。新齋誰念隙過駒。杜鵑啼血聲且對。斜暉倒酒壺。綠暗紅稀景色明。東風吹葉語流鶯。越禽背煖違南樹。胡馬衝寒擁北平。飄泊登山雙淚熱。瘡痍滿地一身輕。王師未報收東北。城闕徒鳴戰伐聲。九十春光一殺那。回頭空自嘆蹉跎。烏啼子夜情難禁。雀噪東窗劍尚磨。璞蘊荆山相識少。花飄幽谷可憐多。人生得失隨緣定。閒把南華發浩歌。

前題

常甯李治

一片春光引勝情。碧巖流覽趁新晴。長條枝倩古藤茂。瘦石縫銜細草生。夕照蒼茫翻蝶彩。飛泉響澈急鶯聲。扶筇絕壁疑無路。迴顧桃花笑語迎。四圍葱翠接天邊。江外層峯外烟。俯瞰清陰楊柳渡。薄霽紅雨杏花天。消除塊壘無如酒。買得春光不用錢。到處繁華歸眼底。莫將遊興託啼鶯。風送浮雲過大荒。青山何事解愁腸。銅駝陌上滋新草。老樹墳邊冷夕陽。幽夢喚醒鸚鵡急。行人歸唱鷓鴣忙。窮通休向君平卜。一卷南華秋水旁。巖壑幽棲避世諱。不隨塵俗逐紛華。斜風又見來巢燕。去日頻驚赴澗蛇。揚子解嘲徒自遣。長卿賣賦亦堪嗟。人生莫被儒冠誤。合把餘杯醉綺霞。

前題

歐陽瑛

載酒春山欲喚誰。偶攜童冠醉懸離。柳舒青眼人先覺。桃破紅腮蝶未知。伏櫪驂騮思遠道。出林鷹隼盼高枝。神州不禁橫流歎。且別蒼苔讀禹碑。

蘭馨空谷不關花。笋震驚雷漸茁芽。芒屨乍露幽徑露。緇衣未浣戰場沙。窗前秀色

課藝 前題

縈書帶。鏡裏流光感鬢華。數頃山田堪種豆。傲人惟有古煙霞。
 製就春衣著體輕。東皋遙望數峰晴。泥脚燕子風初暖。萍護魚苗水正清。隔院翠娥
 呼鬥草。倚樓紅袖笑吹笙。故人相遇桃花畔。共訪仙源踏落英。
 蓬峯小隱韞瑤璜。新築幽齋擬號薑。出岫雲興衡嶽雨。渡江風送洞庭航。撩人綺夢
 春難遣。報國雄心老未忘。留得匣中三尺劍。胡氛淨掃即華鄉。

前題

毛兆麟

高歌莫問和予誰。載酒尋仙著屨歸。詩思未隨春草長。貞心惟有老松知。山容帶翠
 逢新霽。花信傳紅到舊枝。小憩巖阿搜古蹟。剔開苔蘚認殘碑。
 爲訪山僧踏落花。新茶初試雨前芽。著書藏待傳香簡。題句留將翠碧紗。雲路在瞻
 心益壯。仙丹未轉髮先華。懸崖峭壁攜筇徧。會有疎鐘送晚霞。
 獨有樵夫負荷輕。芒鞋木擔喜新晴。層巒古樹疎還密。樂澗流泉淺且清。藜杖曲穿
 芳草徑。蓬門且賦白華笙。侈談廉讓徒欺世。誰餌朝霞飲露英。
 松下清風響佩璜。梢頭細雨浥山薑。安眠榻上三竿日。極目江干一葦航。魚躍鳶飛

25 X 10

觀自在。市朝巖穴付相忘。首陽、尚、論、夷、齊、世、不、羨、人、間、衣、錦、鄉。

周源遠

烟霞寄傲更同誰。愛把歸雲當接籬。一嶺孤松餘老幹。三春好鳥訂新知。濤聲幽咽

花邊澗。鶯語閒。關。葉。底。枝。回。首。中。原。非。禹。甸。忍。將。心。事。泣。豐。碑。

春風裁翦滿林花。萬卉欣欣茁嫩芽。奪目山桃紅遍野。賞心湖草綠鋪沙。夜遊太白

尋烟景。冒雨庭筠覽物華。雅愛芬芳最濃處。好邀歌鳥醉流霞。

蹀躞崔嵬蠟屐輕。放眸三月趁新晴。盼來天外山何際。行到源頭水更清。鴉背帶來

初日影。樵歌相送隔林笙。引觴莫道無佳饌。蘭芷溪邊嚼落英。

破衲藤鞋佩玉璫。荷鋤籬畔種新薑。禪房花木多僧氣。佛土菩提是法航。迅足遠遊

春且住。清弦靜撫意先忘。放晴踏碎千山綠。高蹈丹谿自在鄉。

李安庭

名山壇坵果為誰。恥學高人倒接籬。臨蕩且看春得意。沃天偏羨子無知。漫誇驥、驥、開、光、路、且、學、蟬、螻、寄、一、枝、欲、訂、千、秋、金、石、譜、深、岩、細、繹、禹、王、碑。

詞 藝 前題

一七

含愁春雨淚山花。野草連郊盡發芽。薄日無光難化雪。終風有力欲飛沙。好從寂寞探詩境。莫向風塵擲歲華。興罷歸來天色晚。柴扉倚杖看流霞。坦道遊行步履輕。適逢天氣放新晴。古松蔭日連山綠。細竹吟風入耳清。對客不妨看臘屐。燕賓無復詠吹笙。漫言荒徑無堪賞。澗底幽蘭發紫英。有誰釣得渭濱璜。且訪山翁學賣薑。探險欲將神作馬。濟人須以道為航。河山萬里仍如舊。事業千秋未敢忘。約得漁樵常共話。家園猶是白雲鄉。

前題

廖 曄

山河依舊究歸誰。且向深山戴白羅。麥秀離離悲故國。花陰寂寂感新知。神州破碎無全壁。僻壤幽棲得一枝。鎮日消閒惟木石。浮生那望紀功碑。一壺紅友對山花。市遠無殺采蕨芽。燕啄新泥和曉露。鳧歸遠浦集平沙。風搖紅杏飄香雨。柳映青旗拂翠華。忽看夕曛天欲晚。徘徊松下咏餘霞。暖逼花唇粉蝶輕。風和雨霽喜新晴。雁峯峭嶠烟浮翠。漁浦綿濛水湧清。柔草成窠迷繡陌。雛鶯學轉和銀笙。芒鞋踏破春無主。誰賦同車咏舜英。

25 X 10

自愛潔身佩玉璜。性甘淡泊椒薑。眉舒翠黛千條柳。浪湧清流萬葉航。門設常關
非好靜。國恩莫報總難忘。頻罹浩劫經錘鍊。巖壑幽深有樂鄉。

前題

周祝封

深林寂寞問伊誰。倒着山翁白接羅。遊屐漫留新蘇印。孤懷堪與衆花知。歸慚報國
成空夢。老爲憐春也折枝。偶上峴山憑眺望。滄然墮淚讀殘碑。

勃勃青山百草花。一朝新雨盡萌芽。春深曉霧餘霄靄。水漲風輕擲岸沙。游興未殘
歸亦樂。吟懷非老鬢先華。乾坤容得閒軀在。且把金樽醉晚霞。

江湖蕭灑一身輕。未免愁懷對晚晴。戰伐幾時銷野哭。漁樵何事獨心清。百年天地
悲荆棘。萬古山河付管笙。草莽孤忠惟墮淚。孝陵空自攬羣英。

魚腹何從有玉璜。遺臣空自咀金薑。人間漫說千秋業。塵海初回萬里航。棋局長安
今昔異。琴徽古調象形忘。淵明高蹈誰能繼。欲借桃源作醉鄉。

前題

湘潭侯瀛

板蕩中原逐鹿誰。狂歌爛醉著山羅。峯巒何處偏堪賞。鷺鳥多情只自知。觸目干戈

課 藝 前題

課藝前題

二〇

羈。足。側。身。天。地。託。鷓。枝。傷。春。一。掬。孤。臣。淚。剔。薛。來。看。岫。樓。碑。
 東。風。搖。曳。放。羣。花。炫。紫。嫣。紅。競。吐。芽。萬。樹。暖。煙。籠。霧。縠。一。江。輕。浪。掩。沉。沙。天。荒。地。變。
 悽。禾。黍。風。去。麟。來。怨。鬢。華。暇。日。銷。憂。聊。聘。望。夕。陽。零。落。黯。朱。霞。
 雅。服。逍。遙。屣。笠。輕。櫻。鬢。黎。杖。戀。春。晴。蒼。蒼。嶽。色。凌。雲。秀。嶺。淵。流。逝。海。清。偶。結。齋。谿。
 甘。隱。釣。慣。隨。緜。嶺。愛。吹。笙。老。憂。王。室。埋。荆。棘。回。首。西。山。共。採。英。
 早。歲。蓬。萊。侍。珮。璫。暮。年。辛。苦。餐。薑。薑。鼎。湖。龍。去。烏。號。墮。溟。海。人。歸。一。葦。航。操。慮。孤。臣。
 勞。臂。畫。傾。頽。神。器。痛。筌。忘。春。愁。鬱。鬱。難。摹。擬。披。髮。伴。狂。夢。帝。鄉。

25x10

叢

錄

船山先師詩錄

洞庭秋 廿五

周逸敬選

峻嶒何來凜氣增。舍此空輪無與勝。吳天海色遙迎送。楚霜蜀凍交消凝。
蕩滌赤日曳素練。消息銀漢絡珠繩。從知白帝威權甚。萬象瀉影灑傾崩。

廿六

鷓鴣聲斷西日浮。君山未愁黃陵愁。白浪幾何傾楚塞。金風既展訖神州。
蕭颯萬个撼斑管。迢遞千古疑膠舟。買至張說爾何物。落拓欲牽萬里憂。

廿七

但哀無端眇淫淫。長嘯不展狂歌瘖。欲與招魂迷南北。橫令此愁亘古今。
數雷殘雨無所藉。金樞玉露亦難堪。日暮息棹殊未已。寒波倒射丹楓林。

叢 錄

通 訊

本社董事會致黃社長籽輿先生書

敬啓者。本社同人。久仰 先生德隆望重。一代儒宗學問文章。士林矜式。特於四月十九日。召開社員大會選舉。屈爲繼任社長。紀錄在案。相應函請 察照。並希 道駕早日蒞社。主持社務。不勝盼切之至。此致

黃社長籽輿先生

船山學社董事會公啓 四月二十日

王佩初周木崖致黃籽輿先生書

梓老社長道鑒。邇維 道躬康適。福履平綏。爲慰且祝。本社自民國二年劉民生先生發起。頗歷艱辛。其中顛蹶糾紛。無成績可言。要皆主持者不得其人。同人有感於斯。靈然傷之。以爲世道人心之憂。實士林元氣之不集所致。遂於二十一年改組。

黃 錄 著 訊

至今四年。設講演。出學報。考季課。兢業惕厲。專提倡正學。以道義相磨。庶於千鈞一髮之際。幸未遺隕越之羞。去冬前社長趙芷老逝世。同人不勝悲悼。失所矜式。僉以繼任者。實難其人為慮。正徵求之時。得社員郭尺岩由北平來函。極推先生道高望重。為士林模楷。旋請令弟子剛子鶴兩先生。為之先容。轉達同人歡迎之意。並寄船山學報十冊。嗣聞先生雖沉意泉石。隱以滄海橫流為憂。許出負責。維持名教。即於四月十九日。開社員大會。到社員三十三人。一致選舉先生繼任社長。仰見德隆孚衆。物望所歸。除另呈董事會公函外。特具蕪箋。用達左右。乞道駕蒞社。主持社務。並請賜示。何日到省。以便通知各社友。屆時歡迎。以表傾慕之忱。諒不遐棄。無任至禱。專此敬頌

道安

王禮培周逸全啓 四月二十日

本社全體社員致黃社長書

矧與社長先生道席。未見芝顏。時深葭溯。恭維道履安康。潭祺迪吉。為慰且頌。日前奉得手教。敬悉謙辭社長。同人為之失望。惟此次選舉社長。幾經商酌。一

致同仰。德望。萬乞勿萌退讓。茲特推派黃子固周木崖兩先生為代表。趨謁。尊
前。面述一切。想。先生親此狂瀾澎湃。正氣消沉。必思有以挽救。決不。忽然置之
也。專此。敬請
道安

王禮培王壽慈任福黎等全啓 閏三月十二日

黃社長辭職來函因本社遷移時遺失故未登載 編者識

黃社長致黃子固周木崖兩先生書

子固。木崖。兩先生道席。逕啓者。別後。榮悴。不罄欲言。陳東劉鑿。皆應經典。粹未檢詳。特一
時未敢。繼步耳。桐岡。蓮館。之文。經緯。樂材。盡誦心折。府。贊樂育。存道。孤衷。筍。菽。隆情。
金絲。鏡響。假年。彭祖。再聽。鹿鳴。惟祝。天日。昭融。豈等。滄桑。餘閏乎。一一。祈。為。道。意。
屬。件。容。遲。報。命。前。讀。一。參。先生。橫。輻。所。稱。平。社。其。取。公。羊。義。歟。抑。如。幾。復。不。主
故。常。歟。公。暇。幸。以。教。我。齊。嬰。鄭。產。博。物。濟。時。北。海。中。郎。盛。名。為。累。花。飛。茵。溷。鳥。集
苑。枯。時。會。則。然。文。章。殆。護。管。耳。易。言。白。賁。詩。歌。尙。綱。竊。願。隨。諸。君。子。效。他。山。之。攻
錯。焉。首。夏。清。和。敬。頌。多。莛。

25 X 10

社長黃籽與先生來書

木崖先生道席。陰曆蒲節前數日。曾函候。起居併繳。屬書聯語二副。又印祥二幅。嗣得。復書。除繳件。察收外。乃有綏靖公署函促。刻日挪用社房之信。併封寄夫馬紙幣八十元。社課卷日零四本。屬爲看評。比以雲詭波譎。此節亦當停頓。轉念非所以慰。諸同志。故竭旬日之力。敷衍了事。特繕奏零星。衰年健忘。諸卷有引用譌誤。字體錯繆者。難盡糾摘。所粘簽題評。覆視有未煞尾者。其餘笑柄。當不少。若能得。公與諸先生重加檢校。換去原批。深爲感激。再者續寄之九卷。因前卷屏當輟畢。又適傷暑。應懇。同社諸老分校半日。卽於正附取留額。及額外卷內加入。所寄夫馬費封還十元。十一期學報封還一份。爲尋途初賦。幸相喻不言。專泐。恭敬道安

昌年頓首 丙子五月二十二日

周董事覆黃社長書

籽老社長道席。貴使來城。遞到手書。並課二包。紙幣十元。展誦之餘。知公於

梅炎漢夏之際。任量珠揀金之勞。時僅一旬。品評已畢。仰見精力絕倫。佩服佩服。評定各卷。當依評語優劣。以定等差。未閱九卷。自照來示辦理。揭曉之期。擬在六月初間。紙幣十元。係夫馬之正項。業已冊報。未便收回。茲仍送上。乞 察收為荷。再社址現仍被借用。大局如何。尚未可定。惟租之營盤街房屋。頗敷辦公。日前陶副社長叔惠君由杭回省。現任社中。並以奉聞。專此敬請

道安

周 逸頓首 五月二十三日

黃社長復各董事書

佩初叔惠鏡。人木崖季果諸道長賜鑒。敬復者。竊夏曆五月下弦。遵 示函繳各件併荷。賜復以後。農田忙迫。粵事恐慌。曾諄囑嶽雲高中學校。小兒聚鞞走稟學社。父執諸老。從速開會。另舉社長。繼續維持。又以痼疾纏綿。秋後更加傷寒咳嗽。且暮入地。無可諱言。誕祭一節。昌年既萬不能來。一聽 公等處理。春闈辱承 優待。無任心藏。昇平有象。或能扶杖橋門也。匆復。恭敬

秋禱諸維 亮察

黃昌年頓首 夏歷八月二十四日燈下

廖兆熊先生來書

木崖先生道席。廿年離索。未遂班荆。百里懷思。復稽裁簡。疏瀹脫略。我罪如何。迭承惠頌。船山學報。手流薇露。心開茅塞。感荷厚贈。膜拜加尊。先生宏濟未流。振興墜緒。門牆湘綺。衣鉢薑齋。吾道不孤。斯文未喪。殆天將以爲木鐸。宜人望之若神仙。力挽頽波。聲震薄俗。功誠偉矣。幸何如之。弟倦鳥飛歸。寒蟬聲噤。枯蠹空守。拙鳩應藏。以結習之未除。輒見獵而思逞。腹虛邊笥。經殘欲焚。手無魯柯。山高徒仰。已儒冠之誤我。不如沐浴楚猴。欲閉門以拒人。寧可網羅翟雀。先生眷懷舊雨。能無太息晨星。回憶當年。猶似嬉陳俎豆。駒過隙而太速。馬增齒而動危。垂暮生涯。有如曇卵。飢驅力役。頻困傭書。兀兀窮途。無可爲知己告也。崑肅鳴謝。敬請

道安

弟廖兆熊謹啓 丙子蒲節後三日

劉龍澤先生來書

本翁先生有道。頃承寄十一期船山學報。初感高誼。難以筆宣。湘綺老人文辭。字字皆金玉。故以太炎之高視。不能不以能盡雅贊之。大報注意及此。實士林之福也。姜

西漢數頁殘稿。浙人詬為奇寶。影之圖書館月刊。况老人之箸述。唐宋以來所未有。似宜廣為搜刻。啓迪後進。下走早歲鈔讀。所為易隆觀傳。不忍釋手。未登大報。頗有遺珠之歎。先生為老人高足。當不笑其妄言也。寄上郵花一百分。除扣第十一期報資外。敬請發下第十期。如有存餘。作為購買第十二期之用。肅復。伏維為道珍衛。

劉龍澤啓 六月四日

再啓者。下走呈鈔各詩。均叨登入大報。仰見大君子錫類之盛心。曾侯所謂。逝者有知。泉臺亦應兩泣者也。緬感高誼。實無涯涘。茲因便賸呈一詩。可否採入。敬希裁之手肅。再頌箸福。

龍澤再拜 同日

阮宗權先生來書

才惠先生道席。宗權未嘗學問。栖託戎麾。日者隨行轅來湖。借駐曾公祠。就近得拜瞻船山先生遺像。肅然嚮慕。莫可名言。旋借讀第十一期船山學報。凡所記載。非采摭精英。即闡釋經義。保一縷之國粹。作千載之指針。不禁躍踊而言曰。斯文今在茲矣。故丐周公達先生。代向貴社。自第一期起訂購。冀窺全豹。日昨復荷介。瞻兩公道。

葉 錄 述 訊

七

貌。誠宗維三生之幸也。承惠賜學報十一冊。敬謹拜嘉。並奉上法幣二元。預訂二十五年份全年。按期乞寄委員長行轅人事科。他日如有變。更當另函奉達。肅此申謝。祇請 道安。伏維 荃鑒。

阮宗權謹啓 八月十八日

浙江省立圖書館來書一

敬啓者。期刊萃新穎之學說。為時代之明鏡。牖啓民智。媲美圖籍。是以現代圖書館。廣蒐博採。尤措意于期刊之徵集。貴刊議論宏旨。夙深欽佩。願賜插架。藉公同好。敝館出版「圖書展望」月刊一種。以介紹新出圖書。輔進讀書興趣為宗旨。創刊伊始。謬承藝林推許。青眼有加。現為廣求友聲。願與貴刊相交換。茲特先奉敝刊第八期一冊。藉求教正。如荷鑒許。請即賜復。並將貴刊自最近期起。賜寄杭州大學路省立圖書館。敝刊即當按期寄奉也。專此奉達。佇候明教。祇頌公安。

浙江省立圖書館啓 六月五日

浙江省立圖書館來書二

湖南船山學社大鑒。謹啓者。敝館歷年所藏各種雜誌。除陳列公覽外。即將全卷檢

點付裝。以資保存。而便覽者。茲查貴處出版之船山學報。敝館所藏。尚缺後列各期。擬請惠予扶助。將缺期檢出賜寄。俾成完帙。則敝館與士林。當咸拜寵錫矣。如必需備款價購。亦請示知銀數。當即照奉。專此。即請
公安

浙江省立圖書館來書三

浙江省立圖書館啟 六月五日

船山學社諸先生大鑒。頃承惠賜船山學報。第二至十期共九冊。具徵隆誼。感荷靡既。喜南鍼之寵錫。明示津梁。幸東璧之生輝。珍全瓊玖。惟貴刊第一期。敝館所藏者。係民國四年八月出版。今蒙惠贈之第二期。乃二十二年五月出版。其間想多遺漏。敢懇一併賜補。俾成全璧。無任盼禱。又接六月十二號大札。囑補圖書展望第一至七期。茲另郵寄奉六七兩冊。致一至五期。敝館已無存書。未克補奉。良深歉仄。尚希鑒諒為幸。此請撰安。
浙江省立圖書館雜誌出納股啟 六月二十二日

江西省立圖書館來書一

敬啟者。頃蒙惠贈船山學報第十一期。拜受之下。如獲拱璧。喜慰莫名。船山先生

彙 錄 通 訊

九

學行卓絕。今世師表。敝館自開辦以來。即汲汲搜尋。先生之遺著。欲以供覽而示楷模也。今忽承貴社贈此鉅製鴻篇。厚賜如此。感何可言。惟查十一期以前。自第一期至第十期。敝館尙付缺如。全豹未窺。不無遺憾。擬懇將所缺各期。補惠一份。以後且源源惠寄。俾成完璧。而便珍存。倘須備價補購。即請開示價目。一並寄下。以便匯奉。此致

湖南船山學社。

江西省立圖書館啟 五月卅日

本社覆江西省立圖書館函

逕復者。頃得來函。敬悉貴館汲汲搜求。船山先生遺著。以供衆覽。而示楷模。與敝社志同道合。欽佩莫名。惟敝社改組四年以來。所贈各處學報。純係義務。未取分文。嗣因索者日多。加以經費異常困難。故難處處贈到。缺如之歎。實所不免。茲將第十一期以前。自一期至十期。各寄一冊。以報雅意。至購費一節。任貴館公道。(實價三角一冊。十冊三元。外郵費二角五分。)如收到。請即示知。以後再版。當如命源源寄送也。此致。

江西省立圖書館

江西省立圖書館來書二

湖南船山學社啟 六月一日

敬啓者。接讀六月一日惠函。敬悉貴社改組。四年以來。所寄各學報。未取分文。似此熱心。宣揚。先哲遺教。實不易得。曷勝欽佩。承寄貴學報一期至十期。拜領盛意。至深銘感。敝館現擬自第十二期起。預定全年一份。謹匯上國幣一元五角正。請查收。並發給定單。及收據各一紙爲荷。此致

湖南船山學社

江西省立圖書館啓

六月四日

北平燕京大學圖書館來書一

逕啓者。頃承惠贈船山學報。第十一期一冊。無任感謝。惟查貴學報。第七至第十期。敝館尙未入藏。深爲缺憾。擬懇賜補。並請以後按期。繼續寄下。俾資銜接。以供參考。茲附上敝館出版書目一紙。倘擇其中有可與貴刊交換者。當爲檢奉。專此奉達。卽希查照見復。爲荷。此致

船山學社

燕京大學圖書館啓 六月一日

叢錄通訊

一一

北平燕京大學圖書館來書二

逕復者。接展台函。備悉一是。承賜書籍。亦已收到。即當登錄皮藏。以備參考。所囑交換刊物。特照檢奉上。請煩察收。並請以後。源源賜寄刊物。藉資交換。是所至盼。此致
燕京大學圖書館啓 六月十七日

湖南船山學社

國立北平師範大學圖書館來書

敬啓者。茲承惠贈船山學報。十一期一冊。現已收到。以供公閱。荷蒙厚意。銘感實深。嗣後尙希按期寄贈。以成全璧。是所至盼。此致

湖南船山學社

國立北平師範大學圖書館書啓 六月一日

天津私立南開大學木齋圖書館來書一

逕啓者。頃承惠贈船山學報。第十一期一冊。業經收領。除編目陳列。以供衆覽外。特此函達。藉申謝忱。並請以後源源惠寄。爲荷。此致

湖南船山學社

天津私立南開大學木齋圖書館啓 六月四日

天津私立南開大學木齋圖書館來書二

敬啓者。承惠贈船山學報一份。至感。茲查第一期至第十期。迄今尙未收到。即祈查核。補足賜下。爲荷。此致

湖南船山學社

天津私立南開大學木齋圖書館啓 六月四日

河北省立保定民衆教育館來書

敬啓者。茲承惠贈貴刊。十一期一冊。除敬謹妥存。備衆參閱外。特此申謝。願頌公綏。

河北省立保定民衆教育館啓 六月六日

安徽省立圖書館來書

敬啓者。頃承惠贈船山學報。十一期一冊。內容豐富。議論詳確。拜受之餘。曷勝感佩。除分類陳列。供衆閱覽。以彰高誼外。特此函復。藉伸謝忱。此後再有出版。尙希源源賜寄。俾得彙藏。尤所盼禱。專肅祇頌公綏。

安徽省立圖書館啓 五月三十一日

江蘇私立東吳大學圖書館來書

啓者。頃承寄贈船山學報。第十一期一冊。具見貴社發揚國學。表彰先哲。不遺餘力。而嘉惠士林。實足多矣。茲後倘蒙源源賜寄。尤所盼禱。惟第一至十期。尊處尙有存

者亦希見惠。俾得彙訂成帙。而供參考。專謝。此上

船山學社

江蘇私立東吳大學圖書館啓 六月三日

江蘇私立東吳大學圖書館來書二

敬啓者。頃承惠贈圖書一種十冊。謹領之餘。當卽入冊編目。妥爲典藏。以供衆覽。嘉惠士林。曷勝感幸。倘蒙源源見賜。尤所盼禱。特此函謝。祇頌台安。

江蘇私立東吳大學圖書館啓 六月十三日

上海時代通訊社湘省分社社長張翌舒先生來書

木崖主任道席。久仰鴻儀。靡由晉謁。爲悵。伏讀貴報。蒐羅宏富。編制精審。盟誦之餘。不忍釋手。方今世道敗壞。人心澆漓。若不推崇聖教。恢復固有道德。不足以挽救陷溺之人心。諸公爲文學之泰斗。闡聖賢之薪傳。其裨益社會。嘉勉學子。良非淺鮮。惟吾湘文化各報。注意蒐羅。用特肅緘。擬懇惠贈八期至十一期。藉資借鏡。是所盼禱。專肅敬請教安。

上海時代通訊社湘省分社社長張翌舒謹啓 六月二十六日

濟南私立齊魯大學圖書館來書

逕啓者。頃承惠贈船山學報。十一期一冊。深紉厚意。業編目珍存。供衆瀏覽。並登諸校刊。用彰高誼。倘荷源源見寄。尤當拜賜多多。謹此鳴謝。祇頌公綏。

濟南私立齊魯大學圖書館 六月一日

山東省立圖書館來書

茲承惠贈船山學報一冊。業經編目歸架。用供衆覽。謹此奉覆。並謝高誼。此致
湖南船山學社

山東省立圖書館敬啓 六月一日

甘肅省立圖書館來書

敬覆者。頃承惠贈船山學報。十一期一冊。除編目陳列。俾供衆閱外。本擬訂購。但因敝館購書費。正在核准期間。如能在此期間。敢祈貴社將前報。按期贈閱。無任感荷。端此順頌公綏。

甘肅省立圖書館敬覆 六月五日

福建省立圖書館來書

叢 錄 通 訊

一五

敬覆者。頃承惠贈。深紉隆施。敬謹珍存。以供衆覽。而彰高誼。此後尙希繼續惠贈。並祈將第一期至十期檢送一份。俾成全璧爲感。肅此鳴謝。祇頌公綏。

福建省立圖書館館長王孝總謹啓 六月六日

國立中山大學圖書館來書

逕啓者。前承惠贈貴刊船山學報。現查尙缺下列期數。希照補寄。俾成完帙。爲荷。此致

湖南船山學社

圖書館主任謝明章啓

第一期至第十期

廣西省立第二圖書館來書

敬啓者。頃承惠贈圖書。殊深感紉。敬當編目珍藏。以供諸衆覽。以彰盛誼。專此佈達。並伸謝悃。此致

船山學社

廣西省立第二圖書館謹敬 六月十七日

綏遠省立圖書館來書

逕啓者。頃承惠贈船山學報。第十一期一冊。深紉厚誼。除分別編存。以供衆覽外。謹此鳴謝。敬請查照爲荷。此致

湖南船山學社

綏遠省立圖書館啓 六月九日

南京國立中央圖書館來書

逕啓者。前承惠贈船山學報。隆誼曷勝銘謝。茲查貴刊贈至第十期止。已停止贈送。相應再函奉瀆。即希查照。繼續賜寄。藉供衆覽。至爲感荷。此致

船山學社

國立中央圖書館籌備處謹啟 八月十七日

南京市政府圖書室來書

敬啓者。前承惠贈貴刊。深紉厚意。惟查該刊。下列各期。(計第一期至第十期)尙未收到。用特專函奉達。擬懇准予照補。俾窺全豹。如蒙俯允。無任銘感。嗣後貴處各種出版物。請直接逕寄本府圖書館。以免遺失。祇頌

公綏

南京市政府圖書室謹啓 八月二十二日

公 牘

業 錄 公 牘

致南寧李德鄰白健生先生快電

叢錄公牘

一八

南寧李德鄰先生白健生先生鑒。月前聯同民衆法團。先後奉上兩電。諒邀察覽。近閱報載。尊處紛紛調兵遣將。徵發民團。侵入粵湘。又載有兩公幡然高蹈。舍棄中央新命。即將下野放洋等語。兩說紛紜。莫衷一是。由前之說。則國家前途危如累卵。明達如兩公。想亦決不出此。由後之說。則兩公愛國之心。昭然若揭。下野放洋。固表清高。但獨潔其身。此非豪傑所爲。竊爲兩公不取。今爲兩公計。莫如服從中央。接受新命。不知者以爲近於異懦。有玷聲威。在有識者觀之。則爲忍辱負重。爲國爲民。此豈悻悻小丈夫所能比其萬一。况國防委員會。爲國家大計所自出。至浙江一省。南作京師之屏藩。東握海疆之鎖鑰。形勢重要。居桂省之上。兩公或內參樞密。或外護疆圉。抗戰素志。得所發展。嘉謀偉績。必有可觀。且表體諒中央苦心。和衷共濟之雅。務請當機立斷。任之不疑。國家幸甚。亦本社之期望者也。本社砥礪道德。講求國學。素不與聞政治。交通當道。前此兩電。出於被髮纓冠之忱。今因閱報得讀。蔣委員長東電。義正辭平。布衣昆季之誠。靄然言表。令人心折。故

本於愛敬 兩公昔日勳名之意。及息事寧人之心。特進一言。尙祈
察納

湖南船山學社叩

長沙綏靖主任公署來函

逕啓者。頃奉

參謀長諭。

委座行轅。日內即將駐長。暫以中山東路曾公祠全部房屋。作為駐址。所有現駐該
祠內之公安局保安隊佛教會船山學校。限於明(十九)日。一律遷移完畢。以便佈
置等因特達。即希查照辦理。爲荷。此致

船山學校

長沙綏靖公署第二處啓 六月十八日

致湖南省教育廳省黨部省政府三處公函

逕啟者。案准長沙綏靖主任公署函開。頃奉

參謀長諭。

錄 公 牘

第 十 二 期

委座行轅。日內即將駐長。暫以中山東路曾公祠全部房屋。作為駐址。所有現駐該祠內之公安局保安隊佛教會船山學校。限於明(十九)日。一律遷移完畢。以便布置等因特達。即希查照辦理。為荷。此致等由准此。本社業於昨六月十九日。暫行遷上營盤街三十七號逸園內。設立通訊處。照常辦公。合亟函請。察核備案。至為公便。此致

湖南省教育廳廳長朱

湖南省政府主席何

中國國民黨湖南省黨部特派委員賴

湖南船山學社啓 六月二十日

長沙綏靖主任公署函

敬啓者前准

貴處來函。暫借本社及佛教會房屋。作為

委座行轅。本社與佛教會。即於六月十九日遷出。所有遷移及佃賃房屋等費。迄今

兩月有餘。損失甚鉅。茲因

委座行轅。業已遷出。又有某師軍隊。繼續駐內。查本社當日與

貴處言定。係作委座行轅。今行轅既經遷移。則房屋應如約交還本社。方為合法。

况本社係私人組織學術團體。與公家性質迥然不同。值此秋季開講在即。各項社務。急待進行。相應函達

貴處。即乞將本社房屋。及借用一切什物。憑單交還。以踐前約。而利進行。佇候

賜覆。無任盼禱之至。此致

長沙綏靖主任公署主任何

湖南船山學社謹啓 八月二十八日

上廣州蔣委員長電一

廣州蔣委員長鈞鑒。本社房屋與曾公祠比鄰。前行轅移湘時。由長沙綏靖公署來函。暫借作用。事關大局。遵即遷讓。昨行轅已奉令移粵。乃又有憲兵七團一營。及第一師軍醫處。分駐全部房屋。本社係私人文化團體。開講在即。特懇鈞座。電飭該團

等。即日遷出。並懇頒發。永遠不許駐兵布告。賜下。以便張貼。士林同感。

湖南韶山學社陶恩會王禮培周逸等叩卅

致長沙綏靖主任公署函

逕啓者本社房屋。因貴署六月十八日來函。暫借作爲。

委座行轅。本社以事關大局。倉卒遷讓。舍固有之房屋。而賃他人之房屋。每月租金數十元。損失不少。至佃與佛會之房屋。亦被暫借。尙未收回。其損失更復不少。如此委曲求全。原爲注重。

委座軍務起見。想貴署亦當曲諒此心也。前因行轅業經移粵。本社上月二十七日。已函請貴署。立將房屋交還。以踐前約。迄今未見。回示。本社開講在卽。乃近又有憲兵七團一營。並未通知本社。徑行駐內。似此彼去此來。其如私人團體之主權何。况本社前允暫借。僅指行轅而言。則不得轉借駐其他軍隊。貴署維持文化。若使本社因故障而廢學務。諒非貴署之初心。除將此次所受損失。查明數目。另函聲請補償外。用特再陳。乞

迅飭憲兵營。即日遷出。立將全部房屋交還。以重信守。而全道義。爲荷。此致
長沙綏靖主任公署

湖南船山學社啓 九月一日

長沙綏靖主任公署復本社函

逕覆者。接准 貴社來函。以本署前向商借房屋。係暫作
委座行轅。乃行轅移粵後。又有憲兵營入駐。請飭即日遷出。將全部房屋交還。以重
信守等由。准此。查憲兵營移駐 貴社。係奉
委座命令。本署事前未知。嗣以 貴社開講在即。派員商請第一師參謀長讓出。該
師軍醫院。現駐佛教會房屋。移駐憲兵營。騰出 貴社房屋。交還應用。業經交涉妥
貼。一俟軍醫院遷出。即行知會接收。惟憲兵營人數頗多。據稱軍醫院騰出房屋恐
難盡數容納。或仍須借住一部分。容後再商。准函前由。相應函覆。請煩查照。此致
湖南船山學社

主任何 鍵 九月三日

軍事委員會委員長行轅總務處來函

奉

交下 貴社電一件。請飭憲兵一營。及第一師軍醫處。遷讓房屋。查憲兵營業已調防。第一師軍醫處。已電飭遷讓矣。特達 查照。為荷。此致
湖南船山學社

軍事委員會委員長行轅總務處啓 九月三日

上廣州蔣委員長電二

廣州蔣委員長鈞鑒。前上卅電。旋奉鈞轅總處函。仰見維護至意。現一師軍醫處業已遷遷。憲兵一營尚未去。復有第三營駐入。迫懇電飭長沙綏靖公署。速另覓他處。俾憲兵移住。仍懇頒發不許駐兵佈告。為禱。湖南船山學社陶思曾周 逸等叩文。
長沙綏靖主任公署第二處來函

頃奉

主任何發下

委員長蔣寒戌侍參羊電開。(銜略)據湖南船山學社陶思曾周逸等電稱。前上卅電。旋奉鈞轅總處函。仰見維護至意。現一師軍醫處。業已遵遷。憲兵一營。尙未去。復有第三營駐入。迫懇電飭長沙綏靖署。速另覓他處。俾憲兵移駐。仍懇頒發不許駐兵佈告。爲禱。等語。希查核辦理。逕復等因。除函請軍事應接處。另爲憲兵營代覓駐地。俾便遷移。並分函憲兵一三兩營查照外。相應函達查照。此致
湖南船山學社

處長鄧南驥 九月十六日

復長沙綏靖主任公署第二處函

逕復者。案准

貴處處字第四九號函開。奉

蔣委員長寒戌電。已函軍事應接處。另爲憲兵營代覓駐地等因。一案。查憲兵第三營現在尙未遷移。究竟軍事應接處。已否覓妥房屋。呈報
貴處。如未覓定。應請再函該處。速爲辦理。俾本社得早遷回開講。爲荷。此致

長沙綏靖主任公署第二處處長鄧

副社長陶思曾 九月十八日

長沙綏靖主任公署第二處覆函

逕復者。准 貴社來函。以駐紮社內之憲兵第三營。現在尙未遷移。究竟軍事應接處。已否另覓房屋。如未覓定。請再函速爲辦理。俾得遷回開講等由。查本署前奉 委員長蔣寒成電。除由本處函請軍事應接處。另爲代覓房屋。俾便遷移外。一面函 達憲兵營。查照去後。旋奉

主任何。發交憲兵第三營營長湯漳耶報告。稱案准鈞署第二處。九月十六日處字 第零零四九號公函。爲奉

委員長蔣寒成侍參羊電。已函軍事應接處。爲本營另覓駐地等由。正準備遷移。聞 復准軍事應處。九月十七日箋。函囑本營尅日移駐。經武門外四十九標兵房等由。自應遵辦。惟查四十九標兵房地處偏僻。本營爲服務城市之憲兵部隊。駐住實不 相宜。茲爲便於本營服務。及船山學社講學。兼籌並顧起見。擬將本營現住之房屋。

(共三棟)右邊全棟。及中間前二進。讓與船山學社。(已足敷用)左邊全棟。(本係佛法會。現並不需用。)及中間後二進。仍留爲本營駐住。雙方各門出入。兩無妨礙。准函前由。除函復軍事應接處外。理合將本營遷移房屋。困難情形。備文呈請鈞座鑒核。並乞准如所請。實爲公便等語。同時接准 台函。經飭派副官前往憲兵營商洽。所得結果。仍與上項報無異。其所持理由。以該營服務範圍。在於城市。軍事應接處代寬之四十九標房屋。地處偏僻。實不相宜。爲兼顧 貴社講學。騰出一部房屋。雙方分門出入。兩無妨礙。似屬可行。且憲兵暫時服務此間。並非長期駐紮。又以客軍關係。亦未便過於固執。強其遷移。特函復。請 貴社通融辦理。爲荷。此致
湖南船山學社

長沙綏靖主任公署第二處啓 九月二十五日

上廣州蔣委員長電三

廣州蔣委員長鈞鑒。憲兵第三營駐紮本社。及佛學會全部房屋。業由省會軍事應接處。覓有駐地兩處。延不遷去。本社無地開講。且船山師誕祭在卽。迫懇逕電湯營

長。速遷爲禱。船山學社陶思曾周逸王禮培李澄宇等叩感

覆長沙綏靖主任公署函

逕覆者。昨接

貴署第二處。九月念五日來函。爲本社房屋。被憲兵第三營借駐事。除原文有案不錄外。後開經飭派副官。前往憲兵營商洽。所得結果。仍與上項報告無異。其所持理由。以該營服務範圍。在於城市。軍事應接處代覓之四十九標房屋。地處偏僻。實不相宜。爲兼顧貴社講學。騰出一部房屋。雙方分門出入。兩無妨礙。似屬可行。且憲兵暫時服務此間。並非長期駐紮。又以客軍關係。亦未便過於固執。強其遷移。特函覆請貴社通融辦理。爲荷。等由。查湯營長報告。以右邊全棟。及中間前二進。讓與船山學社。(已足敷用)等語。不知本社職員。及董事雇員等。均須住社。實不敷用。况船山先師誕祭在即。屆期自本省軍政長官。及學員社友均來與祭。若正中右庫門封閉。皆從夾巷出入。成何事體。且右庫門以內。爲本社中堅之房屋。若被割斷。殊失觀瞻。又該報告左邊全棟。(本係佛法會現並不須用)等語。不知佛法會早賃本社房屋。

押租行租修理等費甚鉅。故正需用甚急。本社既負鉅欠。更不便退佃。此本社對於來函。礙難照辦之實在情形也。現憲兵第三營。既不願遷往四十九標營房。及舊督署。應仍請

貴處飭軍事應接處。再行另覓他處。俾得即日遷移。諒

貴處維護軍學。必有善法處此也。除電懇

蔣委員長電飭湯營長外。相應函覆。即請

查照爲荷。此致

長沙綏靖主任公署第二處

湖南船山學社啓 九月二十七日

電南京憲兵司令部谷司令官

南京憲兵司令部谷司令官勳鑒。皓電計達。未奉覆示爲悵。貴部第三營駐紮法會學社兩處房屋。迭請遷移。竟屢推卸。昨省會軍事應接處函。以業由綏靖公署代覓駐地兩處。請其遷移。並囑會社同往接收。詎貴部以司令部日內派員。來湘點驗等

詞拒絕。竊憲兵爲軍隊模範。今竟若此。祇得再懇貴司令。電飭該營。尅日遷移。並電檢閱員。代爲督促。仍祈賜覆爲禱。湖南護國息災法會王代懿粟。越時。船山學社陶思曾周逸等叩歌（十月五日）

致綏靖公署函

第 十 二 期

逕啓者。昨接軍事應接處函開。查憲兵第三營。佔駐貴社及佛學會房屋。節經本處派員交涉。該營已承認船山學社。前後房屋全部讓出。並撤銷門衛。以便出入等由。准此。本社卽於昨日。派員前往接收。據云。祇允交還前後兩部。其中石庫門內。仍須借作該營營部。其木器則須俟日內檢閱。以後點交。如貴社需要中棟房屋。則需綏靖公署來令。卽遷等語。本社因。船山先師誕辰在卽（夏曆九月朔日）須籌備舉行祭祀。又開講時期。亦不能再延。需房屋萬急。且佛學會亦急須房屋應用。業於前月二十七日。致函貴處。請速交還在案。茲該憲兵營。仍不肯交還。用特函達。仍希設法。指令該營卽日遷出。爲荷。此致

長沙綏靖主任公署

湖南船山學社啓 十月五日

長沙綏靖主任公署副官處來函

逕啓者。奉

主任發交貴社來函一件。以駐社內之憲兵營。迄不允全部讓出。現 船山先師誕辰在卽。須籌備舉行祭祀。又值開講時期。需屋甚急。請設法令該營。卽日遷移等由。查軍事應接處。前覓定四十九標。爲該營駐地。以地點偏僻。於任務上極不相宜。不允遷駐。商准將現駐房屋。騰出一半。爲貴社講學之用。業經函達。查照在案。茲准前由。復派員前往交涉。該營仍以任務關係。未便照辦爲辭。惟該去員稱。憲兵營雖將正屋前棟。及右棟房屋讓出。然駐正屋後棟之憲兵營部。仍從正屋前門出入。設有門衛。貴社講學及出入其間。頗有不便。經商妥湯營長。所有該營官兵。悉從左棟側門出入。撤去正面門衛。並將駐憲兵營部之前面。及右側兩門扇閉。俾免士兵混入學社。如此辦理。確於講學無礙等語。相應函達查照。仍請通融辦理。爲荷。此致

長沙公署

三一

湖南船山學社

長沙綏靖主任公署副官處啓 十月八日

復長沙綏靖主任公署函

敬復者。昨准

貴署十月八日函開。除原文有案不敘外。後開經商妥湯營長。所有該營官兵。悉從左棟側門出入。撤去正面門衛。並將駐憲兵營部之前面。及右側兩門扇閉。俾免士兵混入學社。如此辦理。確於講學無礙等語。相應函達查照。仍請通融辦理爲荷。等由。查

貴署前暫借本社房屋。係作

委座行轅。事關大局。故本社倉卒覓佃營盤街房屋。押租行租。臨時增加。雖感困難。義不容已。現大局統一。諸事回復原狀。本社房屋。早應全部交還。無任聽憲兵營戀駐之理。况

貴署指定四十九標兵房。即在小吳門外。距中山東路。並非遙遠。該營聲稱不便。殊

難索解。即令真屬不便。現有舊督軍署。空房甚多。門臨中山馬路。與本社同樣。若令該營遷駐。斷無何種不便之處。前憲兵第一營。曾駐本社。甫遵

委座電令遷出。該營即不應再行遷入。今復戀駐。不肯交還。似有故意貌玩。最高級長官命令之嫌。恐非軍人所宜。刻經本社董事會議。僉云。綏靖公署復函可感。但事實上。礙難照辦。本月十五日爲先師船山先生誕祭。全城文武長官。自主席以下。全體會員。皆須到社。萬不可由狹巷出入。本社房屋。仍請綏靖公署設法。令該營全部遷出。俾便接收。如該營再不全部遷出。致本社職員。不能辦公。船山先師誕祭。不能舉行。勢當電訴當局。以明責任所在等語。紀錄在卷。爲此函復貴署。仍請轉飭該營。從速全部遷出。復示施行爲荷。此復

長沙綏靖主任公署

湖南船山學社啓 十月十一日

致湖南省會軍事應接處函

錄 公 啟

三三

第十二期

逕啓者。前據
貴處。暫借敝社房屋。作行轅之用。並經
貴處。借用屋內一切什物等項。當由

貴處訂有交點清單。籍印在卷。茲值船山先師誕祭在即。現由憲兵營騰出前後一
部份房屋備用。所有房屋什物。直接間接各損失。另開清單。交由本社鄭庶務與
貴處當面接洽。至什物估價一節。刻經本會議決。未便估定。若何價值。仍請依照原
物原價賠償。再本社及佛學會房屋。請向該營交涉。從速將全部交還。爲荷。此致
軍事應接處

湖南船山學社啓 十月十二日

失單另鈔

致長沙綏靖主任公署函

逕啓者。前承派員來社。暫行交還本社房屋一部分。以辦 船山先師誕辰祭祀。仰
見 維護之至。茲因秋季將完。亟待講學。需全部騰空。方敷應用。加以狹巷出入。尤
感不便。又本社左邊房屋。佃與佛學會。因該會修理費千餘元。索賠此款。甚急。屢函

催促事實至感困難。不已。用特專緘
貴署。請即為憲兵營另覓地點。前經指定四十九標及舊督署內房屋。現聞某處駐
兵退出。房屋已空。儘可駐紮。懇 令從速遷移。交還本社全部房屋。以供應用。主權
所有。維冀 保存。不勝感荷。此致
長沙綏靖主任公署

湖南船山學社啓 十月二十五日

祝蔣委員長五旬儉電

蔣委員長鈞鑒。恭維 總座。天嶽降靈。百年大衍。四表歸仁。湯武勳業。夷夏尊親。肅
電奉祝。邦國永寧。

湖南船山學社公祝 十月二十八日

致綏遠傅主席暨全體將士慰勞電

綏遠傅主席暨全體將士勳鑒。寇兵犯境。全國髮指。公等大伸義憤。殺敵致果。北望
風雲。同聲起敬。謹率員工。節食三日。聊助壺漿。

湖南船山學社叩梗

25x10

期 二 十 第

叢 錄 公 版



三六

本社紀事

船山先師詩錄

洞庭秋 廿八

周 逸敬選

玻璃帝網兩鏡參。玄中之玄清靈酣。露泡影相合不二。水月空觀誰爲三。
中流兩岸四無定。鳥道一碧微自諳。軍持滿汲寒沁骨。容受無多祇大慙。

廿九

青幕白地清涎黏。濃淡分界唯微纖。未審天容虧半壁。定疑水氣消餘炎。
披襟不讓雲將御。理楫略挂羚羊尖。塵空白戰九十日。吸月餐風亦損廉。

三十

玉液統此微霄函。俯仰不知靈與凡。旭霧平收兜羅捲。陰彩夕湧牟尼峴。
肉翅欲愁千里倦。韻目難厭一响饑。蒼螺半點點霜色。謫仙何情強欲芟。

本社紀事

從二十四年十一月起至
二十五年十一月一日止

二十四年十二月二十五日、開董事常會。出席董事謝鴻熙、周逸、王禮培、黃贊元、胡子清、彭施滌、任福黎、張有晉、王壽慈、黃鞏、顏昌曉、楊卓新。請假董事陳嘉會、蕭仲祁、李澄宇。一、報告事項。王董事長報告、本屆董事常會、提前開會、係因趙社長去世、特提前召集討論。二、趙社長逝世、本社應派員前往致祭案。一、推舉王董事長代表前往致祭。二、弔儀費用以參拾元為限。三、代表旅費等項、實報實銷、議決通過。三、本社於昨晚有輸送隊來社交涉、暫行借用講堂房屋、無法制止、當由該隊長官宋君承認兩星期。即行遷出各情節、議決暫允借用。

二十五年一月二十六日、開第四次董事常會。出席董事陳嘉會、周逸、彭施滌、謝鴻熙、王禮培、任福黎、蕭仲祁、胡子清、李澄宇、顏昌曉、張有晉。一、王董事長報告。本社船山祠兩邊房屋、前被軍隊佔駐月餘、至昨日業已遷出、今後應謀一善後方法、

本 會 紀 事

一

請公決案。議決保留。二、本社社長趙芷蓀先生逝世，應照章改選繼任社長案。董事長提議。一、由本會去函陶副社長，請其回社主持社務。二、擇期召集臨時社員大會，投票選舉社長。三、照章先由本會預選五人，為社長候選人，提交社員大會複選。三、本會董事鄧瑾珊因公出省，並未請假，董事程子樞已經四次未出席董事會，並未請假，均應照章改選，請公決案。董事長提議，推候補董事劉謙、王代懿繼任，並由本會去函通知劉王兩董事。

二月二十三日，開第五次董事常會。出席董事周逸、謝鴻熙、彭施滌、楊卓新、王禮培、李澄宇、劉約真、顏昌曉、王壽慈、任福黎。請假董事陳嘉會、蕭仲祁、黃翠、王代懿。一、周董事逸提議，本社上年僅舉行季課一次，現在各處多來函詢問，究應如何繼續主辦案。議決，由本社每年舉行春秋兩季，季課各一次，獎金以一百元為限。二、周董事逸提議，本社既舉辦春秋課兩次，學報自不能出版四期，應如何縮減案。議決，暫定每年出版兩期。三、王壽慈、周逸介紹黃昌年、郭尺岩、周逸介紹黃履直、周逸、王禮培、介紹王道純、周逸、楊華一、介紹劉璞、彭施滌、周逸、介紹方新、周逸。

彭施滌、介紹程子楷、周逸、王代懿、介紹周維翰、謝鴻熙、李澄宇、介紹李達。爲本社社員議決通過。

三月二十二日、開第六次常會。出席董事顏昌曉、周逸、王禮培、謝鴻熙、蕭仲祜、王代懿、胡子清、任福黎、王壽慈、黃羣。請假董事黃贊元、陳嘉會。本社繼任社長、亟應預選五人爲候選人、以便提交社員大會複選案。王董事長禮培提議、議決、不記名投票。開票結果、黃昌年十票、王禮培八票、任福黎七票、黃羣五票、蕭仲祜、陶思曾、各四票、顏昌曉、胡子清、各三票、王壽慈二票、彭施滌、周逸、黃贊元、羅正偉、各一票。決定以前列之黃昌年、王禮培、任福黎、黃羣、蕭仲祜、爲正式候選人。俟擇期開臨時社員大會投票選舉。

四月十九日、開臨時社員大會。到社員周逸、謝鴻熙、劉約真、郭人謙、彭濟昌、楊佑羣、王壽慈、方永揚、沈醉七、劉國逸、蕭甘溪、李礫、黃贊元、託周逸代表、楊蕉園、蕭仲祜、廖樹勳、王禮培、葛遠銘、粟載時、李忠澍、王道純、黃仲深、陳健民、周維翰、黃羣、任福黎、曾汝昌、彭昂、李達、鄭鑄心、王代懿、辜天佑、郭尺岩來函、請周逸代表投票。報告

事項。一、王董事長報告本日開會意義及會之秩序。二、推定臨時主席案。議決。推王董事長為臨時主席。並推舉周逸先生為發票員。王代懿、劉約真先生為監票員。彭濟昌、陳健民先生為開票員。三、選舉社長。發票三十三張。黃昌年得三十二票。理合當選。

第十二期

四月廿六日開第七次董事常會。出席董事謝鴻熙、周逸、王禮培、胡子清、顏昌曉、劉約真、李澄宇、蕭仲祜、王代懿、王壽慈。請假董事黃贊元、陳嘉會。報告事項。周董事逸報告上次社員大會。選出繼任社長黃符輿先生。業於日前由本會去函。及本人與王董事長私人亦去函致請游社主持。討論事項。一、黃董事輩、周董事逸、介紹陳鍾、嶽為本社社員案。議決通過。二、周董事逸提議推舉程歷生先生為本名譽董事案。議決通過。

五月廿四日開第八次董事常會。出席董事劉約真、李澄宇、周逸、王壽慈、黃贊元、蕭仲祜、王代懿、陳嘉會、黃輩、胡子清。請假董事王禮培、謝鴻熙。討論事項。一、周董事逸提議推舉凌拔枏先生為名譽董事案。議決通過。二、舉行本社上期季課案。議

決通過。三、推舉社課委員案。議決。推周逸、蕭仲祁、黃鞏、胡子清、李澄宇、黃贊元、王壽慈、陳嘉會、顏昌曉、王代懿、劉約真十一人爲社課委員。並推周逸爲委員長。四、議定社課取錄名額及獎金等第案。議決。取錄正取二十名。附取三十名。第一名獎金十二元、第二名八元、第三名六元、第四名五元、第五名四元、第六名至第十名、各三元。第十一至第二十名、各二元。附取三十名、每名各一元。

六月十八日、開社課委員會。出席社課委員蕭仲祁、請病假。周逸、黃贊元、黃鞏、劉謙、王代懿、顏昌曉、胡子清。討論事項。推定評閱社課卷案。議決。推黃社長杼與先生評閱。

七月十九日、開第二次社課委員會。出席委員王壽慈、李澄宇、陳嘉會、劉謙、胡子清、蕭仲祁、王禮培、黃贊元、周逸、陶思會、顏昌曉。來函請假。一、報告事項。委員長周逸報告今日開本年上半年社課揭曉會。並假定教育會門前張貼榜示。二、提議事項。又提議將課卷傳觀。請決定等第案。議決。照社長評定優劣。以分等第。

十月十一日、開臨時董事會。出席董事劉約真、任福黎、周逸、胡子清、李澄宇、陳嘉會。

黃羣、王禮培、王壽慈、陶思曾討論事項。一、周逸、陶思曾介紹左君年、張葆元、陶企、曾程、瀛石、唐兆鳳、余冕為本社社員案。議決通過。二、擬致函軍事應接處、賠償損失案。議決照擬定函稿開列失物單據、請照賠償。三、擬致函長沙綏靖公署、請退還本社中棟及佛學會房屋案。議決通過。並請陳李玉、胡諸董事將函稿修正、速送綏靖公署、稿另存。

十月十五日（夏曆九月朔日）舉行 船山先師誕祭典禮。主祭者本社名譽董事長何主席芸樵。與祭者何市長元文、黃縣長崧甫、社員蕭仲祜等百餘人。上午十時致祭。祭畢十二時會餐。下午開社員大會。出席社員陶思曾、王禮培、周逸、胡作鏞、毛覺民、黃贊元、黃羣、任福黎、葛遂銘、黃仲深、彭濟昌、陳嘉會、郭人謙、劉嶽崙、劉約真、顏昌曉、李忠澍、鄺鴻鈞、郭向陽、王壽慈、蕭仲祜、蕭甘溪、李礪、廖樹勳、彭長、張斗衡、朱璧幹、韓君劍。推舉臨時主席案。議決當推陶副社長為臨時主席。報告開會意義。繼由祕書兼常務董事周逸報告社務情形三項。一、社長來函。二、本社一年來辦事經過。三、本社收支賬目。提議事項。旋即議決要案二項。一、本社房屋

因綏靖公署暫借與憲兵第三營駐紮。迄未遷出。應如何辦理案。議決。推陳鳳光、周木崖、李洞庭、王佩初、陶叔惠、王澍芝、胡少潛、爲房屋交涉委員。議決。通過。二王董事長禮培提議。照章改選董事案。議決。推舉王壽慈、陳嘉會、任福黎、顏員曉、劉約真、蕭仲祜、周逸、張有晉、彭施滌、胡子清。爲連任董事。並推舉劉嶽崙、彭濟昌、朱肇幹、韓君劍。爲候補董事。議決。通過。

十一月一日開第五屆董事會成立會。出席董事李澄宇、王代謨、周逸、王禮培、黃羣、陳嘉會、胡子清、黃贊元、楊卓新、王壽慈、任福黎。請假董事蕭仲祜、劉約真。當推王董事長禮培爲臨時主席。報告本年。先師誕祭日。經社員大會推舉王壽慈、任福黎、陳嘉會、顏員曉、劉約真、蕭仲祜、周逸、張有晉、彭施滌、胡子清。爲連任董事。並推舉劉嶽崙、彭濟昌、朱肇幹、韓君劍。爲候補董事。本社今日開董事會成立會。改選正副董事長。請依法改選案。議決。本日尙有顏員曉、張有晉、謝鴻熙、彭施滌、四董事缺席。應延期舉行改選。定於本月十五日。再由本會去函。通知未到會各董事。選舉正副董事長。議決。通過。周董事逸提議。組織下期社課委員會案。議決。委

員會即日成立。推舉已到會董事。王禮培、黃贊元、任福黎、陳嘉會、周逸、王壽慈、李澄宇、王代懿、黃羣、胡子清、楊卓新。十一人爲委員。並推周委員逸爲主任。一、議定取錄名額及獎金等第。議決。照上期辦法。正取二十名。附取三十名。第一名獎金十二元。第二名八元。第三名六元。第四名五元。第五名四元。第六名至第二十名各二元。附取三十名。每名各一元。二、擬定課題於後。經義類(一)當今之時。萬乘之國。行仁政。民之悅之。猶解倒懸也。義(二)孟子述天地方蹶。無然泄泄。詩義與傳義有無異同。試發明之。治事類(一)商鞅開阡陌以盡地力。秦以富強。後儒詆其廢井田變壞古制。試論其得失。(二)王荆公張江陵合論。詞章類(一)謁船山先生故宅。不限韻(注)先生故宅在衡陽縣西鄉高節里(二)擬杜工部諸將五首。不限韻本社下期社課。分經義治事詞章三類命題。應課者以每類各作一題爲完卷。省會限十日交卷。外縣限二十日交卷。自出題之日起算。至付郵之日止。直寄長沙中山東路船山學社。議決。通過。十一月十五日。開第五屆第一次董事會。出席董事劉真、胡子清、王壽慈、周逸、陳嘉會、王代懿、黃贊元、王禮培、張有晉、顏昌曉、謝鴻熙、任福黎、黃羣、楊卓新。請假董

報 學 出 船

事蕭仲祁。因事退席董事劉約真、張有晉。當推王董事禮培為臨時主席。周董事逸報告。本社與市政府交涉房屋經過情形。改選正副董事長案。議決。不記名投票。開票結果。陳嘉會四票當選為正董事長。王代懿、王禮培各二票。拈鬮決定。以王代懿為副董事長。

湖南船山學社 民國二十五年五月至十月 新入社員一覽表

姓名	別號	年齡	籍貫
陶企會	伯約	六一	安化
余冕	石麓	五九	長沙
唐兆鳳	鳴皋	四六	武岡
左景祐	君年	五〇	湘陰
張伯良	葆元	六五	芷江
程瀛石		五七	寧鄉
劉維隔	廉生	六二	湘潭

專

著

X56



船山先師詩錄

徐秀才渭 懷古

周 逸敬選

湖光千頃敞祠宮。雪捲長隄綴蓼紅。血蹟臙殘凋燕壘。靈旗雲閃起蛟風。
同爭成敗天難主。情到華夷感亦同。古鼎香烟飄碧篆。絲絲飛繞六陵東。

湯遂昌顯祖 寄懷

星漢當簷挂素秋。元禽欲去復絨愁。江花笑拂荷衫袖。穀水回迎竹葉舟。
行藥定逢萸九節。憶梅遙愛月三洲。垂楊色色榮歌扇。未遣新箏怨雁樓。

專 著

船山先生年譜卷上續第九期

八世從孫之春輯

有邀公赴安隆所者。公復筮得睽之歸妹。乃止。作章靈賦以見志。

章靈賦題注。明年癸巳。筮復如之。時可望挾主滇黔。有相邀赴之者。久陷異土。

既以得主而死為歆。託比匪人。尤以巷遇非時為戒。仰承神告。善道斯章。因賦

以見。又賦注。自違君側。於茲三載。

二月。

清兵進擊李定國于永州。十二月。孫可望別將據武岡新甯城步。

公三子勿幕生。

詩有元日左素公鄒大系期同劉子參過白雲菴茶話五律二首。春盡五律三首。

五十自定稿。

清順治十一年甲午。明桂王永曆八年。公三十六歲。

專 著 船山先生年譜卷上